



本紀卷第九

宋史九

開禧備三司莊園置國軍事前中書省丞相監脩國史領經筵事都總裁臣脫脫等奉  
勅

仁宗一

仁宗體天法道極功全德神文聖武睿哲明孝皇帝  
諱禎初名受益真宗第六子母李宸妃也大中祥符  
三年四月十四日生章獻皇后無子取為己子養之  
天性仁孝寬裕喜愠不形於色七年封慶國公八年  
封壽春郡王講學于資善堂天禧元年兼中書令明  
年進封昇王九月丁卯冊為皇太子以參知政事李

迪兼太子賓客癸酉謁太廟四年詔五日一開資善  
堂太子秉笏南鄉立聽輔臣參決諸司事乾興元年  
二月戊午真宗崩遺詔太子卽皇帝位尊皇后爲皇  
太后權處分軍國事遣使告哀契丹己未大赦除常  
赦所不原者百官進官一等優賞諸軍山陵諸費毋  
賦於民庚申命丁謂爲山陵使出遺留物賜近臣宗  
室主兵官甲子聽政于崇政殿西廡乙丑以生日爲  
乾元節丙寅遣使以先帝遺留物遺契丹進封涇王  
元儼爲定王賜贊拜不名以丁謂爲司徒兼侍中尚  
書左僕射馮拯爲司空兼侍中樞密使尚書右僕射

曹利用爲尚書左僕射兼侍中戊辰貶道州司馬寇  
準爲雷州司戶參軍尚書戶部侍郎李迪爲衡州團  
練副使宣徽南院使曹瑋爲左衛大將軍三月乙酉  
作受命寶庚寅初御崇德殿太后設幄次于承明殿  
垂簾以見輔臣夏四月壬子遣使以卽位告契丹丙  
寅交州來貢五月乙亥錄繫囚雜犯死罪遞降一等  
杖以下釋之六月己酉命參知政事王曾按視山陵  
皇堂丁巳契丹使來祭奠弔慰庚申入內內侍省押  
班雷允恭坐擅移皇堂伏誅丁謂罷爲太子少保分  
司西京甲子改命馮拯爲山陵使丙寅降參知政事

任中正爲太子賓客秋七月辛未馮拯加昭文館大學士王曾爲中書侍郎同中書門下平章事集賢殿大學士呂夷簡魯宗道參知政事乙亥遣使報謝契丹丙子樞密副使錢惟演爲樞密使戊寅改翼祖定陵爲靖陵辛卯貶丁謂爲崖州司戶參軍八月壬寅遣使賀契丹主及其妻生日正旦乙巳皇太后同御承明殿垂簾決事九月壬申告大行皇帝謚于天地宗廟社稷癸酉上謚冊于延慶殿己卯命以天書從葬冬十月壬寅契丹使來賀卽位己酉葬真宗皇帝于永定陵詔中外避皇太后父諱己未祔直宗神主

于太廟廟樂曰大明之舞以莊穆皇后配辛酉降東西京囚罪一等杖以下釋之蠲山陵役戶及靈駕所過民田租十一月丁卯朔錢惟演罷甲戌响所囉立遵求內附乙亥以皇太后生日爲長寧節辛巳初御崇政殿西閣講筵命侍講孫奭馮元講論語壬午以張知白爲樞密副使十一月壬戌契丹使來賀明年正旦是歲蘇州水滄州海潮溢詔振卹被水及溺死之家南平王李公蘊遣使進貢

天聖元年春正月丙寅朔改元庚午契丹使初來賀長寧節癸未命三司節浮費遂立計置司戊子以京

東淮南水災遣使安撫辛卯發卒增築京城二月戊戌許訥斯囉歲一入貢丁巳奉安太祖太宗御容于南京鴻慶宮壬戌減諸節齋醮道場三月甲戌奉安真宗御容于西京應天院丙子詔減西京囚罪一等徒以下釋之賜城中民八十以上者茶帛仍復其家甲申詔自今營造三司度實給用辛卯司天監上崇天曆行淮南十三山場貼射茶法夏四月辛丑罷禮儀院丁未乾元節百官及契丹使初上壽于崇德殿癸丑詔文武官奏蔭親屬從本資丁巳詔近臣舉諫官御史各一人五月甲子行陝西河北入中芻糧見

錢法庚午詔禮部貢舉辛未錄繫囚甲戌命魯宗道按視滑州決河庚寅議皇太后儀衛制同乘輿六月甲辰罷江寧府溧水縣采丹砂乙卯禁毀錢鑄鐘秋七月壬申除戎瀘州虛估稅錢詔職田過水旱蠲租如例辛巳蠲天下逋負八月乙未募民輸芟塞滑州決河丙申下德音減天下囚罪一等杖以下釋之廢鄆州東平馬監以牧地賦民甲寅芝生天安殿柱九月丙寅馮拯罷以王欽若為門下侍郎同中書門下平章事昭文館大學士辛巳詔凡舉官未改轉而坐贓者舉主免劾庚寅宴崇德殿閏月甲午詔裁造院

女子及營婦配南北作坊者並釋之戊戌寇準卒於  
雷州己亥馮拯卒丁未禁彭州九隴縣采金丁巳禁  
伎術官求輔臣宗室薦舉冬十月辛酉朔徙陝西緣  
邊軍馬屯內地十一月丁酉詔諸州配囚錄具獄與  
地里上尚書刑部詳覆禁兩浙江南荆湖福建廣南  
路巫覡挾邪術害人者戊午置益州交子務是歲甘  
沙州來貢涇原呼迷卡香家族納質內附

二年春二月庚午遣內臣收瘞汴口流屍仍祭奠之  
三月丁酉奉安真宗御容于景靈宮奉真殿癸卯王  
欽若上真宗實錄是月賜禮部奏名進士諸科及第

出身四百八十五人夏四月辛酉詔三司歲市紬絹  
非土產者罷之乙酉錄晉石氏後五月乙未錄繫囚  
六月壬申罷天慶天祺天旣先天降聖節宮觀然燈  
秋七月癸丑奉安真宗御容于玉清昭應宮安聖殿  
八月丙辰朔宴崇德殿初用樂之半詔舉官已遷改  
而貪汙者舉主以狀聞聞而不以實者坐之己卯幸  
園子監謁孔子遂幸武成王廟甲申太白入太微垣  
九月辛卯祠太一宮賜道左耕耨耨者茶帛冬十月丙辰  
奉安真宗御容于洪福院十一月甲午加上真宗謚  
乙未朝饗玉清昭應景靈宮丙申饗太廟丁酉祀天

地于園丘大赦百官上尊號曰聖文睿武仁明孝德  
皇帝上皇太后尊號曰應元崇德仁壽慈聖皇太后  
賜百官諸軍加等乙巳立皇后郭氏辛亥加恩百官  
十二月庚午詔開封府每歲正旦冬至禁刑三日是  
歲龜茲甘肅來貢

三年春正月辛卯長寧節近臣及契丹使初上皇太  
后壽于崇政殿二月戊寅詔陝西災傷州軍盜廩穀  
傷主者刺配隣州牢城徒減一等夏四月丁丑詔三  
館繕書藏太清樓五月庚寅錄繫囚癸巳幸御莊觀  
刈麥聞民舍機杼聲賜織婦茶帛己亥賜隱士林逋

粟帛己酉禁巨僚奏薦無服子第六月壬戌太白晝  
見於西環原州屬羌叛寇邊環慶都監趙士隆等死  
之遣使者安撫陝西秋七月戊子詔諸路轉運使察  
舉知州通判不任事者丙午詔邊戶為羌所擾者蠲  
租復役二年八月戊午以忠州監并歲增課夔州奉  
節巫山縣舊籍民為營田萬州戶有稅者歲糶其穀  
皆為民言詔悉除之辛未蠲陝西州軍旱災租賦九  
月乙巳詔司天監奏災異據占書以聞冬十月乙卯  
太白犯南斗辛酉晏殊為樞密副使十一月己卯朔  
罷貼射茶法辛卯以襄州水蠲民租晉降陝解州飢

發粟振之戊申王欽若卒十二月癸丑三曾為門下  
侍郎昭文館大學士張知白同中書門下平章事集  
賢殿大學士乙丑張旻為樞密使戊寅太白晝見是  
歲龜茲甘州于闐來貢環慶蕃部鬼通等內附補涇  
原降羌首領潘征為本族軍主

四年春正月己亥命張得象與流內銓同試百司人  
庚子涇原兵破康奴族二月甲寅詔吏犯贓至流按  
察官失舉者併劾之庚午置西界和市場三月甲申  
詔轉運使提點刑獄罷勸農司己亥鄜延蕃部首領  
曹守貴等內附夏四月壬子詔京東西河北淮南平

穀價五月己卯詔禮部貢舉壬午詔大辟疑者奏讞  
有司毋輒舉駁戊子錄繫囚己亥詔士有文而行不  
副者州郡毋得薦送閏月戊申減江淮歲漕米五十  
萬石除舒州太湖等九茶場民通錢十三萬緡己酉  
詔補太廟室長齋郎辛亥復陝西永豐渠以通解鹽  
六月丁亥建劔邵武等州軍大水詔賜被災家米二  
石溺死者官瘞之庚寅大雨震電京師平地水數尺  
辛卯避正殿減常膳丁酉降天下囚罪一等徒以下  
釋之畿內京東西淮南河北被水民田蠲其租癸卯  
詔官物漂失主典免償流徙者所在撫存之秋七月



戊申御長春殿復常膳辛未減兩川歲輸錦綺易綾  
紗為絹以給邊費壬申詔諸路轉運使舉所部官通  
經術者八月丁亥築秦州捍海堰己丑詔施州溪峒  
首領三年一至京師九月乙卯詔孫奭馮元舉京朝  
官通經術者庚申詔禮部貢院諸科通三經者薦擢  
之錄周世宗從孫柴元亨為三班奉職辛未廢襄唐  
州營田務以田賦民冬十月甲戌朔日有食之壬辰  
詔郎中以上致仕賜一子官甲午昏霧四塞丙申奉  
安真宗御容于鴻慶宮十二月丁丑發米六十萬斛  
貸畿內飢丁亥帝白太后欲元日先上太后壽乃受

朝太后不可王曾奏曰陛下以孝奉母儀太后以謙  
全國體請如太后令

五年春正月壬寅朔初率百官上皇太后壽于會慶  
殿遂御天安殿受朝己未晏殊罷戊辰以夏竦為樞  
密副使二月癸酉命呂夷簡夏竦修先朝國史王曾  
提舉丙子詔振京東流民丁丑西域僧法吉祥等來  
獻梵書二月戊申賜禮部奏名進士諸科及第出身  
一千七十六人秦州地震罷瓊州歲貢瑋瑁龜皮紫  
貝夏四月壬辰壽寧觀火五月庚子朔詔武臣子孫  
習文藝者聽奏文資壬寅太白晝見丙午閱諸班騎

射辛亥錄繫囚辛酉命呂夷簡等詳定編敕癸亥楚  
王元佐薨是月京畿旱磁州蟲食桑六月甲戌祈雨  
于玉清昭應宮開寶寺丙子詔決畿內繫囚丁丑雨  
癸未罷諸營造之不急者秋七月己亥朔振秦州水  
災賜被溺家錢米丙辰發丁夫三萬八千卒二萬一  
千緡錢五十萬塞滑州決河詔察京東被災縣吏不  
職者以聞九月庚戌閣龍衛神勇軍習戰冬十月辛  
未罷陝西青苗錢癸酉奉安真宗御容于慈孝寺崇  
直殿己丑頒新定五服敕甲午同皇太后幸御書院  
觀太宗真宗御書乙未詔西川廣南在官物故者遣

人護送其家屬還鄉官爲給食丙申滑州言河平土  
一月丁酉朔以陝西旱蝗減其民租賦庚子遣使河  
北體量安撫壬寅復作指南車辛亥朝饗景靈宮壬  
子饗太廟癸丑祀天地于園丘大赦賀皇太后于會  
慶殿丁巳恭謝玉清昭應宮十二月辛未加恩百官  
甲戌詔輔臣南郊恩例外更改一子官丁亥詔百官  
宗室受賂冒爲親屬奏官者毋赦是歲甘州及南平  
國王李公蘊遣人來貢京兆府邢洺州蝗華州旱好  
妨蟲食苗

六年春正月己酉罷兩川乾元節歲貢織佛戊午罷

提點刑獄二月庚辰大風晝晦壬午張知白薨三月  
丙申朔自有食之壬子以張士遜同中書門下平章  
事集賢殿大學士癸丑以姜遵爲樞密副使己未以  
范雍爲樞密副使壬戌作西太一宮夏四月戊辰詔  
審官三班院吏部流內銓軍頭司各引對所理公事  
自帝爲皇太子輔臣叅決諸司事于資善堂至是始  
還有司丁丑貸河北流民復業者種食復是年租賦  
癸未命官減三司歲調上供物甲申旦有星大如斗  
自北流至西南光燭地有聲如雷庚寅下德音以星  
孛入齋居不視事五日降畿內囚死罪流以下釋之罷

諸土木工振河北流民過京師者五月乙未朔交阯  
寇邊六月丙寅罷戎瀘諸州穀稅錢秋七月壬子江  
寧府楊真潤州江水溢壞官民廬舍遣使安撫振卹  
八月乙丑詔免河北水災州軍秋稅乙亥河決澶州  
王楚埽丙戌錄唐張九齡後九月己亥詔京朝官  
任內五人同罪奏舉者減一任癸卯祠西太乙宮甲  
辰詔河北災傷民質桑土與人者悉歸之候歲豐償  
所貸乙巳遣使脩諸路兵械冬十月甲申除福州民  
逋官莊錢十二萬八千緡十一月戊午京西言穀斗  
十錢十二月癸亥祠西太一宮是歲甘州三佛齊來

七年春正月癸卯曹利用罷丙辰降利用爲左千牛衛上將軍二月庚申朔魯宗道卒甲子詔文臣歷邊有材勇武臣之子有節義者與換官三路任使丙寅張士遜罷以呂夷簡同中書門下平章事集賢殿大學士丁卯以夏竦薛奎參知政事陳堯佐爲樞密副使癸酉貶曹利用爲崇信軍節度副使房州安置未至自殺乙酉以河北水災委轉運使察官吏不任職者易之癸巳募民入粟以振河北閏月戊申禁京城剏造寺觀壬子復制舉六科增高蹈丘園沉淪草澤

茂才異等科置書判拔萃科及試武舉癸酉置理檢使以御史中丞爲之三月乙丑詔吏胥受賕毋用蔭辛巳詔契丹饑民所過給米分送唐鄧等州以間田處之癸未詔百官轉對極言時政闕失在外者實封以聞夏四月庚寅赦天下免河北被水民租賦辛卯南平王李公蘊卒其子德政遣人來告以爲交趾郡王五月乙未朔詔禮部貢舉庚申詔戒文弊己巳頒新令庚午詔先朝文武官自刺史少卿監以上並錄其後癸酉錄繫囚庚辰御承明殿臣僚請對者十九人日晏乃罷六月壬辰置益梓廣南路轉運判官丁

未大雷雨玉清昭應宮災甲寅王曾罷秋七月癸亥  
 以玉清昭應宮災遣官告諸陵詔天下不復繕脩乙  
 亥詔殿直以上母得換文資乙酉罷諸官觀使八月  
 丁亥朔日有食之詔罷天下職田官收其入以所直  
 均給之己丑以呂夷簡為昭文館大學士辛卯夏竦  
 復為樞密副使陳堯佐王曙並參知政事己亥詔命  
 官犯正入贓毋使親民冬十月壬寅閱虎翼武騎卒  
 習戰丙午京師地震詔知州軍歲舉判司簿尉可縣  
 令者十人十一月癸亥冬至率百官上皇太后壽于  
 會慶殿遂御天安殿受朝庚午詔天下孤獨疾病者

會

至醫藥存視詔周世宗後凡經郊祀錄其子孫一人  
 是歲河北水遣使決四振貧瘞溺死者給其家緡錢  
 察官吏貪暴不恤民者罷竊下溪州黔州蠻來貢  
 八年春正月甲戌曹瑋卒辛巳作會聖宮于西京永  
 安縣二月戊子詔五代時官三品以上告身存者子  
 孫聽用蔭三月壬申幸後苑宴六清樓乙亥禁以  
 財冒士族娶宗室女者詔河北被水州縣無稅牛是  
 月賜禮部奏名進士諸科及第出身八百二十二  
 五月甲寅賜信州龍虎山張乾曜號澄素先生丙辰  
 大雨雹辛酉錄繫囚六月癸巳呂夷簡上新脩國史

已亥詔御史臺獄勿關糾察司乙巳親試言判後舉  
 科及武舉人秋七月丙子策制舉人八月丙戌詔詳  
 定益法丁亥詔近臣宗室觀祖宗御書于龍圖天章  
 閣又觀瑞穀于元真殿遂宴藥珠殿戊子詔流配人  
 道死者其妻子給食送還鄉里九月癸丑復置諸路  
 提點刑獄官丙辰罷轉對乙丑妻道卒己巳以趙頌  
 為樞密副使冬十月壬辰奉安太祖神御容于太平興  
 國寺開先殿丙申弛三京河中府瀕海濱鄭鄆等處  
 晉絳號亭宿等二十八州軍並罷禁之官六章因得  
 制十一月丙寅朝饗景靈宮于知鄉食之廟成祀祀大

地于園丘大赦賀皇太后于會慶殿十二月癸未加  
 恩百官辛丑西平王趙德明交趾王李德政並加賜  
 功臣是歲高麗占城邛部川都蠻來貢  
 九年春正月辛亥詔諸路轉運判官員外郎以上遇  
 郊聽在于第丙辰長寧節百官初上皇太后壽于會  
 慶殿辛未戒畿內民租二月癸巳詔復郡縣職曰三  
 月甲寅奉安太祖太宗真宗御容于會聖宮夏四月  
 戊寅詔以隴州論平民五人為劫盜抵死主者雖更  
 赦並從重罰乙己開大樂五月乙丑錄繫囚六月庚  
 辰宋綬上皇太后儀制秋七月丙午朔契丹使來告

其主隆緒相遣使祭奠吊慰及賀宗真立九月癸亥  
祠西太一宮賜道左耕者茶帛冬十月丙戌詔公卿  
大夫勸名節乙未詔常參官已授外任母得奏舉選  
人辛丑罷益梓廣南路轉運判官閔月戌辰翰林侍  
讀學士孫奭請老命知兗州曲宴太清樓送之十一  
月丁亥弛兩川礮禁己丑祈雪于會靈觀丁酉出知  
雜御史曹脩古御史郭勸楊偕推直官段少連十二  
月甲寅詔吏部銓選人父母年八十以上者權注近  
官辛酉大風三日是歲契丹主及其國母遣使來致  
遺留物及謝弔祭南平王李德政遣人謝加恩龜茲

沙州果夏二真曼端等百八十四人肉附

本朝皇帝

本紀卷第十

宋史十

開府僑司桂國銀軍軍事前出書君丞相監修國史領經筵事都總裁臣脫脫等奉  
勅

仁宗二

明道元年春二月癸卯呂夷簡上三朝實訓丙午詔  
仕廣南者毋過兩任以防貪黷庚戌以張士遜同中  
書門下平章事集賢殿大學士戊午錄故事臣孫並  
試將作監主簿甲子詔員外郎以上致仕者錄其子  
校書郎三丞以上齋郎丁卯以真宗順容李氏為宸  
妃是日妃薨三月戊子頒天聖編勅戊戌以江淮旱



丁錢

遣使與長吏錄繫囚流以下減一等杖管釋之巳亥  
除婺秀州丁身錢夏四月丙午錄繫囚戊午知棣州  
王涉坐冒請官地為職田配廣南牢城五月癸酉遣  
使點檢河北城池器甲密訪官吏能否壬午廢杭秀  
二州鹽場秋七月丙申詔諸路轉運使舉國子監講  
官丁酉王曙罷太白晝見彌月乃滅八月辛丑以晏  
殊為樞密副使丙午晏殊參知政事甲寅以楊崇勛  
為樞密副使辛酉授唃廝囉為寧遠大將軍愛州團  
練使壬戌大內火延八殿癸亥移御延福宮甲子以  
呂夷簡為脩內使乙丑詔羣臣直言闕失丁卯大赦

趙元昊

九月庚寅重作受命寶丙申皇太后出金銀器易左  
藏緡錢二十萬以助脩內冬十月庚子貢白氣五貫  
紫微垣丁巳詔漢陽軍營庫粟以振飢民十一月甲  
戌以脩內成恭謝天地于大安殿謁太廟大赦改元  
百官進秩優賞諸軍是日還宮巳卯冬三季率百官賀  
皇太后于文德殿御大安殿受朝三辰延州言夏王  
趙德明卒癸巳以德明子元昊為定難軍節度使西  
平王十二月壬寅以楊崇勛為樞密副使丙午劫獲劫  
盜者奏殺母擅殺壬戌西北有蒼白氣百三石歲辰  
東淮南江東錢

皇朝通志卷一百七十一

二年春正月己卯詔發運使以上供米自高郵振江  
淮飢民遣使督視二月戊戌令營皇見京兆方庚子  
詔江淮民飢死者官為之葬祭乙巳皇太后服袞衣  
儀天冠饗太廟皇太后亞獻皇后終獻是日上尊后  
尊號曰應元齊聖顯功崇德慈仁保壽皇太后丁未  
祀先農于東郊耕籍田大赦百官上尊號曰睿聖  
文武體天法道仁明孝德皇帝二月庚午加恩百官  
丁亥祈雨于會靈觀上清宮景福閣寶壽寺庚寅以皇  
太后不豫大赦常赦所不原者乾興以來不喪死者  
免官諱者內徙甲午皇太后崩清詔尊皇太后為皇

太后己夷簡為山峽使夏四月丙申朔出大行皇太  
后遺留物賜近臣壬寅追尊宸妃李氏為皇太后至  
是帝始知為宸妃所生甲辰以大行皇太后五使並  
兼追尊皇太后因使戊申聽政于崇政殿西廂已  
酉罷乾元節上壽壬子詔臣僚宗戚命婦毋得以進  
獻祈恩澤及緣親戚通表章罷創脩寺觀帝始親政  
裁抑僥倖中外大悅癸丑召還宋綬范仲淹丙辰內  
侍江德明等並坐交通請謁黜己未己夷簡張耆夏  
竦陳堯佐范雍趙鼎晏殊皆罷以張士遜為昭文館  
大學士李迪同中書門下平章事集賢殿大學士王

隨參知政事李諮為樞密副使三德用僉書樞密院  
 事壬戌御紫宸殿以張士遜為山陵使兼團練使癸  
 亥上大行太后謚曰莊獻明肅追尊宸妃李氏為皇  
 太后諡曰莊懿五月戊辰詔禮部貢舉癸酉詔中外  
 勿輒言皇太后垂簾口事乙亥罷羣牧制置使丙子  
 命宰臣張士遜撰謝太廟及躬耕籍田記檢討宋祈  
 言皇太后謁廟非後世法乃止撰籍田記戊寅錄繫  
 因六月甲午朔日有食之士寅錄周世宗及高季興  
 李煜孟昶劉繼元劉鋹後於邕命審刑大理評定唯  
 隸刑名戊午減天下歲貢物秋七月丁丑詔知樞州

富平縣事張龜一增秩再任以其治行風告天下戊  
 子詔以蝗旱去苗守號睿聖文武四字以告天地宗廟  
 仍令中外直言開政八月甲午朔契丹使來弟慰祭  
 奠壬寅作奉慈廟甲辰詔中外毋避莊獻明肅太后  
 父諱丁巳置端明殿學士九月甲戌幸法福院臨莊  
 懿太后梓宮丙子壬午臨如之冬十月癸巳朔太白  
 犯南斗甲午禁登州民采金丁酉祔葬莊獻明肅皇  
 太后莊懿皇太后十承天陵甲辰詔以兩川歲貢綾  
 錦羅綺紗以三之二易為細絹供軍源己酉祔葬獻  
 明肅太后莊懿太后神主于奉慈廟癸丑下德音降

東西京囚罪一等徒以下釋之緣二太后陵憲奉民  
戶免租賦科役有差丙辰贈周王祐為皇太子戊午  
張士遜楊崇勛罷以呂夷簡為門下侍郎同中書門  
下平章事昭文館大學士王曙為樞密使王德用為  
樞密副使未幾參知政事蔡齊為樞密副使十一月  
癸亥朔薛奎罷詔增宗室奉太白祀南斗乙丑追冊  
美人張氏為皇后甲戌贈寇準為中書令十二月丙  
申復置提點刑獄丁酉詔諸路轉運使副歲徧歷所  
部仍令州軍具所至月日以聞甲辰以京東飢出內  
藏絹二十萬代其民之厥輸乙巳詔脩周廟丁未詔臺

官非中丞知雜保薦者勿任戊申出宮人二百乙卯  
廢皇后郭氏為淨妃壬京冲妙仙師居長寧宮御史  
中丞孔道輔率諫官御史大呼殿門請罷詔宰相告  
以皇后當廢狀丙辰出道輔及諫官范仲淹仍詔臺  
諫自今毋相率請對丁巳詔明年改元禁邊臣增置  
堡堽是歲畿內京東西河北河東陝西並淮南江東  
兩川飢遣使安撫民相繼餓死

景祐元年春正月甲子發江淮漕米振京東飢民丙  
寅詔開封府界諸縣作糜粥以濟飢民諸災揚州軍  
亦加之戊辰詔三司鑄景祐元寶錢

臣議兵農司更制者以聞詔募民振饑  
 未詔禮部所試舉人十取其二進士三舉諸科五舉  
 嘗經殿試進士五舉年五十六諸科六舉年六十六及曾  
 經先朝御試者皆以各聞甲申淮南飢出內藏絹二  
 萬六其民歲輸丁亥置學政殿試書真實詔停淮南  
 上供一年二月乙未館書判授奉科年五詔禮部貢  
 院諸科舉人七舉者不限年並許特奏名甲辰權減  
 江淮漕米二百萬至戊申詔麟府州振著漢飢民三  
 月壬午免諸路交納州軍今年夏稅癸未詔解州畦  
 戶通免稅其半是月賜禮部奏名進士諸科及第取

身七百八十三人夏四月丁酉開封府判官龐籍言  
 尚美人遣內侍雜教日免工人市租帝為教內侍仍  
 詔有司自今官中傳命毋得輒受奏言詔置教中侍  
 御史監察御史裏行五月辛酉出布衣萬端易錦羅  
 河北軍儲丁卯禁民間織錦刺繡為服飾四川歲織  
 錦上供亦罷之癸酉詔臺諫未嘗歷部守者與部壬  
 午錄繫囚是月契丹主宗真之母遠政於子出居慶  
 陵六月壬辰交州民六百餘人內閉真子免畿內被  
 災民稅之半己酉禁制舉武舉人乙卯詔州縣官非  
 選科決罪人至死者並奏聽裁聞言甲子泗州淮汴

漢已巳常州無錫縣大風發屋瓦之瓦墜天下無頽言  
靈三午罷造歌看龜筒器秋七月丙寅賜高州下蔡  
縣被溺之家錢有差已亥福客使三賜加同平言事  
辛卯詔文武選判官得五相為論三子望轉運使與  
長安舉所部官專領常平倉粟言實河決澶州橫龐  
舉八月庚申薛奎立壬戌有星孛于張書與亥壬曙  
卒甲子月犯高斗辰辰帝不豫庚午以三曾為樞密  
使卒未以是變大赦遷正殿感常慶轉三奏事延和  
殿閣至中詔海苑郭氏出居丁外亥人尚氏入道楊  
氏安置別宅九月壬辰百官請復日御前殿如先帝

故事詔可丁酉帝康復正殿復常膳甲辰詔立皇  
后曹氏丙午熒惑犯南斗冬十月庚申罷淮南江浙  
荆湖制置發運使詔淮南轉運兼發運事乙亥作郊  
廟景安興安祐安之曲十一月己丑冊曹氏為皇后  
癸丑作大安之曲以饗聖祖十二月癸酉賜西平王  
趙元昊佛經是歲南平王李德政獻馴象一詔還之  
開封府淄州蝗

二年春正月癸丑置通英延義二閣寫尚書無逸篇  
于屏二月戊午御延福宮觀大樂癸亥舊給事資善  
堂者皆推恩戊辰李迪罷以王曾為門下侍郎同中

書門下平章事集賢殿大學士王隨李諮知樞密院  
 事蔡齊盛度參知政事王德用韓億同知樞密院事  
 三月戊申出內庫珠賜三司以助經費夏四月庚午  
 詔天下有知樂者所在薦聞五月甲午徭獠寇雷化  
 州詔桂廣會兵討之丙申錄繫囚庚子議太祖太宗  
 真宗廟並萬世不遷南郊升侑上帝以太祖定配二  
 宗迭配丙午降天下繫囚罪一等杖以下釋之丁未  
 廣西言鎮寧州蠻入寇六月丁巳詔幕職官初任未  
 成考毋薦乙亥頒一司一務及在京勅鎮寧蠻請降  
 秋七月戊申廢西京採柴務以山林賦民官取十之

一八月壬子朔詔輕強盜法甲寅宴紫宸殿初用樂  
 甲戌幸安肅門砲場閱習戰已卯置提點刑獄鑄錢  
 官九月壬寅按新樂已酉作睦親宅命中丞杜衍等  
 汰三司胥吏宋綬上中書總劄冬十月辛亥朔復置  
 朝集院癸亥復羣牧制置使丁卯詔諸路歲輸緡錢  
 福建二廣易以銀江東以帛庚午災惑犯左執法十  
 二月戊子廢后郭氏薨癸巳朝饗景靈宮甲午饗太  
 廟奉慈廟乙未祀天地于園丘大赦錄五代及諸國  
 後宗室任諸司使以下至殿直者換西班官百官上  
 尊號曰景祐體天法道欽文聰武聖神孝德皇帝丁

未加恩百官十二月壬子加唃廝囉為保順軍留後  
丙子詔長吏能導民脩水利闢荒田者賞之是歲以  
鎮戎軍荐饑貸弓箭手粟麥六萬石

三年春正月壬辰追復郭氏為皇后丁酉葬皇后郭  
氏二月丙辰命官較太常鐘律壬戌詔兩制禮官詳  
定京師士民服用居室之制甲子以廣南兵民苦瘴  
毒為置醫藥丁卯脩陝西三白渠三月癸巳復商賈  
以見錢算請官茶法乙未觀新定鐘律戊戌詔兩省  
卿監刺史閣門以上致仕給奉如分司官長吏歲時  
勞賜之改維州為威州夏五月庚辰購求館閣逸書

丙申錄繫囚丙戌天章閣待制范仲樞坐譏刺大臣

落職知饒州集賢校理余靖館閣校勘尹洙歐陽脩

並落職補外詔戒百官越職言事六月丁未慶吉州

水溢壞城郭廬舍賜被溺家錢有差秋七月丁亥禁

民間私寫編敕刑書乙未置火宗正司庚子大雨震

電太平興國寺災辛丑降三京罪囚一等徒以下釋

之八月己酉庶民間冠服居室車馬器用犯制之禁

乙卯自是南斗九月庚辰幸睦親宅宴宗室癸巳焚

感化寺是月定申心喪解官法冬十月丁未命章

得象等考課諸路提刑甲寅作朝集院十一月戊寅



保慶皇太后楊氏崩辛卯上保慶太后諡曰莊惠  
二月丙寅李誥卒丁卯王德用知樞密院事章得象  
同知樞密院事是歲南平王李德政西南蕃采貢南  
丹州莫淮戰內附

四年春正月壬午詔均諸州解額二月己酉葬莊惠  
皇后于永定陵己未祔神主于奉慈廟庚申德音降  
東西京及靈駕所過州縣囚罪一等徒以下釋之乙  
丑置赤帝像于宮中祈禱三月甲戌置天章閣侍講  
戊寅詔禮部貢舉夏四月乙巳呂夷簡上景祐法寶  
新錄甲子呂夷簡王曾未綏蔡齊罷以王隨為門下

侍郎同中書門下平章事昭文館大學士陳堯佐同  
中書門下平章事集賢殿大學士盛度知樞密院事  
韓億程琳石中立參知政事王鵬同知樞密院事五  
月庚戌皇子李繼繁囚降死罪一等流以下釋之是  
日皇子堯乙卯以舉遣使決三京繫囚丙寅芝生化  
成殿禮六月乙亥杭州江湖壞遣使致祭戊子出  
神武秘略賜邊臣己丑奉安太祖御容于揚州建隆  
寺秋七月丁未詔河東河北州郡嚴備戊申有  
星數百西南流至壁東大者其光燭地黑氣長丈餘  
出畢宿下八月甲戌越州水賜被溺民家錢有差甲

蠶成被

午詔三司轉運司毋借常平錢糶冬十一月癸亥罷  
登萊買金場十二月甲申并代忻州並言地震吏民  
壓死者三萬二千三百六十八傷五千六百人畜擾死  
者五萬餘遣使撫存其民賜死傷之家錢有差是歲  
滑州民黨成被長二丈五尺唯斯羅龜並沙州未貢  
寶元元年春正月甲辰雷丙辰以地震反雷發不時  
詔轉運使提舉刑獄按所部官吏除并代忻州壓死  
民家去年被殺二月壬申詔後日衙前殿甲午安化  
蠻寇宜融州三月戊戌朔王隨陳堯佐韓億石中  
罷以張士遜為門下侍郎同中書門下平章事昭文

館大學士章得象同中書門下平章事集賢殿大學  
士王禮李若谷並參知政事王博文陳執中同知樞  
密院事己亥發邵澧潭三州駐泊兵討安化州蠻是  
月賜禮部奏名進士諸科及第出身七百二十四人  
夏四月癸酉王博文卒乙亥以張觀同知樞密院事  
壬辰除宜融州夏稅五月乙巳錄繫囚六月戊寅罷  
舉童子己卯建州大水壞民廬舍賜死傷家錢有差  
其無王者官葬祭之甲申詔天下諸州月上雨雪狀  
秋七月壬戌策制舉人癸亥策武舉人八月丁卯復  
淮南江浙荆湖制置發運使庚辰熒惑犯南斗九月

戊申詔應祀事已受誓戒而失虔恭者毋以赦原賜  
宜融州討蠻兵緡錢冬十月丙寅詔戒百官朋黨十  
一月甲辰詔廣西鈐轄進兵討安化蠻乙巳詔宜融  
州民嘗從軍役者免今夏稅運糧者免其半戊申朝  
饗景靈宮己酉饗太廟及奉慈廟庚戌祀天地于圜  
丘大赦改元百官上尊號曰寶元體天法道欽文聰  
武聖神孝德皇帝乙卯復奏舉縣令法王曾薨十二  
月癸亥朔加恩百官甲子京師地震丙寅鄜延路言  
趙元昊反甲戌禁邊人與元昊互市己卯奉寧軍節  
度使知永興軍夏竦兼涇原秦鳳路安撫使振武軍

節度使知延州范雍兼鄜延環慶路安撫使是歲達  
州大水黎州蠻來貢

元昊不臣

二年春正月己酉王隨卒辛亥安化蠻平癸丑趙元  
昊表請稱帝改元三月丁未鑄皇宋通寶錢乙卯閱  
試衛士戊午賜陝西緣邊軍士緡錢夏四月癸亥授  
唃廝囉二子瞎躡磨角嚕團練使乙丑放宮女二百  
七十人壬申免昭州運糧死蠻寇者家徭二年賦租  
一年丁亥募河東陝西民入粟實邊五月癸巳詔近  
臣舉方略材武之士各二人己亥禁皇族及諸命婦  
女冠尼等非時入內癸卯命近臣同三司議節省浮

費丙午遣使體量安撫陝西河東已酉錄繫囚壬子  
王德用罷以夏守贊知樞密院事六月壬戌詔省浮  
費自乘輿服御及宮掖所須宜從簡約若吏兵祿賜  
毋槩行裁減戊辰詔諸致仕官嘗犯賊者毋推恩子  
孫丁丑益州火焚廬舍三千餘區壬午削趙元昊官  
爵除屬籍秋七月丁巳詔宗室遇南郊及乾元節恩  
許官一子餘五歲授官戊午以夏竦知涇州兼涇原  
秦鳳路沿邊經略安撫使涇原路馬步軍都總管范  
雍兼鄜延環慶路沿邊經略安撫使鄜延路馬步軍  
都總管八月丁卯以筆策城隍廝波補本族軍主甲

戊皇子生丙子降三京囚罪一等徒以下釋之辛巳  
命輔臣報祠高祺九月壬寅詔河北轉運使兼都大  
制置營田屯田事乙卯出內庫銀四萬兩易粟振益  
梓利夔路飢民十月庚午賜麟府州及川陝軍士緡  
錢甲申詔兩川飢民出劍門關者勿禁十一月戊子  
朔出內庫珠易緡錢三十萬糴邊儲丁酉盛度程琳  
罷出御史中丞孔道輔壬寅以王巖知樞密院事宋  
庠參知政事十二月庚申詔審刑院大理寺刑部毋通  
賓客壬申詔御史闕員朕自擇舉是歲曹濮單州蝗  
康定元年春正月丙辰朔日有食之壬戌賜國子監

學田五十頃是月元昊寇延州執鄜延環慶兩路副都總管劉平鄜延副都總管石元孫詔陝西運使明鎬募強壯備邊二月丁亥以夏守贊為宣徽南院使陝西馬步軍都總管經略安撫使詔潼關設備辛卯月太白俱犯昴壬辰夏守贊兼沿邊招討使出內藏緡錢十萬賜戍邊禁兵之家知制誥韓琦安撫陝西白氣如繩貫日甲午括畿內京東西淮南陝西馬丙申詔諸路轉運使提刑知邊事者以聞丁酉詔樞密院同宰臣議邊事辛丑出內藏緡錢八十萬陝西市糴軍儲丙午德音釋延州保安軍流以下罪寇所

攻掠地除今夏稅戍兵及戰死者賜其家緡錢是日改元去尊號寶元字許中外臣庶上封章言事丁未詔陝西量民力蠲所科芻糧癸丑降范雍為尚書吏部侍郎知安州甲寅出內庫珠償民馬直三月丙辰詔大臣條陝西攻守策癸亥命韓琦治陝西城池乙丑閱虎翼軍習戰辛未詔延州錄戰沒軍士子孫月給糧丙子大風晝暝是夜有黑氣長數丈見東南丁丑罷大宴詔中外言闕政戊寅王醜陳執中張觀罷以晏殊宋綬知樞密院事王貽永同知樞密院事詔按察官舉才堪將帥者庚辰詔參知政事同議邊事

辛巳德音降天下囚罪一等徒以下釋之賜京師河北陝西河東諸軍緡錢蠲陝西夏稅十之二減河東所科粟夏四月丙戌省陝西沿邊堡砦癸巳詔諸戍邊軍月遣內侍存問其家病致醫藥死爲斂葬之甲午遣使籍陝西強壯軍乙未契丹國母復遣使來賀乾元節乙巳增補河北強壯軍丙午鄜延路兵馬都監黃德和坐棄軍要斬丁未贈劉平石元孫官錄其子孫辛亥築延州金明栲栳砦五月甲寅朔詔前殿奏事毋過五班餘對後殿命大官賜食壬戌張士遜致事呂夷簡爲門下侍郎同中書門下平章事昭文

館大學士癸酉詔夏守贊進屯鄜州戊寅以夏竦爲陝西馬步軍都總管兼招討使是月元昊陷塞門砦兵馬監押王繼元死之又陷安遠砦六月丙戌詔假日御崇政殿視事如前殿丁亥以夏守贊同知樞密院事甲午降三京囚罪一等徒以下釋之乙未南京鴻慶宮神御殿太壬寅遣使體量安撫京東西甲辰增置陝西河北河東京東西弓手秋七月乙丑遣使以討元昊告契丹庚午閱諸軍習戰戊寅皇子昕爲忠正軍節度使封壽國公八月戊戌禁以金箔飾佛像癸卯遣尚書屯田員外郎劉渙使邈川戊申夏守

贊罷以杜衍同知樞密院事辛亥詔范仲淹葛懷敏  
 領兵驅逐塞門等砦蕃騎出境仍募弓箭手給地居  
 之九月甲寅滑州河溢戊午李差谷罷以宋綬晁宗  
 慤參知政事鄭戩同知樞密院事戊辰以晏殊為樞  
 密使王貽永杜衍鄭戩並樞密副使甲戌詔使臣諸  
 班諸軍有武藝者自陳辛巳閱諸軍習戰是月元昊  
 寇三川砦都巡檢楊保吉死之又圍師子定川堡戰士  
 死者五千餘人遂陷乾溝乾河趙福三堡環慶路兵  
 馬副都總管任福破白豹城冬十月乙未製銅木契  
 傳信牌甲辰錄方略士六十一人授官有差十一月

壬戌有彗星流西土雷聲如雷者三十二月癸未出內  
 藏庫絹一百萬匹勅釋軍儲詔南京祠太廟丙戌詔以  
 常平撥錢助糶軍儲癸卯宋綬卒戊申錢當一錢權  
 勅遣費

本紀卷第十

本紀卷第十一

宋史十一

開府儀同三司權國錄軍國軍事前書省相監穆國更領經筵事都總裁臣脫脫等奉  
勅修

仁宗三

慶曆元年春正月辛亥朔御大慶殿受朝己未加喁  
嘶囉河西節度使壬申詔歲以春分祠高禩是月元  
昊請和二月己亥壽國公昕薨辛亥罷大宴京東西  
淮浙江南荆湖置宣毅軍甲辰詔巨僚受外任者毋  
得因臨遣祈恩丙午京師雨藥是月元昊寇渭州環  
慶路馬步軍副總管任福敗于好水川福及將佐軍

雨藥



士死者六千餘人三月庚戌朔修金隄乙卯詔止郡國舉人勿以邊機爲名希求恩澤夏四月甲申以資政殿學士陳執中同陝西馬步軍都總管兼經略安撫沿邊招討等使知永興軍詔夏竦仍判永興軍乙巳下德音降陝西囚死罪一等流以下釋之特支軍士緡錢振撫邊民被鈔略者親屬五月丁巳錄繫囚甲子出內藏緡錢一百萬助軍費乙丑追封皇長子爲褒王賜名昉丁卯罷陝西經略安撫沿邊招討都監辛未宋庠鄭戩罷以王舉正叅知政事任中師任布爲樞密副使詔夏竦屯軍鄜州陳執中屯軍涇州

癸酉閱試衛士六月壬辰詔陝西諸路總管司嚴邊備毋輒入賊界賊至則禦之乙巳詔近臣舉河北陝西河東知州通判縣令秋七月丙辰月掩心後星戊午月掩南斗壬戌置萬勝軍凡二十指揮是月元昊寇麟府州八月戊寅詔鄜延部署以兵援麟府甲申河北置場括市戰馬緣邊七州軍免括乙未毀潼關新置樓櫓庚子月掩歲星乙卯募民間材勇者補神捷指揮是月元昊寇金明砦破寧遠砦王王世賈兵馬監押王顯夙之陷豐州知州王餘慶兵馬監押孫吉夙之九月壬子命河東鑄大鐵錢乙亥復置義

倉冬十月甲午詔罷都部署分四路置使置陝西營  
田務已亥罷銅符木契是月修河北城池十一月壬  
子置涇原路強壯弓箭手丙辰發廩粟減價以濟京  
城民甲子朝饗景靈宮乙丑饗太廟奉慈廟丙寅祀  
天地于園丘大赦改元蠲陝西來年夏稅十之二及  
麟府民二年賦租臣僚許立家廟功臣不限品數賜  
戟增天下解額弛京東八州鹽禁是月令江饒池三  
州鑄鐵錢十二月丙子加恩百官丁丑司天監上崇  
天萬年曆戊寅詔陝西四路總管及轉運使兼管田  
甲午置陝西護塞軍是歲湖南洞蠻知徽州楊通漢

貢方物

二年春正月丁巳復京師推鹽法壬戌詔以京西閒  
田處內附蕃族無親屬者遣使河北募兵及萬人者  
賞之癸亥詔磨勘院考提點刑獄功罪為三等以待  
無陟二月乙未詔河北強壯刺手背為義勇軍三月  
甲辰朔詔殿前指揮使兩首都知舉武臣才堪為將  
者丁巳杜衍宣撫河東辛酉晁宗慈罷己巳契丹遣  
蕭英劉六符來致書求割地是月賜禮部奏名進士  
諸科及第出身八百三十九人夏四月戊寅命御史  
中丞諫剛較三司用度罷其不急者庚辰知制誥富

弼報使契丹五月辛亥錄警囚士于戒皇后及宗室  
婦郊賜之半甲寅詔三館臣僚上封事及聽請對丙  
辰詔醫官毋得換右職戊午建大名府為北京降河  
北州軍繫囚罪一等杖宮以下釋之乙丑罷左藏庫  
月進錢戊辰禁銷金為服飾是月契丹集兵幽州聲  
言來侵河北京東官為邊備六月甲戌出內藏銀紬  
絹三百萬助邊費癸未以特奏名武藝人補三班丙  
戌置北平軍丙申閱蕃落將士騎射戊戌詔減省南  
郊臣僚賜與秋七月丙午任布罷丁未詔軍校戰沒  
無子孫者賜其家緡錢戊午大雨雹以呂夷簡兼判

樞密院事章得象兼樞密使晏殊加平章事癸亥富  
弼再使契丹詔京官有病者一年方聽朝參八月丁  
丑策制舉人戊寅策武舉人試騎射甲申白氣貫北  
斗戊子出內藏庫緡錢十萬脩北京行宮己亥遣使  
安撫京東督捕盜賊九月丙午呂夷簡改兼樞密使  
乙丑契丹遣耶律仁起劉六符持誓書來閏月戊戌  
嚴河北民間科徭是月元昊寇定川砦涇原路馬步  
軍副都總管葛懷敏戰沒諸將死者十四人元昊大  
掠渭州而去冬十月庚戌救陝西保捷軍甲寅遣使  
安撫涇原路丙辰知制誥梁適報使契丹戊午發定

孫復

州禁軍二萬二千人屯涇原庚申詔恤將校陣亡其妻女無依者養之宮中丙寅契丹遣使來再致誓書報徵兵十一月壬申黑氣貫北斗柄辛巳復都部署兼招討等使命韓琦范仲淹龐籍分領之甲申以泰山處士孫復為國子監直講是歲占城獻馴象三年春正月庚午朔封皇子曠為鄂王辛未曠薨丙子薨陝西歲市木三之一辛巳詔輔臣議蠲減天下賦役戊子詔錄將校死王事而無子孫者親屬辛卯置德順軍壬辰錄唐狄仁傑後癸巳元昊自名曩霄遣人來納款稱夏國二月丙午賜陝西招討韓琦范

仲淹龐籍錢各百萬辛酉文四門學三月壬申闕衛士武技戊子呂夷簡罷為司徒監脩國史與議軍國大事以章得象為昭文館大學士晏殊為集賢殿大學士並兼樞密使夏竦為樞密使賈昌朝參知政事夏四月戊戌朔幸瓊林苑閱騎士癸卯遣保安軍判官邵良佐使元昊許封冊為夏國主歲賜絹十萬匹茶三萬斤甲辰以韓琦范仲淹為樞密副使乙巳詔夏竦還本鎮以杜衍為樞密使丙辰以春夏不雨遣使祠禱于畿瀆甲子呂夷簡罷議軍國大事五月丁卯朔日有食之庚午錄繫囚戊寅詔諸路轉運使並

兼按察使歲具官吏能否以聞庚辰祈雨于相國寺  
會靈觀癸未置御史六員置推直官丁亥置武學戊  
子雨已共謝雨辛卯祭欽天壇于禁中乙未近臣薦  
試方略者六人授官有差是月忻州地大震虎翼卒  
王倫叛于忻州六月甲辰詔諸路漕臣令所部官吏  
條茶鹽礬及坑冶利害以聞秋七月辛未詔許一府  
不限奏事常制得敷陳留對丙子王舉正罷壬午罷  
陝西管內營田甲申命任中師宣撫河東范仲淹宣  
撫陝西乙酉獲王倫八月乙未翔命官詳定編敕戊  
戌詔諫官日赴內朝丁未以范仲淹參知政事富弼

為樞密副使壬子白氣貫北斗魁癸丑韓琦代范仲  
淹宣撫陝西甲寅太白晝見戊午罷武學九月丁卯  
詔輔臣對天章閣戊辰呂夷簡以太尉致仕乙亥任  
中師罷丁丑詔執政大臣非假休不許私第受謁是  
月桂陽洞蠻寇邊湖南提刑募兵討平之冬十月丙  
午詔中書樞密同選諸路轉運使丁未詔縣令佐能  
根括編戶隱偽以增賦入者量其數賞之戊申詔二  
府同選諸路提刑甲寅復諸路轉運判官乙卯詔脩  
兵書壬戌詔二府頒新定磨勘式甲子築水洛城是  
月光化軍亂討平之十一月丙寅上清宮火癸未詔

赤雪

館職有闕以兩府兩省保舉然後召試補用丁亥更  
蔭補法壬辰限職田是月五星皆在東方十二月乙  
巳桂陽監徭賊復寇邊丁巳大雨雪木冰河北雨赤  
雪交趾獻馴象五安化州蠻來貢

四年春正月庚午京城雪寒詔三司減價出薪米以  
濟之壬申西蕃磨羶角入貢乙亥荆王元儼薨辛卯  
太常禮儀院上新脩禮書及慶曆祀儀二月丙申出  
奉宸庫銀三萬兩振陝西饑民己酉白虹貫日甲寅  
罷陝西四路馬步軍都總管經略安撫招討使復置  
隨路都總管經略安撫招討使三月癸亥朔以旱遣

內侍祈雨辛未省廣濟河歲漕軍儲二十萬石乙亥  
詔天下州縣立學更定科舉法語在選舉志己卯出  
御書治道三十五事賜講讀官庚辰錄唐郭子儀後  
甲申免衡道州桂陽監民經徭賊劫略者賦役一年夏  
四月丙申詔湖南民誤為征徭軍所殺者賜帛存撫  
其家丁酉宜州蠻歐希範叛詔廣西轉運鈐轄司發  
兵討捕壬子以錫慶院為太學五月庚午錄繫囚壬  
申幸國子監謁孔子有司言舊儀止肅揖帝特再拜  
賜直講孫復五品服遂幸武成王廟又幸玉津園觀  
種稻乙亥撫州獻生金山丙子詔西川知州軍監罷

任未出界而卒者錄其子孫一人戊寅詔募人納粟振淮南饑乙酉忻州言地震有聲如雷丙戌曩霄遣人來復稱臣六月壬子降天下繫囚流徒罪一等杖笞釋之范仲淹宣撫陝西河東癸丑詔諸軍因戰傷廢停不能自存及死事之家孤老月給米人三斗秋七月戊寅封宗室德文等十人為郡王國公壬午月犯焚惑癸未契丹遣使來告伐夏國甲申夷人寇三江砦清井監官兵擊走之丙戌詔諸路轉運提刑察舉守令有治狀者八月辛卯命置昌朝領天下農田范仲淹領刑法事甲午富弼宣撫河北戊戌命右正

言余靖報使契丹保州雲翼軍殺官吏據城叛庚子命右正言田况度視保州仍聽便宜行事丙午進宗室官有差戊午詔輔臣所薦官毋以為諫官御史九月辛酉保州平壬戌詔保州官吏死亂兵而無親屬者官為殯斂兵官被害及戰沒並優賜其家民田遭蹂踐者蠲其租癸亥以真宗賢妃沈氏為德妃婉儀杜氏為賢妃戊辰呂夷簡薨庚午晏殊罷乙亥遣使安撫湖南甲申以杜衍同中書門下平章事兼樞密使雋賢殿大學士賈昌朝為樞密使陳執中叅知政事丁亥宴宗室太清樓射于苑中冬十月庚寅賜曩

宋史本紀卷第廿一  
霄誓詔歲賜銀絹茶絲凡二十五萬五千陳堯佐薨  
丙申命范仲淹提舉三館祕閣繕校書籍癸丑桂陽  
蠻降授蠻酋二人奉職十一月壬戌以西界內附香  
布為團練使己巳詔戒朋黨相訐及按察恣為苛刻  
文人肆言行恠者己卯改上莊穆皇后謚曰章穆莊  
獻明肅皇太后曰章獻明肅莊懿皇太后曰章懿莊  
懷皇后曰章懷莊惠皇太后曰章惠庚辰朝饗景靈  
宮辛巳饗太廟奉慈廟壬午冬至祀天地于圜丘大  
赦十二月壬辰加恩百官乙未封襄霄為夏國主丁  
酉詔州縣以先帝所賜七條相誨敕辛亥置保安鎮

戎軍權場是歲黎州邛部川山前山後百蠻都鬼主  
牟黑來貢

五年春正月甲戌罷河東陝西諸路招討使乙亥復  
置言事御史丙子契丹遣使來告伐夏國還庚辰命  
知制誥余靖報使契丹癸未詔京朝官因被彈奏雖  
不曾責罰但有改移差遣並四周年磨勘乙酉范仲  
淹富弼罷丙戌杜衍罷以賈昌朝同中書門下平章  
事兼樞密使集賢殿大學士王貽永為樞密使宋庠  
參知政事吳育龐籍並為樞密副使二月辛卯詔罷  
京朝官用保任叙遷法又罷蔭補限年法壬辰曩霄



初遣人來賀正且癸卯以久旱詔州縣毋得淹繫刑  
獄辛亥祈雨于相國天清寺會靈祥源觀癸丑桂陽  
監言唐和等復內寇乙卯謝雨三月己未詔太宗正  
勵諸宗子授經務學辛酉韓琦罷癸亥詔禮部貢舉  
甲子宜州蠻賊歐希範平庚午東方有黃氣如虹貫  
月甲戌詔監司按察屬吏毋得恣量甲申詔陝  
西邊兵第賜緡  
錢民去年逋負皆勿責蠲其租稅之半麟府州嘗為  
羌所掠除逋負租稅如之丙戌罷入粟補官夏四月  
丁亥朔司天言日當食陰晦不見錄繫囚遣官錄三

京囚辛卯曩霄初遣人來賀乾元節戊申章得象罷  
以賈昌朝為昭文館大學士陳執中同中書門下平  
章事集賢殿大學士兼樞密使庚戌以吳育叅知政  
事丁度為樞密副使五月己巳罷諸路轉運判官閏  
月丙午曩霄遣人來謝冊命六月丁卯減益梓州上  
供絹歲三之一紅錦麻胎半之秋七月戊申以廣州  
地震八月庚午荆南府岳州地震九月庚寅詔文武  
官已致仕而舉官犯罪當連坐者除之辛卯以重陽  
曲宴近臣宗室于太清樓遂射苑中冬十月乙卯契  
丹遣使來獻九龍車及所獲夏國羊馬辛酉祔章獻

明肅皇后章懿皇后神主于太廟大赦罷轉運使兼  
按察庚午幸瓊林苑遂畋楊村遣使以所獲馳薦太  
廟召父老賜以飲食茶帛辛未頒曆于夏國庚辰罷  
宰臣兼樞密使十一月丁亥冬至宴宗室于崇政殿  
巳酉詔河北長吏舉殿直供奉官有武才者是歲施  
州溪洞蠻西南夷龍以特來貢

六年春正月戊申徙廣南戍兵善地以避瘴毒二月  
戊寅青州地震詔陝西經略安撫及轉運司議裁節  
諸費及所置官員無用者以聞三月辛巳朔日有食  
之錄繫囚庚寅登州地震岬岫山摧自是屢震岬海

底有聲如雷甲午月犯歲星是月賜禮部奏名進士  
諸科及第出身八百五十三人夏四月甲寅遣使賜  
湖南戍兵方藥五月甲申京師雨雹地震丙戌錄繫  
囚戊子減邛州鹽井歲課緡錢一百萬丙申詔陝西  
市蕃部馬丁酉京東人劉沓劉沔胡信謀反伏誅六  
月庚戌朔詔夏竦與河北監司察帥臣長吏之不職  
者丁巳有流星出營室南其光燭地隱然有聲丙寅  
以久旱民多暵死命京城增鑿井三百九十丁丑詔  
制科隨禮部貢舉秋七月丁亥月犯南斗庚寅河東  
經略司言兩壞忻代等州城壁八月癸亥策試賢良

方正能直言極諫并試武舉人癸酉以吳育爲樞密副使丁度叅知政事九月甲辰登州言有巨木三千餘浮海而出冬十月辛未詔發兵討湖南徭賊十一月巳卯遣官議夏國公封界癸未湖南徭賊寇英韶州界辛丑畋東韓村乘輿所過及園內田蠲其租一年是歲邈川首領喃廝囉西蕃陪氈磨氈角安化州蠻蒙光速等來貢交趾獻馴象十道州部龍酋李石壁等降

七年春正月丙子朔御大慶殿受朝丁亥詔河北所括馬死者限二年償之己亥頒慶曆編敕壬寅詔減

連州民被徭害者來年夏租二月巳酉詔取益州交子三十萬於秦州募人入中糧丙辰令內侍二人提舉月給軍糧三月壬午錄繫囚癸未詔天下有能言寬恤民力之事者有司驛置以聞以其副上之轉運司詳其可行者輒行之毀後苑龍船丁亥以旱罷大宴癸巳詔避正殿減常膳許中外臣僚實封條上三事乙未賈昌朝罷以陳執中爲昭文館大學士夏竦同中書門下平章事集賢殿大學士吳育爲給事歸班文彥博爲樞密副使罷出獵丁酉以夏竦爲樞密使文彥博參知政事高若訥爲樞密副使辛丑祈

兩于西太一宮及還遂雨壬寅陳執中宋庠丁度以旱降官一等夏四月丁未謝雨己酉詔前京東轉運使薛紳專任文吏伺察郡縣細過江東轉運使楊紘判官王綽提點刑獄王鼎苛刻相尚並削職知州自今毋復用爲部使者壬子御正殿復常膳乙卯復執中庠度官己巳詔諫官非公事毋得私謁五月戊寅詔武臣非歷知州軍無過者毋授同提點刑獄己丑補降徭唐和等爲峒主己亥命翰林學士楊察蠲放天下逋負辛丑詔面北二邊有大事二府與兩制以上雜議之六月乙巳詔禁畜猛獸害人者辛酉詔天

下知縣非鞫獄毋得差遣壬戌詔臣僚朝見者留京毋過十日秋七月癸未奉安太祖太宗真宗御容于南京鴻慶宮甲申德音降南京畿內囚罪一等徒以下釋之賜民夏稅之半除災傷倚閣稅及欠折官物非侵盜者辛丑禁貢餘物饋近臣八月乙丑析河北爲四路各置都總管九月丁酉詔刪定一州一縣敕冬十月壬子李迪薨甲子幸廣親宅謁太祖太宗神御殿宴宗室賜器幣有差乙丑河陽許州地震十一月乙未加上真宗謚丙申朝饗景靈宮丁酉饗太廟奉慈廟戊戌冬至祀天地于圜丘太赦貝州宣毅卒

王則據城及十二月戊申加恩百官庚戌樞密直學士明鎬體量安撫河北癸丑詔具州有能引致官兵獲賊者授諸衛上將軍甲寅遣內侍以敕榜招安具賊是歲西蕃磨種角來貢

八年春正月丁丑文彥博宣撫河北明鎬副之壬午江寧府火乙未日赤無光閏月辛丑貝州平甲辰曲赦河北賜平貝州將士緡錢戰沒者官為葬祭兵所踐民田蠲其稅改貝州為恩州戊申文彥博同中書門下平章事集賢殿大學士官吏將士有功者遷擢有差辛酉親從官顏秀等四人夜入禁中謀為變宿衛

兵捕殺之丙寅磔王則于都市丁卯知貝州張得一坐降賊伏誅二月癸酉頒慶曆善救方夏國來告曩霄卒己卯賜瀛真恩冀州緡錢二萬贖還饑民鬻子丁酉奉安宣祖太祖太宗御容于睦親宅三月甲辰詔禮部貢舉辛亥遣使體量安撫陝西甲寅幸龍圖天章閣詔輔臣曰西陲備禦兵冗當濫罔知所從卿等各以所見條奏又詔翰林學士三司使知開封府御史中丞曰朕躬闕矢左右朋邪中外險詐州郡暴虐法令有不便於民者朕欲聞之其悉以陳壬戌以霖雨錄繫囚癸亥以朝政得失兵農要務邊防備豫

將帥能否財賦利害錢法是非與夫讒人害政姦盜亂俗乃防微杜漸之策召知制誥諫官御史等諭之使悉對于篇夏四月己巳朔封曩霄子諒祚為夏國主壬申丁度罷明鎬參知政事五月辛酉夏竦罷宋庠為樞密使龐籍參知政事六月戊辰朔詔近臣舉文武官材堪將帥者丙子河決澶州商胡埽壬辰以久雨齋禱甲午明鎬卒乙未詔館閣官須親民一任方許入省府及轉運提點刑獄差遣丙申章得象薨秋七月戊戌以河北水令州縣募饑民為軍辛丑罷鑄鐵錢八月己丑以河北京東西水災罷秋宴九月

戊午詔三司以今年江淮漕米轉給河北州軍冬十一月己亥作皇帝欽崇國祀之寶壬戌出廩米減價以濟畿內貧民十二月乙丑朔以霖雨為灾頒德音改明年元減天下囚罪一等徒以下釋之出內藏錢帛賜三司買粟以濟河北流民所過官為舍止之所賫物毋收筭丁卯冊夷人張氏為貴妃戊子遣使體量安撫利州路是歲廬州合肥縣稻再實交州來貢皇祐元年春正月甲戌朔日有食之以河北水災罷上元張燈停作樂庚戌張士遜薨己未詔以緡錢二十萬市穀種分給河北貧民辛酉詔臺諫非朝廷得

失民間利病毋風聞彈奏二月戊辰以河北疫遣使  
頒藥辛未發禁軍十指揮赴京東西路備盜三月丁  
巳錄繫囚巳未契丹遣使來告伐夏國庚申翰林院  
學士錢明逸報使契丹是月賜禮部奏名進士諸科  
及第出身千三百九人四月癸未梓州轉運司言涪  
井監夷人平六月甲子蠲河北復業民租賦二年甲  
戌始置觀文殿大學士戊寅詔中書樞密非聚議毋  
通賓客戊子詔轉運使提點刑獄所部官吏受贓失  
覺察者降黜秋七月丁酉詔臣僚毋得保薦要近內  
臣巳未詔諸州歲市藥以療民疾八月壬戌陳執中  
罷以文彥博為昭文館大學士宋庠同中書門下平  
章事集賢殿大學士龐籍為樞密使高若訥叅知政  
事梁適為樞密副使甲申策制舉武舉人九月乙巳  
廣源州蠻儂智高寇邕州詔江南福建等路發兵以  
備戊午太白犯南斗巳未罷武舉冬十一月丙申詔  
河北被災民八十以上及篤疾不能自存者人賜米  
一石酒一斗辛丑詔民有冤貧不能詣闕者聽訴於  
監司以聞十二月甲子遣入內供奉高懷政督捕邕  
州盜賊是歲大留國來貢

本紀卷第十二

宋史十二

開府儀同三司上柱國錄軍國重事尚書右丞相兼修國史領經筵事都總裁臣脫脫等奉

勅修

仁宗四

二年春正月癸卯以歲饑罷上元觀燈壬子命近臣同三司較天下財賦出入之數二月甲申出內庫絹五十萬下河北陝西河東路以備軍賞三月戊子朔詔季秋有事于明堂己丑以大慶殿為明堂甲午遣官祈雨丁酉月犯軒轅大星戊戌詔明堂禮成群臣毋上尊號庚子契丹遣使以伐夏師還來告丙午雨



已酉詔兩浙流民聽人收養翰林學士趙鼎報使契  
丹夏五月丁亥朔新作明堂禮神玉已亥旌定州義  
民李能六月己未出新製明堂樂八曲丁卯以自製  
黃鐘五音五曲並肄于太常庚午定選舉縣令法壬  
申月犯填星癸未錄繫囚焚惑入輿鬼犯積尸癸亥  
出內藏絹百萬市羅軍儲壬申深州大雨壞廬舍九  
月丁亥閱雅樂已酉朝饗景靈宮庚戌饗太廟辛  
亥大饗天地于明堂以太祖太宗真宗配如園兵大  
赦百官進秩一等詔自今內降指揮百司執奏毋輒  
行敢因緣干請者諫官御史察舉之冬十月庚午熒

惑犯太微上將乙亥宴京畿父老于錫慶院閏十一  
月己未詔后妃之家毋得除二府職任丙寅秀州  
地震有聲如雷丁卯詔中書門下省兩制及太常官  
詳定太樂河北水詔蠲民租出內藏錢四十萬緡絹  
四十萬匹付本路使措置是歲芻糧十二月甲申  
定三品以上家廟制喃厮囉西蕃瞎魯西南蕃龍  
光胤占城沙州來貢涇原路生戶都首領那龍男  
阿日丁內附

三年春正月乙丑幸魏國大長公主第視疾二月丙  
戌宰臣文彥博等進皇祐大饗明堂記己亥復行

邵獻瑞

河北沁邊州軍入中糧草見錢法三月庚申宋庠罷以劉沆參知政事癸酉儂智高表獻馴象及金銀卻之夏四月癸未詔河北流民相屬吏不加恤而乃飾厨傳交賂使客以取名譽自今非犒設兵校其一切禁之丙申太白書見五月庚戌以恩冀州旱詔長吏決繫囚壬申置河渠司乙亥頒簡要濟衆方命州縣長吏按方劑以救民疾丁丑錄繫囚六月丁亥無為軍獻芝草帝命姑免知軍茹孝標罪戒州郡自今勿復獻秋七月癸丑詔少卿監以下年七十不任贅務者御史臺審官院以聞嘗任館閣臺諫及提刑

者中書裁處待制以上能自引年則優加恩禮丙辰以孔氏子孫復知仙源縣事丁巳兩制禮官上大樂名曰太安辛酉河決大名府郭罔口乙丑罷徙州縣長吏不任事者十有六人丙子減郴永州桂陽監丁身米歲十萬餘石八月丙戌遣使安撫京東淮南兩浙荆湖江南饑民辛卯詔諸路監司具所部長吏治狀能否以聞是月汴河絕流冬十月庚子文彥博罷以龐籍同中書門下平章事昭文館大學士高若訥為樞密使梁適參知政事王堯臣為樞密副使十一月辛亥減漳州泉州興化軍丁米十二月

庚辰新作渾儀庚子詔文武官七十以上未致仕者  
更不考課遷官甲辰罷災傷州軍貢物是歲涇原樊  
家族密廝歌內附

四年春正月己巳詔諸路貸民種乙亥塞大名府決  
河二月庚子蠲湖州民所貸官米三月己酉詔禮部  
貢舉丙辰蠲江南路民所貸種數十萬斛辛酉錄繫  
囚辛未詔官禁市物給實直非所闕者毋市夏四月  
庚辰詔修河兵夫逃亡死傷會其數以議官吏之罰  
廣源州蠻儂智高反五月乙巳朔智高陷邕州遂  
陷橫貴等八州圍廣州壬申命知桂州陳曙率兵討

儂智高

智高六月乙亥起前衛尉卿余靖為祕書監湖南安  
撫使知潭州前尚書屯田員外郎直史館楊旼體量  
安撫廣南提舉經制盜賊事庚辰改余靖為廣西安  
撫使知桂州命同提點廣東刑獄李樞與陳曙討智  
高廣東轉運鈐轄司發兵援之丁亥以狄青為樞密  
副使秋七月乙巳出內藏錢絹助河北軍儲丙午命  
余靖經制廣南盜賊事丁巳大風拔木壬戌智高引  
衆去廣州廣東兵馬鈐轄張忠知英州蘇緘邀擊于  
白田忠戰歿甲子廣東兵馬鈐轄蔣偕又敗于路田  
八月癸未詔開封府北大風雨民廬摧圮壓死者官

為祭歛之辛卯命樞密直學士孫沔安撫湖南江西  
內侍押班石全斌副之九月丁巳命余靖提舉廣南  
兵甲經制賊盜事庚申廣西兵馬鈐轄王正倫討智  
高于昭州館門驛戰沒智高入昭州庚午以狄青為  
宣徽南院使宣撫荆湖路提舉廣南經制賊盜事是  
月智高襲殺蔣偕于太平場冬十月丙子太白犯南  
斗詔鄜延環慶涇原路擇蕃落廣銳軍各五十人赴  
廣南行營丁丑智高入賓州甲申復入邕州丁亥以  
諸路飢疫并征徭科調之煩令轉運使提點刑獄親  
民官條陳救恤之術以聞十一月壬寅朔日有食之

戊午詔免江西湖南廣南民供軍須者今年秋租十  
之三十二月壬申朔廣西兵馬鈐轄陳曙討智高  
兵戰于金城驛壬辰觀新樂乙未錄唐顏真卿後是  
歲河北路及鄜州水蠲河北民積年逋負鄜州民稅  
役

五年春正月壬寅朔御大慶殿受朝庚戌以廣南用  
兵罷上元張燈白虹貫日丁巳會靈觀火戊午狄青  
敗智高于邕州斬首五千餘級智高遁去甲子遣使  
撫問廣南將校賜軍士緡錢二月癸未狄青復為樞  
密副使甲申赦廣南凡戰歿者給槨櫛護送還家無

主者葬祭之賊所過郡縣免其田租一年死事家科  
徭二年貢舉人免解至禮部不預奏名者亦以名聞  
丙戌詔廣西都監蕭注等追捕智高丁亥下德音  
減江西湖南繫囚罪一等徒以下釋之丁丑饋運廣  
南軍須者減夏稅之半仍免差徭一年戊子詔百官  
遇南郊奏薦無子孫者聽奏其親一人乙未詔宗  
室通經者大宗正司以聞二月癸亥遣使奉安太祖  
御容于滁州太宗御容于并州真宗御容于澶州  
是月賜禮部奏名進士諸科及第出身千四十二人  
夏四月甲午命劉沆梁適監議大樂五月乙巳詔

輔臣凡有大政許復對後殿高若訥罷以狄青爲  
樞密使丁未孫沔爲樞密副使戊申詔轉運使毋取  
羨餘以助三司庚戌詔智高所至州無城壘若兵力  
不敵而棄城者奏裁壬子錄繫囚丁巳詔轉運司振  
邕州貧民戶貸米一石甲子詔諫官御史毋挾私以  
中善良及臣僚言機密事毋得漏泄六月乙亥御  
紫宸殿按太安樂觀宗廟祭器丙戌作集禧觀成  
乙未詔河北荐饑轉運使察州縣長吏能招輯勞  
來者上其狀不稱職者舉劾之秋七月乙巳詔荆湖  
北路民因災傷所貸常平倉米免償巳酉詔薦舉

非其人者令御史臺彈奏見任監司以上弗許薦  
論戊午詔太常定謚毋爲溢美閏月戊辰詔廣南  
民逃未還者限一年歸業其復三歲壬申龐籍罷  
以陳執中同中書門下平章事昭文館大學士梁適  
同中書門下平章事集賢殿大學士乙亥詔武臣  
知州軍須與僚屬參議公事毋專決庚辰秦鳳路  
言總管劉煥等破蕃部斬首二千餘級八月丁酉朔  
詔民訴災傷而監司不受者聽州軍以狀聞辛酉策  
制舉武舉人壬戌詔南郊以太祖太宗真宗並配九  
月乙酉觀新樂冬十月內申朔日有食之壬子人作

鎮國神寶丁巳詔以蝗旱令監司諭親民官上民間  
利害十一月丁卯朝饗景靈宮戊辰饗太廟奉慈廟  
巳巳祀天地于園丘大赦丁丑加恩百官戊子放天  
下逋負十二月戊午詔轉運官毋得進羨餘壬戌以  
曹陳許鄭滑州爲輔郡隸畿內置京畿轉運使是歲  
占城國來貢

至和元年春正月辛未詔京師大寒民多凍餒死者  
有司其瘞理之壬申碎通天犀和藥以療民疫癸酉  
貴妃張氏薨輟視朝七日禁京城樂二月丁丑追冊爲  
皇后賜謚温成辛卯錄繫囚減二京輔郡雜犯死

罪一等徒以下釋之二月庚子詔治河堤民有疫死者蠲戶稅一年無戶稅者給其家錢二千壬戌孫沔罷以田況爲樞密副使三月己巳王貽永罷以王德用爲樞密使辛未命曾公亮等同試入內醫官壬申賜邊臣攻守圖置京畿提點刑獄乙亥太史言日當食四月朔庚辰下德音改元減死罪一等流以下釋之癸未易服避正殿減常膳乙酉詔京西民饑宜令所在勸富人納粟以振之夏四月甲午朔日有食之用牲于社辛丑御正殿復常膳祥源觀火五月戊寅以河北流民稍復遣使安撫壬辰太白晝見

秋七月丁卯以程戡參知政事立溫成園戊辰梁適罷己巳出御史馬遵呂景初吳中復八月丁酉詔前代帝王後嘗仕本朝官八品以下其祖父母妻子犯流以下罪聽贖未仕而嘗受朝廷賜者所犯非兇惡亦聽贖丙午以劉沅同中書門下平章事集賢殿大學士命脩起居注官侍經筵九月乙亥契丹遣使來告夏國平辛巳遣三司使王拱辰報使契丹己丑太白晝見冬十月辛卯朔太白晝見壬辰詔士庶家母得以嘗傭顧之人爲姻違者離之丁酉葬溫成皇后丙午溫成皇后神主入廟戊午幸城北砲

場觀發砲宴從臣賜衛士緡錢十一月甲子出太廟  
禘祫時饗及溫成皇后樂章隸于太常十二月丙午  
詔司天監天文算術官毋得出入臣僚家癸丑詔內  
侍傳宣令都知司劄報被旨者覆奏是歲融州大丘  
洞楊光朝內附

二年春正月丁卯奉安真宗御容于萬壽觀減畿  
內輔郡囚罪一等徒以下釋之賜諸軍緡錢戊辰

邕州言蘇茂州蠻內寇詔廣西發兵討之丁亥晏  
殊薨二月壬辰汾州圍練推官郭固上車執法既  
試之授衛尉丞二月丁卯詔脩起居注立於講讀

行能云

官之次丙子封孔子後為衍聖公是月以旱除畿內  
民逋芻及去年秋逋稅罷營繕諸役夏四月己亥  
契丹遣使賀乾元節以其主之命持本國三世畫  
像來求御容辛亥定差衙前法乙卯出米京城門  
下其價以濟流民五月己未錄繫囚辛酉詔中書  
公事並用祖宗故事戊寅詔戒百官務飭官守六  
月戊戌陳執中罷以文彥博同中書門下平章事  
昭文館大學士劉沆監修國史富弼同中書門下  
平章事集賢殿大學士乙巳儂智高毋儂氏弟  
智光子繼宗繼封伏誅秋八月戊子減畿內輔郡囚



罪一等徒以下釋之乙未置臺諫章奏簿壬子  
詔中書樞密院第宗姓服屬自明堂覃恩後及  
十年者咸與進官九月戊午契丹使來告其國主  
宗真殂帝為發哀成服于內東門幕次遣使祭  
奠弔慰及賀其子洪基立戊辰詔試醫官須引  
醫經本草以對每試十道以六通為合格辛巳罷  
輔臣宣徽節度使乾元節任子恩冬十月丙戌錄唐  
長孫無忌後巳丑詔京畿毋領輔郡罷京畿轉運  
使提點刑獄癸丑下溪州蠻彭仕義內寇詔湖北  
路發兵捕之十一月乙卯交趾來告李德政卒其

子曰尊上德政遺貢物及馴象巳未行並邊見錢  
和糴法十二月丁亥修六塔河丁酉詔武臣有賊濫  
者毋得轉橫行其立戰功者許之庚子契丹遣使  
致其主宗真遺留物及謝弔祭庚戌太白晝見  
壬子作醴泉觀成是歲西界阿訛等內附詔遣還  
龍賜州彭師黨以其族來歸大食國西蕃安化州  
蠻來貢

嘉祐元年春正月甲寅朔御大慶殿受朝是日  
不豫辛酉輔臣禱祠于大慶殿齋宿殿廡近臣  
禱于寺觀及遣諸州長吏禱于嶽瀆諸祠壬戌

御崇政殿癸亥賜在京諸軍緡錢甲子赦天下蠲被災田租及倚閣稅戊辰罷上元張燈辛未命輔臣禱天地宗廟社稷是月大雨雪木冰二月甲辰帝疾愈御延和殿三月丁巳詔禮部貢舉辛未司天監言自至和元年五月客星晨出東方守天關至是沒壬申遣官謝天地宗廟社稷寺觀諸祠癸酉契丹遣使來謝閏月癸未朔以王堯臣參知政事程戡爲樞密副使詔前後殿間日視事夏四月壬子朔六塔河復決丙辰裁定補蔭選舉法甲戌錄繫囚是月大雨水注安上門門關折壞官私廬舍數萬區

諸路言江河決溢河北尤甚六月辛亥朔詔雙日不御殿伏終如舊辛未免畿內京東西河北被水民賦租乙亥雨壞太社太稷壇戊寅遣使安撫河北已卯詔羣臣實封言時政闕失秋七月乙酉命京東西湖北監司分行水災州軍振饑蠲租丙戌賜河北流民米壓溺死者賜其家錢有差已丑出內藏銀絹三十萬振貸河北月入南斗乙巳貸被水災民麥種是月彗出紫微垣長丈餘環州小遇族叛知州張揆破降之八月庚戌朔日有食之癸亥狄青罷以韓琦爲樞密使是夕彗滅甲子出恭謝樂章

肆于太常乙亥朝謁景靈宮減京城繫囚徒罪  
一等杖笞釋之戊寅詔湖北招安彭仕義九月  
庚寅命宰臣攝事于太廟辛卯恭謝天地於大  
慶殿大赦改元丁酉加恩百官庚子賜致仕卿  
監以上及曾任近侍之臣粟帛酒饌癸卯舉行  
御史遷次格自京至泗州置汴河木岸十一月  
辛巳王德用罷賈昌朝爲樞密使十二月壬子劉  
沆罷以曾公亮參知政事甲子白虹貫日是歲西  
蕃磨熵角占城大食國來貢融柱州蠻楊克端等  
內附

二年春二月己酉梓夔路三里村夷人寇清井監  
庚戌錄繫囚降罪一等徒以下釋之遣使錄三京  
輔郡繫囚壬戌杜衍薨澧州羅城洞蠻內寇發兵  
擊走之癸酉王德用卒是月雄霸州地震三月戊  
寅振河北被災民乙未契丹使耶律防陳覲來求  
御容戊戌淮水溢遣張昇報使契丹癸卯狄青卒  
是月賜禮部奏名進士諸科及第出身八百七十  
七人親試舉人免黜落始此夏四月己未以河北  
地數震遣使安撫丙寅幽烟地大震壞城郭覆  
壓死者數萬人己巳邕州火峒蠻儂宗旦入寇

癸酉以彭仕美未嘗遣官安撫湖北五月庚辰  
管勾麟府軍馬公事郭恩爲夏人所襲歿于斷  
道塢巳亥詔舉行磨勘法六月戊午夏國主諒  
祚遣人來謝使弔祭戊辰以淑妃苗氏爲賢妃  
秋七月辛巳詔河北諸道總管分遣兵官教閱  
所部軍辛卯命孫林張昇磨勘轉運使及提點  
刑獄課績丁酉詔陝西河北諸路經略安撫舉文  
武官材堪將領者各一人八月巳酉詔每歲賜諸  
道節鎮諸州錢有差命長吏選官和藥以救民  
疾壬子命富弼等詳定編勅庚申錄繫囚降罪

一等徒以下釋之癸亥策制舉人丁卯置廣惠倉  
九月庚子契丹再使蕭扈吳湛來求御容冬十  
月乙巳遣胡宿報使契丹丙午班祿令十一月丙  
申詔三司使體量判官才否以聞十二月戊申詔  
自今間歲貢舉天下進士諸科解舊額之半置  
明經科罷說書舉人辛亥立內降閔白二府法是  
歲西蕃瞎躡并諸族西平州黔南道王石自品西  
南蕃鷓州來貢

三年春正月戊戌鑿永通河二月癸卯契丹使來  
告其祖母哀輟視朝七日遣使祭奠弔慰癸丑

錄繫囚降罪一等徒以下釋之三月甲戌詔禮部貢  
舉夏四月甲子吳育卒乙丑罷睦親宅祖宗神御  
殿丙辰詔守令或貪恣老昏以弛爲寬以苛爲察  
以增賦歛爲勞以出入刑罰爲能而部使者莫之舉  
効自今其各思率職毋撓權倖毋縱有罪以稱朕  
意五月壬申增國子監生員甲午契丹遣使致其  
祖母遺留物六月丙午文彥博賈昌朝罷以富弼  
爲昭文館大學士韓琦同中書門下平章事集  
賢殿大學士宋庠田况爲樞密使張昇爲樞密  
副使甲寅詔學士院編國朝制誥丁卯交趾貢異

獸秋七月丙子詔廣濟河溢原武縣河決遣官行  
視民田振恤被水害者癸巳以夔州路旱遣使安  
撫八月己亥朔日有食之己未王堯臣卒庚申彭  
仕義率衆降九月癸酉議罷榷茶法己丑契丹  
遣使來謝冬十月癸亥除河北坊郭客戶乾食鹽  
錢十一月癸酉議減冗費己丑置都水監罷三司  
河渠司十二月己巳詔三司歲上天下稅賦之數  
三歲一會虧贏以聞閏月丁卯朔詔吏人及伎術  
官職毋得任知州軍提點刑獄自軍班出至正任  
者方得知邊要州軍丁丑詔裁定制科及進士高

第人恩數庚辰詔明年正旦日食其自丁亥避正殿減常膳宴契丹使毋作樂壬午錄繫囚降三京囚罪一等徒以下釋之是歲安化上中下州北遐鎮蠻人來貢

四年春正月丙申朔日有食之用牲于社辛丑御正殿復常膳以自冬雨雪不止遣官分行京城賜孤窮老疾錢畿縣委令佐為糜粥濟飢壬寅賜在京諸軍班緡錢頒嘉祐驛令二月己巳罷榷茶庚午廣南言交趾寇欽州乙亥以廣惠倉隸司農寺戊子白虹貫日三月戊戌

命近臣同三司減定民間科率是月賜進士諸科及第出身三百三十人夏四月丁卯詔孟冬大禘于太廟癸酉封柴氏後為崇義公給田十頃奉周室祀丙子復銀臺司封駁制癸未陳執中薨辛卯詔中外臣庶居室器用冠服妾媵有違常制必罰毋貸壬辰錄繫囚降罪一等徒以下釋之大震電兩雹五月戊戌詔兩制臣僚舊制不許詣執政私第所舉薦不得用為御史今除其法庚子詔內臣員多權罷進養子入內壬子遣官經界河北牧地餘募民種藝六月己巳群

臣請加尊號曰大仁至治表五上不許癸酉詔諸路  
經略安撫轉運使提點刑獄各舉本部官有行實  
政事者三人以備升擢嘗任兩府者許舉內外官  
丁丑詔轉運司比隣州饑而輒閉糶者以違制論  
辛卯放宮女二百十四人秋七月丁未放宮女二百  
三十六人八月乙亥策制舉人冬十月壬申朝饗  
景靈宮癸酉大袷于太廟大赦詔諸路監司察士  
有學行爲鄉里所推者同長吏以問民父母年八  
十以上復其一丁復益州爲成都府并州爲太原  
府戊寅加恩百官十一月庚子汝南郡王允讓薨

十二月丁丑白虹貫日是歲喃廝囉來貢

五年春正月辛卯朔白虹貫日太白犯歲星己亥

錄劉繼元後二月壬戌錄繫囚三月壬辰詔禮部貢

舉癸巳劉沆薨乙未歲星晝見壬子詔以蝗澇

相仍敕轉運使提點刑獄督州縣振濟仍察不

稱職者夏四月癸未程戡罷以孫抃爲樞密副

使丙戌命近臣同三司議均稅五月戊子朔京師

民疫選醫給藥以療之己丑京師地震丁酉詔

三司置寬恤民力司己酉王安石召入爲三司度支

判官丁巳錄繫囚降罪一等徒以下釋之六月乙丑

新唐書

永逸書

詔戒上封告訐人罪或言赦前事及言事官彈劾  
 小過不關政體者乙亥遣官分行天下訪寬恤民  
 力事秋七月癸巳邕州言交趾與甲峒蠻合兵寇  
 邊都巡檢宋士堯拒戰死之詔發諸州兵討捕丙  
 申詔待制臺諫官正刺史以上各舉諸司使至  
 三班使臣堪將領及行陣戰鬪者三人戊戌翰林  
 學士歐陽脩上新修唐書庚戌詔中下門下采  
 端實之士明進諸朝辨激巧偽者放黜之八月壬  
 申詔求逸書庚辰置陝西佑馬司乙酉罷諸路  
 同提點刑獄使臣丙戌置江湖閩廣四川十一路轉

運判一九月己丑太白書見冬十月乙酉深州  
 言野蠶成繭被于原野十一月辛卯罷內臣  
 寄西道法辛丑宋庠罷以曾公亮為樞密使張  
 昇孫抃為參知政事歐陽脩陳升之趙鼎為樞  
 密副使十二月己卯蘇茂州蠻寇邕州辛巳補  
 諸州父老百歲以上者十二人為州助教是歲大  
 食國來貢

六年春正月乙未許兩制與臺諫相見二月丁  
 巳詔宗室賜名授官者須年及十五方許轉官  
 乙丑詔良民子笄或為入誘募軍籍自今兩月



內父母訴官者。三之內。與繫囚降罪一等。徒以下。糴之。三月己亥。富弼以母喪去位。庚子。以富弼母喪罷大宴。戊申。給西京周廟祭享器服。是月。賜進士諸科及第。同出身二百九十五人。夏四月辛酉。詔嶺南官吏死于傷寒而真家流落不能自歸者。所在給食護送還鄉。庚辰。陳升之罷。以包拯為樞密副使。出諫官。唐介。趙鼎。御史范師道。呂誨。五月丙戌。官諸議。或遣行義文學之士七人。庚戌。錄繫囚降罪一等。徒以下。釋之分命官。錄二京繫囚。六月壬子朔。日有食之。乙丑。太白書。元壬申。歲星書。見丙。

子以司馬光知諫院。入對。戊寅。以王安石知制誥。秋七月乙酉。泗州淮水溢。丙戌。詔淮南江浙水災。差官體量蠲稅。戊子。錄昭憲皇太后孝明孝惠孝章淑德皇后家子孫。進秩授官者十有九人。癸巳。詔臺諫為耳目之官。乃聽險陂之人。興造飛語。中傷善良。非忠孝之行也。中書門下其申儆百工。務敦行實。循而弗改者。絀之。八月乙亥。策制舉人。丁丑。詔諸路刺舉之官。未有以考其賢否。比令有司詳定。厥制其各務。祇新書以稱朕意。仍令考校轉運提刑課績院。以新定條目施行。戊寅。

詔州縣長吏有清白不擾而實惠及民者令本  
路監司保薦再任政迹尤異當加獎擢閏月乙  
酉復以成都府爲劍南西川節度庚子以韓琦  
爲昭文館大學士曾公亮同中書門下平章事  
集賢殿大學士張昇爲樞密使辛丑以胡宿  
爲樞密副使冬十月壬午定內侍磨勘法丙戌  
詔京西淮浙荆湖增置都同巡檢壬辰起復皇  
姪前右衛大將軍岳州團練使宗實爲秦州防  
禦使知宗正寺辭以喪不拜十月己巳許夏國  
用漢衣冠癸酉賜昭憲皇太后家信陵坊第

戊寅許康州刺史李樞以己官封贈父母十二月丙  
戌復豐州庚寅命諸叟總管集道軍功過薄以  
備遷補是歲冬無冰占城國獻馴象安化州蠻  
來貢

七年春正月辛未復命皇姪宗實爲秦州防禦  
使知宗正寺乙亥詔南郊以太祖配爲定制改  
溫成皇后廟爲祠殿二月己卯朔更江西鹽法  
詔開封府市地于四郊給錢瘞民之不能葬者癸  
未錄繫囚命官錄被水諸州繫囚三月辛亥詔禮  
部貢舉乙卯孫抃罷以趙槩參知政事吳奎爲樞

密副使甲子以旱罷天宴乙丑祈雨于西太一宮  
 庚午謝雨壬申徐州彭城濠州鍾離地生麥十餘  
 頃民皆取食夏四月壬午頒嘉祐編敕己丑夏國  
 主諫祚進馬求賜書詔賜九經還其馬五月戊午  
 太白晝見庚午包拯卒六月丙子朔歲星晝見秋  
 七月戊申太白經天壬子詔季秋有事于明堂  
 八月乙亥朔出明堂樂章肆于太常己卯詔以  
 宗實為皇子癸未賜名賜丁亥奉安真宗御  
 容于壽星觀庚子以立皇子告天地宗廟諸陵  
 九月乙巳朔以皇子為齊州防禦使進封鉅鹿

郡公己酉朝饗皇宗靈宮庚戌饗太廟辛亥大  
 饗明堂奉真宗配天赦己未加恩百官冬十月  
 乙亥皇子表辭所除官賜詔不允丙戌白晝貫  
 日乙未太白晝見丙申詔內藏庫三司共出錢錢  
 一百萬助糴天下也丙午倉十二月甲午德妃沈氏  
 為貴妃寶妃苗氏為德妃丙申幸龍圖天章閣乃口  
 許臣宗室觀祖宗御書又幸寶文閣為飛白書  
 命韓琦等為和遠宴許王  
 殿庚子召從臣于天章閣觀瑞物復宴于殿  
 是歲冬無冰占城來貢

永昭陵

八百八十八  
八年春正月辛亥交趾貢馴象元二月癸未帝  
不豫甲申下德音減天下囚罪一等從以下釋之  
丙戌中書樞密奏事于福寧殿之西閣三月戊申  
龐籍奏除文御內東門樓毀壞請軍器監甲子  
御延和殿賜進士諸科及第同出身三百四十一人  
辛未帝崩于福寧殿遺詔皇子即皇帝位皇  
后為皇太后喪服以日易月山陵前度務從儉約  
謚曰神文聖武明孝皇帝廟號仁宗十月甲午葬  
永昭陵

禁廷或跪立殿下有司請以玉清舊地為御苑帝曰  
吾奉先帝苑園猶以為廣何以是為燕私常服澣濯  
帷帟衾裯多用繒絁宮中夜饑思膳燒羊戒勿宣索  
恐膳夫自此戕賊物命以備不時之須大辟疑者皆  
令上讞歲常活千餘吏部選人一坐失入死罪皆終  
身不遷每諭輔臣曰朕未嘗詈人以死況敢濫用辟  
乎至於夏人犯邊禦之出境契丹渝盟增以歲幣在  
位四十二年之間吏治若媮惰而任事蔑殘刻之人  
刑法似縱弛而決獄多平允之士國未嘗無弊侍而  
不足以累治世之體朝未嘗無小人而不足以勝善

萬曆二十八年刊  
博士陳校

類之氣。君臣上下。惻怛之心。忠厚之政。有以培壅。宋三百餘年之基。子孫一矯其所為。馴致於此。傳曰為人君。止於仁。帝誠無愧焉。

禁我夷強立。與丁府同請。以王書書。此為。御。帝曰。吾奉去帝。英國。會以。為。黃。向。以。長。為。燕。休。常。服。朝。等。事。對。帝。余。所。多。用。餘。餘。宮。中。亦。繼。思。觀。觀。羊。亦。於。官。索。恐。天。自。出。前。不。清。一。員。大。年。長。自。有。

本紀卷第十三

宋史十三

開府儀同三司。樞密軍國事。前中書丞相。監修國史。領經筵事。都總裁。臣脫脫等奉勅修

英宗

英宗體乾應曆隆功盛德。文肅武睿聖宣孝皇帝。諱曙。濮安懿王允讓第十三子。母曰仙遊縣君任氏。明道元年正月三日。生於宣平坊第。初娠。夢兩龍與日並障。以衣衣之。及帝生。赤光滿室。或見黃龍游光中。四歲。仁宗養於內寶元二年。豫王生。乃歸淮邸。帝天性篤孝。好讀書。不為燕嬉。褻慢服御。儉素如儒者。每

以朝服見教授曰師也敢弗爲禮時吳王宮教吳克進宗室六箴仁宗付宗正帝書之屏風以自戒景祐三年賜名宗實授左監門衛率府副率累遷右羽林軍大將軍宜州刺史皇祐二年爲右衛大將軍岳州團練使嘉祐中宰相韓琦等請建儲仁宗曰宗子已有賢知可付者卿等其勿憂時帝方服濮王喪六年十月辛卯起爲秦州防禦使知宗正寺帝以終喪辭奏四上乃聽喪終復授前命又辭七年八月許罷宗正復爲岳州團練使戊寅立爲皇子癸未改今名帝聞詔稱疾益堅辭詔同判大宗正事安國公從古等

往喻旨即卧内起帝以入甲辰見清居殿自是日拜朝或入侍禁中九月遷齊州防禦使鉅鹿郡公八年仁宗崩夏四月壬申朔皇后傳遺詔命帝嗣皇帝位百官入哭盡哀韓琦宣遺制帝御東楹見百官哭西大赦賜百官爵一等優賞諸軍如乾興故事遣王道恭告哀于契丹帝欲亮陰三年命韓琦攝家宰宰臣不可乃止乙亥帝不豫遣韓琦等告即位于契丹丙子尊皇后曰皇太后己卯詔讀皇太后同聽政壬午皇太后御小殿垂簾幸正殿慶壽殿乙酉帝受命寶丁亥以皇子右千牛衛將軍仲鍼爲安州觀察使光國

四百八十一  
公受感自七年八月庚辰不見命宰臣祈禳至是月  
已丑見于東方庚子立京兆郡君高氏為皇后五月  
戊午以富弼為樞密使戊辰初御延和殿以疾未平  
命宰臣祈福于天地宗廟社稷及寺觀又禱于岳瀆  
名山六月辛卯契丹遣蕭福延等來祭弔秋七月壬  
子初御紫宸殿帝自六月癸酉不御殿至是始見百  
官癸亥歲星晝見乙丑星大小數百而流戊辰百官  
請大行皇帝謚于南郊八月癸巳以生日為壽聖節  
九月辛亥以光國公仲鍼為忠武軍節度使同中書  
門下平章事淮陽郡王改名頊戊午上仁宗謚冊于

福寧殿冬十月甲午葬仁宗于永昭陵十一月丙午  
祔于太廟大風霾已酉減東西二京罪囚一等免山  
陵役戶及靈駕所過民租辛亥契丹遣蕭素等來賀  
即位十二月己巳初御迺英閣召侍臣講讀經史乙  
亥淮陽郡王頊出閣是歲于闐西南蕃來貢

治平元年春正月丁酉朔改元戊戌太白晝見己亥  
壽聖節百官及契丹使初上壽于紫宸殿甲寅賞知  
唐州趙尚寬修溝堰增戶口進一宮賜錢二十萬三  
月壬寅命修秦悼王家置守護官戊午錄囚辛酉雨  
壬夏四月癸未放宮女百三十五人甲午祈雨于相

雨土

國天清寺醴泉觀賜諸軍錢有差五月己亥濟二股  
河戊申皇太后還政庚戌初日御前後殿壬子詔皇  
太后稱聖旨出入儀衛如章獻太后故事其有所須  
內侍錄聖旨付有司覆奏即行丙辰上皇太后宮殿  
名曰慈壽己未熒惑犯太微上將壬戌以病愈命宰  
臣謝天地宗廟社稷及宮觀閏月戊辰輔臣進爵一  
等六月己亥以淮陽郡王頴為頴王祈國公頴為保  
寧軍節度使同中書門下平章事孟陽郡王鄂國公  
頴為左衛上將軍增宗室教授丁未增同知太宗正  
事一員辛亥作睦親廣親宅辛酉太白晝見壬戌歲

星晝見八月甲辰錄周世宗後甲寅太白入太微垣  
乙卯遣兵部員外郎呂誨等四人充賀契丹太后生  
辰壬辰使刑部郎中章岷等四人充賀契丹主生辰  
正旦使丙辰內侍都知任守忠坐不法貶保信軍節  
度副使斬州安置丁巳以上供米三萬石振宿亳二  
州水災戶九月丁卯復武舉庚午詔夏國精擇使人  
戒勵毋紊彝章冬十月丙申詔中外近臣監司舉治  
行素著可備升擢者二人十一月乙亥科陝西戶三  
丁之一刺以為義勇軍凡十三萬八千四百六十五  
人各賜錢二千諫官司馬光累上疏諫之不允戊寅



復內侍養子令十二月乙巳丙辰契丹遣耶律  
烈等來賀壽聖節蕭禧等來賀明年正旦是歲畿內  
宋毫陳許汝蔡唐穎曹濮濟單濠泗廬壽楚抗宣洪  
鄂施渝州光化高郵軍大水遣使行視疏治振恤蠲  
其賦租西蕃瞎斡子瞎款來征內附

二年春正月甲戌振蔡州二月甲辰大風晝冥丁未  
錄囚是月賜禮部奏名進士明經諸科及第出身三  
百六十一人三月己巳班明天曆夏四月戊戌詔議  
崇奉濮安懿王典禮辛丑詔監司知州歲薦吏毋徒  
充數丙午奉安仁宗御容于景靈宮丁未白氣起西

方五月癸亥詔以綜核名實勵臣下丙子詔自今皇  
子及宗室屬卑者勿授以檢校師傅官乙酉詔宗室  
封王者子孫襲爵六月壬辰錄囚己酉詔尚書集三省  
御史臺議奉濮安懿王典禮甲寅罷尚書省集議令  
有司博求典故務在合經詔遣官與契丹定疆界秋  
七月癸亥富弼罷丙寅詔減乘輿服御丙子放宮女  
百八十人丁丑太白晝見己卯群臣五上尊號不允  
庚辰張昇罷以文彥博為樞密使八月庚寅京師大  
雨水癸巳賜被水諸軍米遣官視軍民水死者千五  
百八十人賜其家緡錢葬祭其無主者乙未以兩災

詔責躬乞言。初學士草詔曰。執政大臣其惕思天變。帝書其後曰。兩災專以戒朕不德。可更曰。協德交脩。已亥以水災罷開樂宴壬子以工部郎中蔡抗等充賀契丹生辰使侍御史趙鼎等充賀契丹正旦使乙卯減衮冕制度丙辰陝西置壯城兵九月壬戌雨罷大宴已巳以災異風俗策制舉人壬午太白犯南斗乙酉以久雨遣使祈于岳瀆名山大川冬十月乙巳雨木冰十一月庚午朝饗景靈宮辛未饗太廟壬申有事南郊大赦上皇太后卹册皇后以齊州為興德軍節度辛巳加恩百官十二月辛亥太白晝見是歲

遼  
○  
將波繡雲龍賜等州來貢

三年春正月丙辰朔契丹遣使耶律仲達等來賀正旦戊午契丹遣使蕭惟輔等來賀壽聖節丙寅幸降聖院謁神御殿癸酉契丹改國號為遼已卯温州火燒民屋萬四千間死者五千人丁丑皇太后下書中書門下封濮安懿王宜如前代故事王夫人王氏韓氏任氏皇帝可稱親尊濮安懿王為皇夫人為后詔遵慈訓以瑩為園置守衛吏即園立廟俾王子孫主祠事如皇太后旨辛巳詔臣民避濮安懿王諱以王子宗懿為濮國公壬午黜御史呂誨范純仁呂大防

二月乙酉朔白虹貫日三月庚申彗星晨見于室辛酉黜諫官傅克俞御史趙鼎趙瞻戊辰上親錄囚庚午以彗避正殿減膳辛未以黜呂誨等詔內外癸酉以災異責躬詔轉運使察獄訟調後利病大者以聞辛巳彗晨見于昴如太白長丈有五尺壬午孛于畢如月夏四月丙午詔有司察所部左道淫祀及賊殺善良不奉令者罪毋赦五月甲子罷知雜御史觀察使以上歲舉人乙丑彗至張而沒戊辰謂宰相曰朕欲與公等日論治道中書常務有定制者付有司行之六月己酉錄囚秋七月乙丑進濮王子孫及魯王

孫爵一等八月庚午遣傳下等賀遼主生辰張師顏等賀正旦九月壬子朔日有食之癸亥定待制諫官朝官少卿郎中遷選歲月補員格庚辰禁妃嬪公主以下薦服親之夫冬十月壬午朔以仙遊縣君任氏墳域爲園乙酉詔兩日一御邇英閣丁亥詔禮部三歲一貢舉甲午詔宰臣叅知政事舉才行士可試館職者各五人十一月戊午帝不豫禱于大慶殿己未宰相始奏事辛酉降天下囚死罪一等流以下釋之十二月乙未宰相祈于天地宗廟社稷壬寅立賴王頊爲皇太子癸卯大赦賜文武官子爲父後者勳一

轉遼遣蕭靖等來賀正旦壽聖節是歲遣使以違約  
數寇責夏國諒祚獻方物謝罪

四年春正月庚戌朔羣臣上尊號曰體乾膺曆文武  
聖孝皇帝降天下囚罪一等徒以下釋之大風霾辛  
亥蠲京師逋餽錢丁巳帝崩于福寧殿壽三十六謚  
曰憲文肅武宣孝皇帝廟號英宗帝自居睦親宅孝  
德著聞濮安懿王薨以所服玩物分諸子帝所得悉  
以與王府舊人既葬而辭去者宗室有假金帶而以  
銅帶歸主吏以告帝曰真吾帶也受之命殿侍鬻犀  
帶直錢三十萬亡之帝亦不問初辭皇子請潭王宮

教授周孟陽作奏孟陽有所勸戒卽謝而拜之奏十  
餘不允始就召戒舍人曰謹守吾舍上有適嗣吾歸  
矣既爲皇子慎靜恭默無所獻爲而天下陰知其有  
聖德卽位每命近官必以官而不以名大臣從容以  
爲言帝曰朕雖宮中命小臣亦未嘗以名也一日語  
神宗曰國家舊制士大夫之子有尚帝女皆升行以  
避舅姑之尊義甚無謂朕嘗思此寤寐不平豈可以  
富貴之故屈人倫長幼之序也可詔有司革之會疾  
不果神宗述其事焉

贊曰昔人有言天之所命人不能違信哉英宗以明

哲之資。膺繼統之命。執心固讓。若將終身。而卒踐帝位。豈非天命乎。及其臨政。臣下有奏。必問朝廷故事。與古治所宜。每有裁決。皆出羣臣意表。雖以疾疢。不克大有所為。然使百世之下。欽仰高風。詠歎至德。何其盛也。彼隋晉王廣。唐魏王泰。窺覷神器。矯揉奪嫡。遂啓禍原。誠何心哉。誠何心哉。

本紀卷第十三

本紀卷第十四

宋史十四

開府儀同三司桂國暨國置事。前中書右丞相。修國史。領經筵事。都總裁。呂脫等奉勅修

神宗一

神宗紹天法古運德建功英文烈武欽仁聖孝皇帝  
諱項英宗長子母曰宣仁聖烈皇后高氏慶曆八年  
四月戊寅生于濮王宮祥光照室群鼠吐五色氣成  
雲八月賜名仲鍼授率府副率三遷至右千牛衛將  
軍嘉祐八年侍英宗入居慶寧宮嘗夢神人捧之登  
天英宗即位授安州觀察使封安國公是年五月壬

戊受經于東宮帝龍準龍顏動止皆有常度而天性好學請問至日晏忘食英宗常遣內侍止之帝正衣冠拱手雖大暑未嘗用扇侍講王陶入侍帝率弟顥拜之九月加忠武軍節度使同中書門下平章事封淮陽郡王改今諱治平元年六月進封穎王三年三月納故相向敏中孫女爲夫人十月英宗不豫帝引仁宗故事請兩日一御邇英閣講讀以安人心十二月壬寅立爲皇太子四年正月丁巳英廟崩帝卽皇帝位戊午赦天下常赦所不原者遣馮行已告哀于遼己未尊皇太后曰太皇太后皇后曰皇太后命宰

相韓琦爲山陵使辛酉遣孫坦等告卽位于遼以大行皇帝詔賜夏國主及西蕃喃廝囉丙寅群臣表三上始御迎陽門帷殿聽政內醫侍先帝疾者皆坐不謹貶之詔東平郡王允弼襄陽郡王允良朝朔望以吳奎終喪復授樞密副使戊寅以韓琦守司空兼侍中曾公亮行門下侍郎兼吏部尚書進封英國公文彥博行尚書左僕射檢校司徒兼中書令富弼改武寧軍節度使進封鄭國公曹佺改昭慶軍節度使檢校太傅張昇改河陽二城節度使宗諤同中書門下平章事改集慶軍節度使檢校尚書左僕射歐陽脩

趙槩並加尚書左丞仍叅知政事陳升之爲戶部侍郎呂公弼爲刑部侍郎允弼允良並加守太保弟東陽郡王顥進封昌王郡國公頽進封樂安郡王群臣進秩有差二月乙酉初御紫宸殿立向氏爲皇后丁亥召入內侍省皇城司合覆奏事並執條覆奏戊子進封交趾郡王李日尊爲南平王加邈川首領董璫檢校太保詔山陵所須應委三司轉運司計置毋輒擾民詔提舉醫官院試堪診御脉者六人庚寅以四月十日爲同天節辛卯白虹貫日壬辰詔公主下嫁者行見舅姑禮甲辰西蕃首領拽羅鉢鳩令結二

人誘蕃部三百餘帳投夏國捕獲斬之以徇三月壬子曹佺加檢校太尉兼侍中賜禮部進士及第出身四百六十一人甲寅陝西宣撫使郭達討蕃部党令征等平之賜昌王顥公使錢歲萬緡半給之丙辰昌王顥樂安郡王顥乞解官行服不許癸亥詔入內侍省官已經壽聖節任子者同天節權罷奏薦壬申歐陽脩知亳州癸酉吳奎參知政事罷之亥允良薨閏月癸未太白晝見甲申夏國主諒祚遣使謝罪辛卯詔齊密登華加擢鄜絳潤婺海宿饒歙吉建汀潮等十八州知州慶渭秦延四州通判其選並從中書嘉靖丙辰年

毋以恩例奏授乙未張昇以太子太師致仕庚子詔  
求直言御史中丞王陶乞許舉知縣資序人為御史  
裏行從之癸卯王安石出知江寧府甲辰詔諸路帥  
臣及副總管或有移易依慶曆故事乙巳詔以孟夏  
農勞之時令監司戒飭州縣省事勸民力田民有艱  
食者振之夏四月庚戌請大行皇帝謚于南郊辛酉  
詔內外所上封事令張方平司馬光詳定以聞丙寅  
錄囚御史中丞王陶侍御史吳申呂景以過毀大臣  
陶出陳州申景各罰銅二十斤吳奎罷知青州遣使  
循行陝西河北京東京西路體量安撫壬申奎復位

罷州郡歲貢飲食果藥癸酉詔陝西河東經畧轉運  
司察主兵臣僚怯懦老病者以聞五月辛巳以久旱  
命宰臣禱雨乙巳寶文閣成置學士直學待制官六  
月巳酉遼遣蕭餘慶等來弔癸巳未振河北流民辛  
未詔天下官吏有能知徭役利病可議寬減者以聞  
乙亥詔中書樞密細務歸之有司秋七月庚辰詔察  
富民與妃嬪家昏因畜緣得官者甲申石蕃來貢巳  
丑命尚書戶部郎中趙抃刑部郎中陳薦同詳定中  
外封事辛卯告英宗憲文肅武宣孝皇帝謚于天地  
宗廟社稷壬辰上寶冊于福寧殿丙午文州曲水縣



厚陵

令宇文之邵上書指陳得失八月丁未朔太白晝見  
戊午復西夏和市已巳京師地震癸酉葬英宗于永  
厚陵九月丁丑詔減諸路逃田稅額壬午桃僖祖及  
文懿皇后乙酉祔英宗神主于大廟樂曰大英之舞  
戊子減兩京畿內鄭孟州囚罪一等民役山陵者蠲  
其賦辛卯徙封顥為岐王頌為高密郡王富弼為尚  
書左僕射遣孫慤恭等報謝于遼且賀生辰正旦壬  
辰錄周世宗從曾孫貽廓為三班奉職甲午遼遣耶  
律好謀等來賀即位戊戌以王安石為翰林學士辛  
丑韓琦罷為司徒鎮安武勝軍節度使判相州吳奎

陳升之罷樞密副使呂公弼為樞密使張方平趙抃  
並參知政事邵亢為樞密副使壬寅以曾公亮為尚  
書左僕射文彥博為司空潮州地震癸卯以權御史  
中丞司馬光為翰林學士冬十月丙午漳泉諸州地  
震丁未富弼罷判河陽戊申建州邵武興化軍地震  
己酉初御通英閣召侍臣講讀經史以右諫議大夫  
權御史中丞張洵考諸路監司課績張方平以父憂  
去位庚戌給陝西轉運司度牒令權發振霜旱州  
縣癸丑以翰林學士權文忠為侍御史知雜事舉材  
選御史各二人詔將作監主簿常安等計開甲寅製

資治通鑑序賜司馬光受西知言潤城神考復綏州  
十一月丁丑詔近臣各舉才行可任使者一人戊寅  
詔求直言丙戌詔二府各舉所知丁亥命考課院詳  
定諸州所上縣令治狀戊子分命宰臣祈雪置馬監  
于河東文城縣庚寅詔近臣以舉官不當經三劾者  
中言別舉取旨乙未詔令内外文武官各舉有功德  
行能者十二月丙辰西南龍蕃來貢辛酉以粟歲日  
食正日自乙丑避殿減膳罷朝賀壬戌詔是日增  
轉對官二人丙寅詔州縣吏並緣為姦致獄多瘦死  
歲終會死者多寡以制其罪著為令己巳遷遣蕭傑

等來賀正旦

熙寧元年春正月甲戌朔日有食之詔改元丁丑以  
早減天下囚罪一等杖以下釋之壬午令州縣擯暴  
骸丁亥命宰臣曾公亮等極言關失廢竇御殿復膳  
壬辰幸寺觀祈雨丙申增築羅知徐州三司使唐介  
參知政事丁酉詔修英宗實錄壬寅增太學生百人  
二月辛亥令諸路每季上雨雪乙卯孔若蒙襲封衍  
聖公壬戌貸河東饑民粟三月庚寅夏三詔梓卒遣  
使來告哀丙戌詔恤刑戊子作太皇太后慶壽宮皇  
太后寶慈宮丁酉簡州公連理潭州兩元夏四月乙

已詔翰林學士三失不越次入對。庚申命宰相權雨  
以樞密直學士李參為尚書右丞判西京留守司御  
史臺事。亥同天節群臣及遠使初上壽于紫宸殿。五  
月甲戌募饑民補廩軍。庚辰詔兩制及國子監舉諸  
王官學官。戊戌慶成軍。六月癸卯錄唐魏徵狄仁  
傑後丁未占城來貢。辛亥詔諸路興水利。乙亥河決  
棗德縣丙寅命司馬光滕甫裁定國用。秋七月癸酉  
詔謀殺已傷案問欲舉自首者從謀殺減二等。乙亥  
名秦州新築大甘谷口。若曰甘谷城。丁丑詔諸路帥  
臣監司及兩制知雜御史已上各舉武勇謀畧三班

使臣二名賜布帛。王安石國進士及第。已卯群臣三表  
請上奉元憲道文武仁孝之號。不許。陳升之知樞密  
院事。給濮州雷澤縣堯陵守戶。壬午以恩冀州河決  
賜水死家緡錢。及下戶粟。甲申京師地震。乙酉又震。  
大雨辛卯以河朔地大震。命沿邊安撫司及推州刺  
史候遼人動息。以聞。賜壓死者緡錢。京師地再震。壬  
辰遣御史中丞滕甫知制誥吳充安撫河北。癸巳疏  
深州溢水。甲午減河北路囚罪一等。丁酉賜河北安  
撫司空名誥。募民入粟。已亥回鶻來貢。八月壬寅  
詔京東西路存恤河北流民。京師地震。甲辰又震。乙  
嘉靖丙辰年

卯賜河東及鄜延路轉運司空名誥敕募民入粟實邊甲子詔中書門下考屬近行尊者一人王之丙寅罷宗諤平章事丁卯遣張宗益等賀遼主生辰正旦九月辛未太祖曾孫舒國公從式進封安定郡王丁亥減后妃臣僚薦奏推恩戊子莫州地震有聲如雷丁酉詔三司裁定宗室月料嫁娶生日郊禮給賜冬十月辛丑給天下繫囚衣食薪炭乙卯出奉宸庫珠付河北買馬戊辰禁銷金服飾十一月癸酉太白晝見癸未命宰臣禱雪丙戌朝饗太廟遂齋于郊宮廢青城後苑丁亥祀天地于圜丘大赦群臣進秩有差

乙未京師及莫州地震十二月己亥朔命宰臣禱雪癸卯瀛州地大震庚戌賜夏國主秉常詔許納塞門安遠二砦歸其綏州辛亥錄唐段秀實後癸丑禱雪于郊廟社稷庚申以判汝州富弼為集禧觀使詔乘驛赴闕壬戌雪甲子遼遣耶律公質等來賀正旦

二年春正月甲午奉安英宗神御于景靈宮英德殿二月己亥以富弼同中書門下平章事庚子以王安石叅知政事命翰林學士呂公著修英宗實錄乙巳帝以災變避正殿減膳徹樂甲子陳升之王安石創置三司條例議行新法三月乙酉詔漕運鹽鐵等官各

具財用利害以聞丙戌命宰臣禱雨戊子秉常上誓  
表納塞門安遠二砦乞緩州詔許之乙未以旱慮囚  
四月丁酉朔群臣再上尊號不許戊戌省内外土木  
工壬寅遼遣耶律昌等來賀同天節丁未唐介薨臨  
其喪戊申宰臣富弼曾公亮以早上表待罪詔不允  
癸丑命曾公亮為西京奉安仁宗英宗御容禮儀使  
丁巳遣使諸路察農田水利賦役戊午外任大使臣  
年七十以上令監司體量直除致仕者更不與子孫  
推恩甲子御殿復膳免河北歸業流民夏稅五月辛  
未宴紫宸殿初用樂已卯賜河北役兵特支錢癸未

翰林學士鄭獬罷知杭州宣徽北院使王拱辰罷判  
應天府知制誥錢公輔罷知江寧府丁亥奉安仁宗  
英宗御容于會聖宮及應天院甲午減西京囚罪一  
等台州民延贊等九人年各百歲以上並授本州助  
教六月丁巳右諫議大夫御史中丞呂誨以論王安  
石罷知鄧州以翰林學士呂公著為御史中丞命龍  
圖閣直學士張揆兼編排錄用勲臣子孫壬戌太白  
晝見秋七月乙丑朔日當食雲陰不見庚午詔御史  
中丞舉推直官及可無權御史者甲戌東平郡王允  
弼薨辛巳立淮浙江湖六路均輸法壬午振恤被水

州軍仍蠲竹木稅及酒課癸未詔自今文臣換右職者須實有謀勇曾著績効即得取旨甲申日下有五色雲巳丑韓琦上仁宗實錄曾公亮上英宗實錄八月癸卯侍御史劉琦貶監處州鹽酒務御史裏行錢顛貶監衢州鹽稅亦以論安石故乙巳殿中侍御史孫昌齡以論新法貶通判蘄州丙午同脩起居注范純仁以言事多忤安石罷同知諫院戊申河徙東行夏國請從舊蕃儀詔許之巳酉范純仁知河中府甲寅朝神御殿辛酉以祕書省著作佐郎程顥王子韶並為太子中允權監察御史裏行壬戌侍御史知雜

事劉述同判刑部丁諷坐受刑名救不即下述貶知江州諷貶通判復州審刑院詳議官王師元坐言許遵所議刑名不當貶監安州稅九月甲子朔交州來貢乙丑以古勿峒効順首領儂智會為右千牛衛大將軍丁卯立常平給欵法戊辰出內庫緡錢百萬糴河北常平粟丁丑遣孫固等賀遼主生辰正旦辛卯廢奉慈廟壬辰以祕書省著作佐郎呂惠卿為太子中允崇政殿說書冬十月丙申富弼罷為武寧軍節度使判亳州曾公亮陳升之並同中書門下平章事城綏州命郭逵選將置守具逵遣趙卨夏人所納

安遠塞門二砦就定地界夏人渝初盟高請城綏州不以易二砦因改名綏德城戊戌以蕃官禮賓使折繼世為忠州刺使左監門衛將軍嵬名山為供備庫使仍賜姓名趙懷順丙辰詔御史請對並許直由閣門上殿戊午宗諤復平章事己未夏人來謝封冊辛酉錄楊承信曾孫立田重進曾孫章為三班借職十一月乙丑命韓絳制置三司條例甲戌詔祖宗之後世襲補外官非袒免親罷賜名授官丙子罷諸路提刑武臣須農田水利約束壬午御廂英閣聽講賜汴口役兵錢己丑減天下囚罪一等徒以下釋之閏月

庚子濬御河壬子置交子務是月差官提舉諸路常平廣惠倉兼管勾農田水利差役事十二月癸亥朔復減后妃公主及臣僚推恩癸酉增失入死罪法丙戌增三京留司御史臺國子監及宮觀官以處卿監監司知州之老者戊子遼遣蕭惟禧來賀正且是歲交州來貢

本紀卷第十四

嘉靖丙辰年

宋史卷一百一十四

十一

監生蔣承恩刊

本紀卷第十五

宋史十五

開府儀同三司柱國錄軍國重事前中書右丞相修國史領經筵事都總裁臣脫等奉  
勅修

神宗二

三年春正月癸丑錄唐李氏周柴氏後乙卯詔諸路  
散青苗錢禁抑配戊午判尚書省張方平罷知陳州  
二月壬申以翰林學士司馬光為樞密副使凡九辭  
詔收還敕誥甲戌以河州刺史賧欺丁未征為金紫  
光祿大夫檢校刑部尚書乙酉韓琦罷河北安撫使  
為大名府路安撫使三月丙申孫覺呂公著張戢程



顯李常上疏極言新法不聽已亥始策進士罷詩賦  
論三題戊申李常言青苗歛散不實有旨具析翰林  
學士無知通進銀臺司范鎮封還詔書以為不當坐  
罷職守本官壬子賜禮部奏名進士明經及弟八百  
二十九人乙卯詔諸路毋有留獄丙辰立試刑法及  
詳刑官右正言孫覺以奉詔反覆貶知廣德軍夏四  
月癸亥幸金明池觀水嬉宴射瓊林苑丙寅遼遣耶  
律寬來賀同天節丁卯給兩浙轉運司度僧牒募民  
入粟戊辰御史中丞呂公著貶知潁州己卯趙抃罷  
知杭州以韓絳參知政事監察御史裏行程顥罷為

京西路同提點刑獄壬午右正言李常貶通判滑州  
監察御史裏行張戢貶知公安縣壬子詔貶知上元  
縣癸未侍御史知雜事陳襄罷為同修起居注程顥  
簽書簽寧軍節度判官公事前秀州軍事判官李定  
為太子中允監察御史裏行五月癸巳詔並遣州郡  
毋給青苗錢太白書見三寶詔以司馬光詳定轉對  
封事申衣詔罷制置三司條例歸中書辛亥賜進士  
蘇丕號安退處士壬子罷入閣儀丁巳詔以書院  
為東院別置西院六月癸酉日有五色雲丁丑封宗  
室恭儉恭親燕陳越七王後為公茂實詔修武成三

廟丙戌知諫院胡宗愈貶通判真州秋七月辛卯歐陽脩徙知蔡州三月辰呂公弼罷樞密使以知太原府馮京為樞密副使置潞州交子務戊戌兩電癸丑詳定宗室襲封制庚申實置三班院主簿八月戊午罷看詳銀臺司文字丙寅以旱慮囚死罪以下連減一等夜營者釋之以衛州旱令轉運司振恤仍蠲租賦戊寅詔川峽福建廣南七路官令轉運司立格就津具為令遣張景憲等實邊壬辰正旦已知夏人犯大順城知慶州李復圭以方略授環慶路鈐轄李信慶州東路都巡檢劉育監押種詠出戰兵少取敗

復圭誣信等違其節制斬信及劉育種詠死於獄是月慶州巡檢姚兕敗夏人於荔原堡鈐轄郭慶都監高敏死之九月戊子朔中書置檢正官乙未韓絳罷為陝西宣撫使己亥始試法官庚子曾公亮罷為司空兼侍中河陽三城節度使辛丑以馮京參知政事翰林學士吳克為樞密副使乙巳親策賢良方正及武舉壬子太白晝見癸丑作東西府以居執政司馬光罷知永興軍詔環慶陣亡義勇餘丁當刺者悉免之冬十月辛酉詔延州毋納夏使甲子兩木冰壬申朝謁神御殿丙子知慶州李復圭擅興兵敗績誣裨

將李信劉甫种詠以死御史劾之貶保靜軍節度副  
 使戊寅陳升之以母憂去位乙酉詔罷諸塲務內侍  
 監當十一月戊子振河北饑民徙京西者已丑官節  
 行之士二十一人壬辰蠲陝西蕃部貸糧癸卯授布  
 衣王存下班殿侍三班差使宣撫司指揮使甲辰夏  
 人寇大順城都監燕達等擊走之庚戌詔升朝官除  
 南郊赦封贈父母外不得以加恩轉官乙卯以韓絳  
 兼河東宣撫使梓州路轉運使韓琦等以能興利除  
 害賜帛有差十二月己未詔立諸路更戌法舊以他  
 路兵雜戌者遣還乙丑立保甲法丁卯以韓絳王安

趙普

石並同中書門下平章事王珪參知政事賜布衣陳  
 知彥進士出身知縣王輔同進士出身庚午夏人寇  
 鎮戎軍三川砦巡檢趙普伏兵邀擊敗之丁丑增廣  
 南攝官奉戊寅初行免役法賜西蕃董璘詔并衣帶  
 鞍馬庚辰命王安石提舉編修三司令式壬午遼遣  
 蕭遵道等來賀正旦癸未命宋敏求詳定命官使臣  
 過犯是歲振河北陝西旱饑除民租交趾入貢廣源  
 下溪州蠻來附

四年春正月丁亥朔不視朝己丑种諤襲夏兵于羅  
 兀北大敗之遂城囉兀自是夏人日聚兵為報復計

言者以諤為稔邊患不便壬辰王安石請鬻天下廣  
惠倉田為三路及京東常平倉本從之乙未渝州夷  
賊李光吉叛巡檢李宗閔等戰死命夔州路轉運使  
孫構討平之詔詳定大辟覆讞法丁酉朝謁太祖太  
宗神御殿庚子幸集禧觀宴從臣又幸大相國寺御  
宣德門觀燈韓絳等言种諤領兵入西界斬獲甚衆  
詔遣使撫問乙巳停括牧地丁未立京東河北賊盜  
重法庚戌罷永興軍買鹽鈔場甲寅定文德殿朔望  
視朝儀二月丁巳朔罷詩賦及明經諸科以經義論  
策試進士置京東西陝西河東河北路學官使之教

道辛酉詔治吏沮青苗法者戊辰詔振河北民乏食  
者賻恤西界戰死軍人庚午于闐國來貢壬申進封  
高密郡王頽為嘉王癸酉詔審宮院所定人赴中書  
察堪任者引見甲戌賜討渝州夷賊兵特支錢丁丑  
禱雨詔增漳河等役兵三月丁亥夏人陷撫寧堡戊  
子慶州廣銳卒叛尋討平之庚寅詔給諸路學田增  
教官員辛卯遣使察奉行新法不職者癸卯減河東  
陝西路囚罪一等徒以下釋之民緣軍事科役者蠲  
其租賦丙午种諤坐陷撫寧保責授汝州團練使潭  
州安置丁未韓絳坐與師敗劾罷以本官知鄧州辛

亥錄唐李氏後夏四月丙辰朔恤刑辛酉遼遣蕭廣  
等來賀同天節壬戌遣環慶都鈐轄拜贊以兵屯邠  
涇河中以備西夏癸亥罷陝西交子法癸酉司馬光  
權判西京留臺种諤再貶賀州別駕甲戌詔司農寺  
月進諸路所上雨雪狀丙子遣使按視宿亳等州災傷  
仍令修飭武備壬午定進士考轉官五月甲午右諫  
議大夫呂晦卒壬寅詔許富弼養疾西京丙午高麗  
國來貢辛亥詔宗室率府副率以上遭父母喪及嫡  
孫承重並解官行服壬子詔恩冀等州災傷遣使振  
恤蠲其稅六月丁巳河北饑民為盜者減死刺配庚

申群臣三上尊號曰紹天法古文武仁孝皇帝不許  
甲子歐陽修以太子少師致仕丙寅慮囚甲戌富弼  
坐格青苗法徙判汝州秋七月戊子層檀國來貢甲  
午振恤兩浙水災乙未錄死事將校崔達子遇為三  
班奉職丁酉監察御史裏行劉摯罷監衡州鹽倉御  
史中丞楊繪貶知鄭州庚子詔宗室不得祀祖宗神  
御丁未詔唐鄧給流民田八月癸丑朔高麗來貢遣  
官體量陝西差役新法及民間利害甲寅詔郡縣保  
甲與賊鬪死傷者給錢有差庚申復春秋三傳明經  
取士癸酉遣楚建中等賀遼主生辰正日置洮河安

嘉靖丙辰年

撫司命王韶主之九月丙戌河決鄆州辛卯大饗明  
 堂以英宗配赦天下內外官進秩有差庚子夏人入  
 貢癸卯增選人奉冬十月壬子朔罷差役法使民出  
 錢募役立選人及任子出官試法丙辰置樞密院檢  
 詳官戊辰立太學生內外上舍法丙子詔罪人配流  
 遇冬者至中春乃遣十一月壬午朔詔凡賞功罰罪  
 事可懲勸者月頒之天下甲申詔蠲逋租丁亥作中  
 太一宮壬寅開洪澤河達于淮十二月辛亥朔詔增  
 賜國子監錢四千緡戊午歸夏俘已未安定郡王從  
 式薨甲子封越國公世清為會稽郡王丙寅省諸路

廟軍乙亥崇義公樂詠致仕子若訥襲封丙子遷  
 還耶律紀等來賀正旦

罪謗

五年春正月己丑詔聽降羌歸國己亥詔太廟時饗  
 以宗室使相已上攝事置京城邏卒察謗議時政者  
 收罪之二月壬子龜茲來貢以兩浙水賜穀十萬石  
 振之仍募民興水利壬戌詔罷陝西通運銅錫祭亥  
 太白晝見丙寅以知鄭州己公弼為言徽南院使判  
 秦州龍圖閣直學士蒸棧為樞密副使三月甲午李  
 旦尊平言乾德嗣遣使弔贈戊戌言弼以司空致仕  
 進封韓國公立文武換官法丙午以內藏庫錢置市

易務夏四月庚戌朔立殿前馬步軍二番教試殿最  
 法乙卯遷還耶律適等來賀同天節己未括閑田置  
 弓箭寺辛未塞其京缺河五月辛巳詔以古渭岩為  
 安遠軍命三詔無知軍行殺關崇宗室并袒免親者  
 許應舉庚寅以青唐大首領俞龍珂為西頭供奉官  
 賜姓名包順立辰以趙尚寬等前守唐州辟田疏水  
 有功增秩以勸天下丙午太白晝見行保馬法六月  
 壬子曾公亮以太傅致仕癸亥詔以四場試進士丙  
 寅作京城門銅魚符乙亥置武學秋七月壬寅初以  
 文臣兼樞密都承旨閏月庚戌遣中書檢正官童博

五代史

察訪荆湖北路詔入內供奉官以下已有養子者  
 次子為內侍者勅八月甲申太子少師致仕歐陽修  
 薨秦鳳路沿邊安撫王龍復武勝軍丁亥詔求歐陽  
 修所撰五代史壬辰以武勝軍為鎮洮軍癸巳遣崔  
 台符等賀遷主生長正旦乙未詔侍從及諸路監司  
 各舉有才行者一人甲辰王詔破水征于鞏令城頌  
 六甲均稅法九月癸丑許宗室試換文資癸亥始御  
 便殿考校諸軍武技丙寅少華山崩詔壓死者賜錢  
 貧者官為築營淮南分東西路冬十月戊戌升鎮洮  
 軍為鎮州鎮洮軍節度置廐河路城秦鳳四罪一等

十一月癸丑河州首領暗藥等來降以為內殿崇奉  
賜姓名包約丁卯其權監御史兼行張英監判南  
務王中分陝西為永興秦鳳路仍置六路經略司章  
惇開梅山置定州縣十一月丙子赦三命荆湖溪洞  
者丁丑詔本原置弓箭手成實詔守親奉聖祖及祖  
宗陵寢神御者免行錢改溫成廟為祠三年陳升之  
為樞密使癸未丙午乙未築熙州南之關及諸堡巖  
已亥遷遣蕭翰等來賀正旦  
六年春正月辛亥復禧祖為太廟始祖以配感生帝  
祧順祖于太廟三月辛卯夏人寇秦州都巡檢使劉

惟吉敗之丙申永昌陵上宮東門火王韶復河州獲  
木征妻子壬寅以韓絳知大名府三月己酉詔贈龐  
河死事將田瓊禮賓使錄其子三人孫一人庚戌親  
策進士置經局命王安石提舉辛亥試明經諸科丙  
辰以四月朔日當食自丁巳避殿減膳降天下囚罪  
一等流以下釋之己未置諸路學官壬戌賜奏名進  
士諸科及第出身五百九十六人甲子交州來貢丁  
卯宰相上表諸復膳不許詔進士諸科並試明法注  
官戊辰置刑獄檢法官庚午封李日尊子乾德為交  
趾郡王夏四月甲戌朔日食不見乙亥御殿復膳西



南龍蕃諸夷來貢置律學丁丑遼遣耶律寧等來賀  
 同天節甲午定齊徐等州保甲戊戌裁定在京吏祿  
 五月癸卯朔播州楊貴遷遣子光震來貢以光震為  
 三班奉職戊申禱雨乙丑詔京東路察士人有行義  
 者以聞遣中書檢正官熊本楷置瀘夷西京左藏庫  
 副使景思忠等攻燒遂州夷固戰歿錄其子昌符等  
 七人軍士死者賜其家錢帛有差辛未西南龍蕃來  
 貢六月己亥置軍器監秋七月乙巳詔京西淮南兩浙  
 江西荆湖等六路各置鑄錢監丙午大食陀婆離來  
 貢己酉禱雨甲寅錄在京囚死罪以下降一等杖罪

支

釋之丁巳詔沿邊吏殺熟戶以邀賞者戮之乙丑分  
 河北為東西路丙寅夜西北有聲如礮八月壬申朔  
 遣賈昌衡等賀僚主生辰正旦甲申罷簡州歲貢綿  
 紬甲午賜熙河涇原軍士特交錢戊戌復比閭族黨  
 之法九月壬寅置兩浙和糴倉立歛散法戊申詔興  
 水利辛亥策武舉戊午岷州首領本合征以其城降  
 王韶入岷州丙寅太白犯斗戊辰詔禱雨決獄冬十  
 月辛未章惇平懿洽州蠻辛巳以復熙河洮岷疊宕  
 等州御紫宸殿受羣臣賀解用服玉帶賜安石甲申  
 朝獻景靈宮丙戌振兩浙江淮饑壬辰行拆二錢丁

酉遣使瘞熙河戰骨十一月癸丑中太一宮成減天下囚罪一等流以下釋之乙卯親祀太一宮丙寅大雪詔京畿收養老弱凍餒者十二月戊子詔決開封府囚丙申遼遣耶律洞等來賀正旦

七年春正月辛亥賞復岷洮等州功西京左藏庫使桑湜等遷官有差壬子幸中太一宮宴從臣又幸大相國寺御宣德門觀燈乙卯封皇子俊為永國公甲子熊本平瀘夷二月辛未于闐來貢發常平米振河陽饑民癸未詔三司歲會天下財用出入之數以聞巳丑禱雨辛卯置客省引進四方館閣門使副等員

乙未知河州景思立等與青宜結鬼童戰于踏白城敗死廢遼州三月壬寅本征鬼童寇岷州高遵裕遣包順等擊走之慮囚減死罪一等杖以下釋之癸卯以旱避殿減膳乙巳白虹貫日丙午遣使分行諸路募武士赴熙河庚戌詔熙河死事者家給錢有差罷兩浙增額預置紬絹令諸路監司察留獄癸丑群臣表請復膳不許丙辰遼遣林牙蕭禧來言河東疆界命太常少卿劉忱議之巳未行方田法甲子遣使報聘于遼乙丑詔以災異求直言夏四月癸酉以旱罷方田是日雨遼遣耶律永寧等來賀同天節乙亥王

韶破西蕃於結河川丙子御殿復膳己卯以高遵裕為岷州團練使甲申詔邊兵死事無子孫者廩其親屬終身乙酉王韶進築珂諾城與蕃兵連戰破之斬首七千餘級焚三萬餘帳木征率酋長八十餘人詣軍門降雨雹丙戌王安石罷知江寧府以韓絳同中書門下平章事監修國史翰林學士呂惠卿參知政事置沅州丁酉詔王韶發本征及其家赴闕遼遣樞密副使蕭素議疆界于代州境上五月戊戌朔減熙河路囚罪一等流以下釋之辛丑詔河州瘞蕃部暴骸壬寅雨雹癸卯大雨雹辛亥罷賢良方正等科乙

丑大雨水壤陝平陸二縣六月戊寅賜討洮州將士特支錢丁亥作渾儀浮漏廣州鳳凰見以木征為榮州團練使賜姓名趙思忠秋七月癸卯群臣五上尊號曰紹天憲古文武仁孝皇帝不許癸亥詔河北兩路捕蝗又詔開封淮南提點提舉司檢覆蝗旱以米十五萬石振河北西路災傷八月丁丑賜環慶安撫司度僧牒以募粟振漢蕃饑民遣張芻等賀遼主生辰正旦辛卯詔免淮南開封府來年春夫除放邢洛等州秋稅癸巳置塲於南薰安上門給流民米集賢院學士宋敏求上編修閣門儀制九月戊戌以時雨

降詔河北京西陝西淮南等路勸民趨耕有因事拘繫者釋之壬子三司火癸丑置京畿河北京東西路三十七將甲寅詔樞密院議邊防冬十月壬申詔韓琦富弼文彥博曾公亮條代北事宜以聞戊寅詔浙西路提舉司出米振常潤州饑庚辰置三司會計司以韓絳提舉辛巳以河北災傷減州軍文武官員癸巳以常平米於淮南西路易饑民所掘蝗種又振河北東路流民十一月巳未祀天地于圜年赦天下十二月丙寅省熙河岷三州官百四十一員丁卯文武官加恩巳丑遼遣耶律寧等來賀正且是歲高麗入

貢清井長寧夷十郡及武都夷內附

八年春正月庚子蔡挺罷判南京留司御史臺馮京罷知亳州丙午分京東為東西路輟江南東路上供米均給災傷州軍丁未御宣德門觀燈乙卯詔出使廷臣所至采吏治能否以聞丙午米戊午詔所在流民願歸業者州縣齎遣之巳未洮西安撫司以歲旱請為粥以食羸戶饑者二月甲子增陝西錢監改鑄大錢癸酉以王安石同中書門下平章事戊寅詔樞密副都承旨張誠一等以李靖營陣法教殿前馬步軍乙酉初行河北戶馬法丙戌停京畿土功七年三

月丁酉振潤州饑戍戍知河州鮮于師中乞置蕃學  
教蕃酋子弟賜田十頃歲給錢千緡增解進士二人  
從之庚子遼蕭禧再來遣韓縝往河東會議癸丑知  
制誥沈括報聘復振常潤饑民戊午太白晝見夏四  
月乙丑詔減將作監冗官丁卯遼遣耶律景熙等來  
賀同天節乙亥正僖祖禘祫東嚮位戊寅以吳充為  
樞密使壬午湖南江水溢閏月乙未陳升之罷為鎮  
江軍節度使判揚州廣源州劉紀寇邕州歸化州儂  
智會敗之壬寅沈括上奉元曆癸卯以宣徽北院使  
張方平判永興軍分秦鳳路兵為四將壬子沂州民

朱唐告前餘姚縣主簿李逢謀反辭連右羽林大將  
軍世居及河中府觀察推官徐革命御史中丞鄧綰  
知諫院范百祿御史徐禧雜治之獄具世居賜死逢  
革等伏誅甲寅錄趙普後乙卯詔西南蕃五姓蠻五  
年一入貢五月辛酉朔慮囚降死罪一等杖以下釋  
之甲子分環慶兵為四將丁丑兩上及黃毛甲申熙  
河路蕃官殿直頊埋謀叛伏誅己丑遣使振鄜延環  
慶饑六月乙未日上有五色雲丙午醜汴水入蔡河  
以通漕己酉頒王安石詩書周禮義于學官辛亥以  
安石為尚書左僕射兼門下侍郎戊午太師魏國公

韓琦薨己未以琦配饗英宗廟庭秋七月甲子處州  
江水溢戊寅太白晝見戊子分涇原兵為五將命韓  
縝如河東割地八月庚寅朔日當食雲陰不見癸巳  
募民捕蝗易粟苗損者償之仍復其賦丙申遣謝景  
溫等賀遼主生辰正旦減官戶役錢之半詔發運司  
體實淮南江東兩浙米賈州縣所存上供米毋過百  
萬石減直予民斗錢勿過八十庚戌韓絳罷發河北  
京東兵及監牧卒修都城丁巳大閱九月庚申朔王  
安石兼修國史立武舉絕倫法冬十月庚寅呂惠卿  
罷知陳州乙未彗出軫己亥詔以災異數見不御前

殿減常膳求直言壬寅赦天下罷手實法丁未彗不  
見丙辰御殿復膳十一月戊寅交趾陷欽州壬午立  
陝西蕃丁法甲申交趾陷廉州丙戌渝州改南平軍  
十二月丙申濬河壬寅以翰林學士元絳參知政事  
龍圖閣直學士曾孝寬簽書樞密院事辛亥天章閣  
待制趙高為安南道招討使嘉州防禦使李憲副之  
以討交趾癸丑遼遣耶律世通等來賀正旦甲寅熙  
河路木宗域首領結彪謀叛熟羌日脚族青厮扒斬  
其首來獻補下班殿侍

九年春正月乙丑雨木冰戊辰交趾陷邕州知州蘇

緘死之已卯下溪州刺史彭師晏及天賜州降庚辰  
遣使祭南嶽南海告以南伐辛巳贈蘇緘奉國軍節  
度使謚忠勇以其子子元為西頭供奉官閣門祇候  
月戊子宣徽南院使郭逵為安南道招討使罷李憲  
以趙高副之詔占城占臘合擊交趾巳丑宗哥首領  
鬼章寇五年谷蕃官蘭羶訥支等邀擊大破之巳亥  
以出師罷春宴乙卯雨雹三月丙辰朔進仁宗婉容  
周氏為賢妃辛酉御集英殿策進士恤欽廉邕三州  
死事家產戰亡士賊所蹂踐除其田征甲戌賜進士  
諸科及第出身五百九十六人丁丑以廣西進士徐

伯祥為右侍禁欽廉白州巡檢宗哥首領鬼章寇五  
年谷熙河鈐轄韓存寶敗之庚辰以种諤知岷州夏  
四月辛卯遼遣耶律庶幾等來賀同天節乙未以遼  
主毋喪罷同天節上壽戊戌復廣濟河漕癸卯詔廣  
南亡沒士卒及百姓為賊殘破者轉運安撫司具實  
并議振恤以聞甲辰給空名告身付安南以招降賞  
功詔諸路募武勇赴廣西贈廣西死事將士官有差  
丙午遣王克臣等弔慰于遼辛亥茂州夷寇邊遣內  
副押班王中正經制甲寅遼遣耶律孝淳以國母喪  
來告帝發哀成服輟視朝七日五月丙辰朔詔邕州

沿邊州峒首領來降者周惠之癸亥詔試醫學生丙寅分兩浙為東西路丁卯城茂州壬申詔安南諸軍過嶺有疾者所至護治丙子大理國來貢庚辰靜州下首領董整白等來降六月丁亥詔安南將吏視軍士有疾者月以數聞己丑綿州都監王慶崔昭用劉珪左侍禁張又援戰茂州死之詔慶等子與借職女出嫁夫與奉職白丁王禹錫等二人賜錢其家辛卯詔濱海富民得養蠶戶毋致為外夷所誘己亥慮囚降死罪一等杖以下釋之癸卯以水源等洞蠻主儂賀等七人為定遠寧遠將軍秋七月丙辰朱崖軍黎

賊黃嬰入寇詔廣南西路嚴兵備之庚申關以西蝗蝻蚃蚘生壬戌築下溪州改名會溪城癸亥靜州將楊文緒結蕃部謀叛王中正斬之以徇詔廣西死事官無子孫者許立後乙丑詔自今遇大禮推恩官昭憲太后族一人是月安南行營次桂州郭逵遣鈐轄和斌等督水軍涉海自廣東入諸軍自廣南入八月甲申朔齊州監務左班駁直孫紀死賊錄其一子為三班借職戊子以文彥博守太保兼侍中行太原尹己丑遣程師孟等賀遼主生辰正旦罷鬻祠廟錢丁酉禁北邊民闌出穀粟庚子占城來貢九月戊午濬嘉靖丙辰年



汴河丙寅詔罷都大制置河北河防水利司已卯遼遣使回謝詔恤嶺南死事家表將士墓冬十月乙酉太白晝見乙未詔東南諸路教閱新軍丙午王安石罷判江寧府以吳充監修國史王珪為集賢殿大學士並同中書門下平章事資政殿學士馮京知樞密院辛亥除放沅州歸明人戶去年倚閣秋稅十一月乙卯賜廣南東路空名告救募入錢助軍辛酉錄唐相魏徵後同州司士參軍道嚴流內銓特免試法官乙亥以安南行營將士疾疫遣同知太常禮院王存嚮南嶽遣中使建祈福道場已卯洮東安撫司言包

哲宗

順等破鬼章兵於多移谷壬午鬼章寇岷州知州种諤等敗之鐵城十二月丙戌安南偽觀察使劉紀降置司農丞庚寅子傭生丁酉詔岷州界經鬼章兵燹者賜錢脅從來歸者釋其罪癸卯郭遠敗交趾於富良江獲其偽太子洪真李乾德遣人奉表詣軍門降遠遂班師丁未遼遣耶律迪等來賀正旦庚戌詔有得鬼章冷鷄朴首者賞之置威戎軍十年春正月乙丑御宣德門觀燈戊辰仙韶院火不視朝已巳白虹貫日二月甲申以崇信軍節度使宗旦同中書門下平章事戊子以鬼章敗种諤等賞官

有差辛卯日中有黑子甲午詔宗室使相雖及十年  
更不取旨磨勘丁酉詔諸州歲以十一月給老疾貧  
乏者粟盡三月乃止己亥以王韶知洪州丙午以復  
廣源蘇茂等州群臣表賀赦廣州囚罪一等徒以下  
釋之賜行營諸軍錢民緣征役者恤其家以廣源州  
為順州赦李乾德罪以郭逵判潭州趙高知桂州已  
酉以交阯降赦廣南東路荆湖南路繫囚餘各降一  
等徒以下釋之三月辛未慮囚降死罪一等杖以下  
釋之壬申詔州縣捕蝗夏四月辛巳復置憲州乙酉  
遼遣蕭儀等來賀同天節癸巳文州蕃賊寇邊州兵

擊走之丁酉賜熙河路兵特支錢戰死者賜帛免夏  
秋稅五月戊午詔修仁宗英宗史甲戌太白晝見六  
月壬午注輦國朝貢癸巳王安石以使相為集禧觀  
使丁未置岷州鐵城堡秋七月甲寅禱雨丁巳令諸  
路歲上縣令課績辛酉群臣五上尊號曰奉天憲古  
文武仁孝皇帝不許乙亥郭逵以安南失律貶為左  
衛將軍丙子河決澶州曹村埽八月壬寅詔潭州置  
將及增武臣一員遣蘇頌等賀遼主生辰正旦甲辰  
詔侍從臺諫監司各舉文臣有才行者一人九月庚  
戌詔河決害民田所屬州縣疏濬仍蠲其稅老幼疾

病者振之乙卯詔諸傳宣內批面諭事無法守並從  
中書樞密覆奏其祈恩澤規免罪者劾之辛酉詔鎮  
戎德順軍各置都監一員癸酉立義倉甲戌宗樸兼  
侍中封濮陽郡王冬十月戊寅朔宗樸薨癸巳昭化  
軍節度使宗誼封濮國公詔濮王子以次襲封奉祀  
戊戌太子太師張昇卒十一月庚午以西蕃邈川首  
領董氈都首領青宜結鬼章為廓州刺史阿令骨為  
松州刺史甲戌祀天地于圜丘赦天下十二月丁丑  
朔占城國獻馴象壬午詔改明年為元豐甲申以郊  
祀文武官加恩丁亥封子傭為均國公辛丑遼遣耶

律孝淳等來賀正旦

元豐元年春正月乙卯以王安石為尚書左僕射舒  
國公集禧觀使戊午命詳定郊廟禮儀詔減陳留捧  
日天武等軍剩員庚申御宣德門召從臣觀燈乙丑  
以太皇太后疾驛召天下醫者閏月辛巳以翰林侍  
讀學士寶文閣學士提點中太一宮呂公著魚端明  
殿學士已丑詔贈尚書令韓琦依趙普故事壬辰樞  
密直學士孫固同知樞密院事己亥太傅兼侍中曾  
公亮薨庚子日中有黑子癸卯以公亮配饗英宗廟  
庭二月庚戌濮國公宗誼薨甲寅以邕州觀察使宗

暉為淮康軍節度使封濮國公戊辰詔赦安南戰掉  
都監楊從先等仍論功行賞三月辛巳慮囚降死罪  
一等杖以下釋之御邇英閣沈季長進講周禮八法  
癸未詔内外文武官各舉堪應武舉一人廣南西路  
經略司乞教閱峒丁從之乙未御崇政殿閱諸軍辰  
沈瑤賊寇邊州兵擊走之夏四月巳酉遼遣耶律永  
寧等來賀同天節丙辰詔增置兩浙路提舉官庚申  
詔除九經外餘書不得出界癸亥太白晝見乙丑封  
號國公宗諤為豫章郡王戊辰塞曹村決河名其埽  
曰靈平五月甲戌朔賜塞河役死家錢乙亥詔試中

刑法官以次推恩六月癸卯朔日有食之乙巳詔以  
靈平功遷太常博士苗師中等各一官秋七月癸酉  
朔命西上閤門使忠州團練使韓存寶經制瀘州納  
溪夷巳亥詔齊州預備水災辛丑夔州言甘露降八  
月癸卯西邊將訥兒温祿尊謀反伏誅丁未詔河北  
被水者蠲其租甲寅遣黃履等賀遼主生辰正旦戊  
午以韓絳為建雄軍節度使巳巳詔濱棣滄三州被  
水民以常平糧貸之庚午詔青齊淄三州給流民食  
九月癸酉交趾來貢癸未李乾德表乞還廣源等州  
詔不許乙酉以端明殿學士呂公著樞密直學士薛

向並同知樞密院事詔祀天地及配帝並用特牲是  
月武康軍嘉禾生河中府甘露降冬十月庚戌定秋  
試諸軍賞格侍禁件全死事錄其弟宣為三班借職  
辛亥韓存寶破瀘夷後城十有三圍癸亥于闐來貢  
十一月己丑命龍圖閣直學士宋敏求等詳定正旦  
御殿儀注癸巳辰州徭賊叛詔沅州兵討之己亥罷  
文武功臣號是月梁縣嘉禾生十二月丙午日中有  
黑子凡十二日辛亥錄囚降死罪一等杖以下釋之  
丙辰詔青州民王贊以復父讐免死刺配鄰州戊午  
置大理寺獄己未詔罷都大提舉在京諸司庫務司

甲子以婉儀邢氏為賢妃詔罷三司推勘公事官減  
軍器監勾當公事審官東院流內銓及將作監三班  
院主簿左右軍巡判官丙寅遼遣耶律隆等來賀正  
旦

二年春正月乙亥罷岢嵐火山軍市馬丙子詔立高  
麗交易法壬午以容州管內觀察使上柱國南陽郡  
開國公楊遂為寧遠軍節度使癸未詔知沅州謝麟  
督捕徭賊甲申御宣德門觀燈丁亥詔以經義論試  
宗室甲午京兆府學教授蔣夔乞以十哲從祀孔子  
從之詔辰州叙浦縣置龍潭堡是月潁州壽州甘露

降二月甲寅詔瘞漢州暴骸日中有黑子乙卯以瀘  
州夷乞第犯邊詔王光祖等討之丙辰詔定解鹽歲  
額乙丑滄州饑發倉粟振之三月庚午朔董璫遣使  
來貢辛未詔給地葬畿內寄館之喪無所歸者官瘞  
之庚辰親試禮部進士壬午試特奏名進士及武舉  
癸未試諸科明法賜董璫緡錢銀帛對衣金帶等物  
丙戌詔雒州兩輸戶南徙者諭令復業庚寅疏汴洛  
夏四月辛丑幸金明池觀水嬉宴射瓊林苑甲辰遼  
遣蕭晟等來賀同天節丁巳陳升之以檢校太尉依  
前同中書門下平章事鎮江軍節度使上柱國秀國

公致仕己未陳升之卒癸亥定正旦御殿儀甲子詔  
增審刑院詳議詳斷官罷刑部檢法官是月南康軍  
甘露降眉州生瑞竹五月丙子順州蠻叛峒兵討平  
之庚辰詔以濮安懿王三夫人並稱王夫人附濮園  
辛巳太子太師致仕趙鼎上所集諫林甲申元絳能  
知亳州乙酉詔安南軍死事孤寡廩給之戊子御史  
中丞蔡確參知政事六月甲辰廣西捕斬農智春執  
其妻子以獻戊申命蔡確參定編修傳法寶錄癸丑  
詔五路帥臣副總管軍臣僚各舉將領及大使臣  
者二人甲寅清汴成辛酉詔鎮寧軍節度使魏國公

雨臣

宗懿追封舒王是月南康軍甘露降忠州兩豆秋七月甲辰張方平以太子少師致仕戊寅詳定朝會儀已卯會中書句考四方詔獄庚辰以淮康軍節度使宗暉同中書門下平章事丁亥詳定郊廟禮儀是月陳州芝草生南賓縣兩豆瓊州甘露降八月丙申朔夏人寇綏德城都監李浦敗之辛丑分涇原路兵為十一將壬寅復入作司為東西兩司各置監官文臣一員武臣二員遣李清臣等賀遼主生辰正旦甲寅詔增太學生舍為八十齋齋三十人外舍生二千人丙舍生三百人月一私試歲一公試補內舍生間歲

水居船

一舍試補上舍生以潁州為順昌軍節度是月曹州生瑞殺河陽生芝草九月癸未降順昌軍囚罪一等徒以下釋之甲申西南龍蕃來貢丁亥大宴集英殿已丑進婕妤朱氏為昭容壬辰出馬步射格鬪法頒諸軍甲午西南羅蕃方蕃來貢冬十月丙申西南石蕃來貢癸卯置藉田令詔立水居船戶五戶至十戶為一甲戊申交趾歸所掠民詔以順州賜之巴西太皇太后疾上不視事庚戌罷朝謁景靈宮命輔臣禱于天地宗廟社稷減天下囚死罪一等流以下釋之乙卯太皇太后崩戊午詔易太皇大皇園陵曰山陵

萬曆六年刊

宋史卷之九十五

二百

三百五

辛酉以群臣七上表始聽政命王珪為山陵使十一月癸未始御崇政殿丁亥雨十二月乙巳御史中丞李定上國子監敕式令并學令凡百四十條丙午復置御史六察庚申遼遣蕭寧等來賀正旦是月全州芝草生桂州甘露降

本紀卷第十五

本紀卷第十六

宋史十六

開府儀同三司程國錄軍國重事善書者翁翬夔領經筵事都總裁曾脫等奉勅修

神宗三

三年春三月乙丑朔以大行太皇太后在殯不視朝癸酉陞許州為穎昌府丙子降穎昌囚罪一等徒以下釋之戊寅上太皇太后謚曰慈聖光獻戊子詔審刑院刑部斷議官失入者歲具數罰之己丑高麗國遣使來貢白虹貫日辛卯于闐國大首領阿令顛顛溫等來貢癸巳白虹貫日二月丙午以翰林學士章



惇參知政事丙辰始御崇政殿視朝丁巳命輔臣禱  
雨三月乙丑工部侍郎同平章事吳充罷爲觀文殿  
大學士西太一宮使癸酉葬慈聖光獻皇后于永昭  
陵丙子南丹州入貢以刺史印賜之乙酉祔慈聖光  
獻皇后神主于太廟戊子降兩京河陽囚罪一等民  
緣山陵役者蠲其賦己丑以慈聖光獻皇后弟昭德  
軍節度使曹佺爲司徒兼中書侍郎護國軍節度使  
餘親屬加恩有差夏四月乙未觀文殿大學士吳充  
薨于西封宗暉爲濮陽郡王濮安懿王子孫皆進官  
一等己亥遼遣耶律永芳等來賀同天節乙巳以瀘

州夷乞弟侵擾詔邊將討之戊申乞弟寇戎州兵官  
王宣等戰歿甲寅罷群牧行司復置提舉買馬監牧  
司乙卯令御史分案諸路監司庚申詔御史臺六察  
以糾劾多寡爲殿最任滿取旨升黜辛酉增國子監  
歲賜錢六千緡五月乙丑詔自今三伏內五日一御  
前發辛巳以穎昌進士劉堂上制盜十策發徐州蕭  
縣尉甲申復命韓存實經制瀘夷詔改都大提舉導  
洛通汴司爲都提舉汴河提舉司是月青州臨朐益  
都石化爲麥六月甲午日有五色雲戊戌詔省宗室  
教授存十三員丙午詔中書詳定官制罷兵部勾當

宋史本紀

卷之六

乙

三百八十

王志

四百八十八  
公事官詔河北河東陝西路各選文武官一員提舉  
義勇保甲壬子詔罷中書門下省主判官歸其事於  
中書是月安州臨江軍節度使及連理麥秋七月庚午  
河決澶州甲戌詔自今遇大禮罷上尊號癸未禁出  
太徽重丙戌避廢減膳詔求直言丁亥罷群神從祀  
明堂戊子太白晝見八月乙巳罷省寺監官領空名  
者癸丑遣王存等營邊事壬辰正旦戊午禁不見九  
月壬戌增宣祖定州東安墳地二十頃及守園六丙  
寅御殿復膳乙亥正官各以開府儀同三司易中書  
守中同平章事特進易左右僕射自是以下至承

務郎易祕書省校書郎正字將作監主簿有差檢校  
僕射以下及階散憲銜並罷詳在職官志辛巳大饗明堂  
以英宗配赦天下癸未薛向孫固並為樞密副使乙酉  
詔即景靈宮作十一殿以時工禮祀祖宗以王安石為  
特進改封荆國公丙戌進封岐王顥為雍王嘉王頊為  
曹王並為司空文彥博為太尉封曹佺為濟陽郡王宗  
旦為華陰郡王馮京為樞密使薛向罷知潁州丁亥以  
呂公著為樞密副使閏九月乙卯加文彥博河東永興  
軍節度使以富弼為司徒十一月己丑朔日當食雲陰  
不見十二月甲辰遼遣蕭偉等來賀正旦

四年春正月乙未命汝軍都虞候林廣代韓存寶經制  
瀘夷庚子詔試進上加律義辛亥子闐來貢馮京罷知  
河陽孫固知樞密院龍圖閣直學士韓鎮同知樞密院  
事二月辛未置秦州鑄錢監已卯分東南南團結諸軍爲  
十三將三月乙未詔在京官毋舉辟執政有服親癸卯  
章惇罷知秦州甲辰以翰林學士張璪叅知政事乙巳  
命官閱九軍營陳法於京城南戊申大閱丙辰董璘遣  
使來貢夏四月癸亥遼遣耶律祐等來賀同天節御延  
和殿閱試保甲己巳詔罷南郊合祭天地自今親祀北  
郊如南郊儀有故不行則以上公攝事壬申慮囚山陰

成信侯  
忠智侯

縣主簿余行之謀反伏誅乙酉河決澶州小吳埽五月  
丁酉詔河東路提點刑獄劉定專振被水民戊申封晉  
程嬰爲成信侯公孫杵臼爲忠智侯立廟于絳州六月  
戊午河北諸郡蝗生癸未命提點開封府界諸縣公事  
楊景略提舉開封府界常平等事王得臣督諸縣捕  
蝗秋七月己丑太白晝見庚寅西邊守臣言夏人囚  
其主秉常詔陝西河東路討之甲午鄜延涇原環慶  
熙河麟府路各賜金銀帶綿襖銀器鞍轡象笏甲辰  
韓存寶坐逗遛無功伏誅丁未大軍進攻米脂砦已  
酉詔曾鞏充史館修撰專典史事詔內外官司舉官

悉罷令大理卿崔台符同尚書吏部審官東西三班院議選於八月乙卯朔罷中書堂選悉歸有司丙辰詔蠲河北東路災傷州軍今年夏料役錢辛酉夏人寇臨州堡詔董種會兵伐之以金州刺史燕達為武康軍節度使己巳復置滑州丁丑熙河經制李憲敗夏人于西市新城獲酋首三人首領二十餘人庚辰又襲破于女遮谷斬獲甚衆辛巳司馬光趙彥若上所修百官公卿年表十卷宗室世表三卷九月乙酉董種遣使來貢且言已遣首領洛施軍篤喬阿公等將兵三萬會擊夏國李憲復蘭州古城戊子蘭州新

順首領巴令謁等三族率所部兵攻夏人撒逋宗城敗之己亥王珪上國朝會要壬寅閱河北保甲丁崇政殿官其優者三十六人甲辰許定郊廟奉祀禮儀丙午詔諭夏主左右并嵬名部族諸部首領並許自歸戊申太白犯斗庚戌夏兵救米脂砦廊延經略副使種諤率衆擊破之辛亥種諤又敗夏人于無定川十月丁巳米脂砦降己未拂菽國來貢庚申熙河兵至女遮谷與夏人遇戰敗之乙丑涇原兵至磨哆隘遇夏人與其統軍梁大玉戰敗之追奔二十里斬大首領沒囉卧沙監軍使梁格嵬等十五級獲首領統

宋史本紀卷第六十五  
軍姪訖多埋等二十二人己巳入銀州庚午環慶行營經略使高遵裕復通遠軍种諤遣曲珍等領兵通黑水安定堡路遇夏人與戰破之斬獲甚衆癸酉復韋州乙亥李憲敗夏人于屈吳山丁丑曲珍與夏人戰于蒲桃山敗之戊寅种諤入貢州詔諸將存撫降人辛巳史館修撰曾鞏乞收采名臣高士事迹遺文詔從之涇原節制王中正入宥州十一月癸未朔日有食之丁亥諸軍合攻靈州种諤敗夏人于黑水己丑李憲敗夏人于囉連川辛卯种諤降橫河平人戶破石堡城斬獲甚衆辛丑師還癸卯种諤至夏州索

家平兵衆三萬人以無食而潰丙午高遵裕以師還夏人來追遂潰十二月辛未林廣破乞弟于納江乙亥慈聖光獻皇后禫祭宰臣王珪等上表請聽樂不許自是五表乃從之戊寅遼遣蕭福全等來賀正且五年春正月癸未朔不受朝丙申御宣德門觀燈己亥白虹貫日庚子責授高遵裕郢州團練副使本州安置乙巳作新渾儀浮漏辛亥詔再議西討以熙河經制李憲為涇原熙河蘭會安撫制置使李浩權安撫副使二月癸丑朔頒三省樞密六曹條制詔郵延軍士病不能歸者賜其家絹十匹丙辰以乞弟平班

師辛酉詔董璘首領結隣死者朝辭物給其子董訥  
支蘭璘增賜絹百匹癸亥華陰郡王宗旦薨丁卯封  
武昌軍節度觀察留後宗惠為江夏郡王癸酉以出  
師赦梓州路減囚罪一等民緣軍事役者蠲其賦封  
董璘為武威郡王丙子渤泥來貢三月壬辰親策進  
士甲午策武舉己亥以日當食避殿減膳赦天下降  
死罪一等流以下原之詔杭州歲修吳越王墳廟壬  
寅鄜延路副總管曲珍敗夏人于金湯乙巳賜進士  
諸科出身千四百二十八人丙午雨土夏四月壬子  
朔日食不見甲寅御殿復膳丁巳遼遣耶律永端等

來賀同天節己未沈括奏遣曲珍將兵綏德城應援  
討葭蘆塞左右見聚羌落詔從之乙丑以真龍圖閣  
徐禧知制誥權御史中丞癸酉官制成以王珪為尚  
書左僕射兼門下侍郎蔡確為尚書右僕射兼中書  
侍郎甲戌太中大夫章惇為門下侍郎張璪為中書  
侍郎翰林學士蒲宗孟為尚書左丞翰林學士王安  
禮為尚書右丞錄唐段秀實後復其家丁丑同知樞  
密院呂公著罷知定州五月辛巳朔行官制丁亥賞  
平蠻將士有差癸巳豐州卒張世矩等作亂伏誅其  
黨王安以母老詔特原之作尚書省戊戌詔兩省官

人舉可任御史者各二人甲辰遣給事中徐禧治鄜  
延邊事六月辛亥朔環慶經略司遣將與夏人戰破  
之斬其統軍嵬名妹精嵬副統軍訛勃遇甲寅王珪  
上兩朝史戊午詔修兩朝寶訓詔以成都路供給瀘  
州邊事曲赦免二稅甲子改翰林醫官院為醫官局  
壬申交趾獻馴犀二癸酉豫章郡王宗諤薨戊寅曲  
珍等敗夏人于明堂川作天源河秋七月辛巳廣西  
經略司言知宜州王奇與賊戰敗績壬午詔罷大理  
寺官赴中書省讞案戊子詔御史中丞舒亶舉任言  
事或察官十人辛卯詔尚書考功員外郎蔡京編手

詔庚子以蔡京為起居郎仍同詳定官制丁未垂拱  
殿宴修史官巳酉始建雩壇祀上帝以太宗配八月  
庚戌朔封御侍武氏為才人壬子進封均國公傭為  
延安郡王以昭容朱氏為賢妃庚申帝有疾詔歲以  
四孟月朝獻景靈宮辛未遣韓忠彥等賀遼主生辰  
正旦鳳州團練使种諤以行軍迂道降授文州刺史  
壬申詔罷增城幕職州縣官奉甲戌城永樂曲珍戰不  
決原武九月丁亥夏人三十萬衆寇永樂曲珍戰不  
利裨將寇偉等死之夏人遂圍城巳丑帝以疾愈降  
京畿囚罪一等徒以下釋之壬辰遣使行視畿縣民

被水患者乙未詔張世矩等將兵救永樂砦戊戌永樂陷給事中徐禧內侍李舜舉陝西轉運判官李稷死之己亥詔客省引進四方館東西上閣門各置使副等職庚子安化蠻寇宜州知州王竒死之詔贈忠州防禦使辛丑賞董彊將士有差癸卯滑州河水溢冬十月辛亥洛口廣武大河溢甲寅知延州沈括以措置垂方責授均州團練副使隨州安置鄜延路副都總管曲珍以城陷敗走降授皇城使丙辰脩定景靈宮儀乙丑詔贈永樂死事臣徐禧金紫光祿大夫吏部尚書李舜舉昭化軍節度使並賜謚忠愍李稷

朝奉大夫工部侍郎入內高品張禹勤皇城使各推恩賜贈有差癸酉貶知太原府資政殿大學士呂惠卿知單州十一月戊寅朔罷御史察諸路壬午景靈宮成告遷祖宗神御癸未初行酌獻禮乙酉以奉安神御赦天下官與享大臣子若孫一人庚寅紫宸殿宴侍祠官十二月丁巳新樂成以賢妃周氏為德妃辛酉塞原武決河丙寅休日御延和殿引進對官十人辛未西南龍蕃來貢壬申遼遣耶律儀等來賀正旦丙子錄永樂死事將皇城使寇偉等十三人及東上閣門副使景思誼等九十人贈賜有差



六年春正月丁丑朔御大慶殿受朝始用新樂儀鸞  
司徹幕屋壞毀王輅甲申白虹貫日丁亥朝獻景靈  
宮己丑層壇全貢庚寅御宣德門觀燈癸巳詔御史  
六察罷上下半年更易法乙未詔修周漢以來陵廟  
乙巳御崇政殿閱武士丙午封楚三閭大夫屈平為  
忠潔侯二月丁未夏人數十萬衆攻蘭州鈐轄王文  
郁率死士七百餘人擊走之丙辰以夏人犯蘭州貶  
熙河經略使李憲為經略安撫都總管以王文郁為  
西上閣門使知蘭州副使李浩為四方館使甲子詔  
供備庫使高遵治西京左藏庫副使張壽各降一官

三月辛卯夏人寇蘭州副總管李浩以衛城有功復  
隴州團練使乙未休日御延和殿引進對官八人丙  
申河東將薛義敗夏人于葭蘆西嶺戊戌以檢校太  
尉上柱國太原郡開國公王拱辰為武安軍節度使  
麟府州將郭忠詔等敗夏人于也離抑部詔行賞有  
差己亥河東將高永翼敗夏人于真卿流部夏四月  
己酉朝獻景靈宮辛亥遼遣蕭固等來賀同天節甲  
子禮部郎中林希上兩朝寶訓李浩敗夏人于巴義  
谿辛未雨壬申御邇英閣蔡卞進講周禮五月丙  
子朔于闐入貢甲申以時暑趣決開封大理獄庚寅

以旱慮囚甲午夏人寇蘭州右侍禁韋定死之癸卯  
詔賜資州孝子支漸粟帛是月夏人寇麟州知州訾  
虎敗之六月乙巳朔詔御史臺六察各置御史一員  
癸丑詔御史中丞兩省官各舉可任言事或監察御  
史五人閏月乙亥朔夏主秉常請修貢許之戊寅詔  
陝西河東毋輒出兵丙戌詔内外文武各舉應武舉  
一人汴水溢丙申太師守司徒韓國公富弼薨謚文  
忠秋七月乙卯祔孝惠孝章淑德章懷皇后于廟丙  
辰以四后祔廟降京畿囚罪一等流以下原之孫固  
罷知河陽以同知樞密院韓縝知樞密院戶部尚書

封孟子  
封馬援

安燾同知樞密院戊午朝獻景靈宮八月丙子賜升  
祔陪祠官宴于尚書省己卯太白晝見乙酉遣蔡京  
等賀遼主生辰正旦辛卯蒲宗孟罷王安禮為尚書  
左丞吏部尚書李清臣為尚書右丞九月癸卯朔日  
有食之冬十月癸酉朔秉常遣使上表請復修職貢  
乞還舊疆戊子封孟軻為鄒國公癸巳會稽郡王世  
清薨庚子尚書省成辛丑封馬援為忠顯王十一月  
癸卯加上仁宗謚曰體天法道極功全德神文聖武  
睿哲明孝皇帝英宗曰體乾應曆隆功盛德憲文肅  
武睿神宣孝皇帝甲辰朝獻景靈宮乙巳朝享太廟

嘉靖丙辰年 天 一 監生劉愛龍刊

丙午祀昊上帝于園丘赦天下甲寅文彥博以太師致仕乙卯以觀文殿大學士韓絳為建雄軍節度使庚申辛尚書省官執政五服內未仕者一人進尚書以下官一等

七年春正月丙午封洛州防禦使世準為安定郡王癸丑夏人寇蘭州李憲等擊走之甲寅以賢妃朱氏為德妃二月甲戌太師文彥博入覲置酒垂拱殿癸未進封濮陽郡王宗暉為嗣濮王封宗晟為高密郡王宗綽為建安郡王宗隱為安康郡王宗瑗為漢東郡王宗愈為華原郡王三月辛丑賜文彥博宴于瓊

荀楊韓

林苑帝製詩以賜之庚申御崇政殿大閱壬戌詔賜鬼章寫經紙還其所獻馬癸亥白虹貫日夏四月辛未大食國來貢乙亥遼遣蕭浹等來賀同天節丁丑賜饒州童子朱天錫五經出身丙戌景靈宮天元殿門生芝草六本壬辰朝獻景靈宮癸巳夏人寇延州安塞堡將官呂真敗之五月壬子慮囚降死罪一等杖以下釋之辛酉白虹貫日壬戌以孟軻配食文宣王封荀况楊雄韓愈為伯並從祀詔諸路帥臣監司等舉大使臣為將領六月丙子夏人寇德順軍巡檢王友死之辛卯江夏郡王宗惠薨秋七月甲辰伊洛

饒州童子

溢河決元城丙午遣使振恤賜溺死者家錢壬子朝  
獻景靈宮甲寅王安禮罷八月庚午詔王光祖遣人  
招諭乞弟許出降免罪補官是歲乞弟死辛巳遣陳  
睦等賀遼主生辰正旦九月壬寅西南龍蕃來貢乙  
巳三佛齊來貢乙丑夏人圍定西城熙河將秦貴敗  
之冬十月乙亥夏人寇熙河庚辰饒州童子朱天申  
對于睿思殿賜五經出身辛巳朝獻景靈宮戊子詔  
分畫交趾界以六縣二峒賜之乙未夏人寇靜邊砦  
涇原將彭孫敗之十一月丁酉朔寇清邊砦隊將白  
玉李貴死之甲辰夏國主秉常遣使來貢乙卯太白

晝見十二月戊辰端明殿學士司馬光上資治通鑑  
以光為資政殿學士降詔獎諭庚寅詔門下中書外  
省官同舉言事御史辛卯遼遣耶律襄等來賀正旦  
是歲河東饑河北水壞洛州廬舍蠲其稅

八年春正月戊戌帝不豫甲辰赦天下乙巳命輔臣  
代禱景靈宮乙卯分遣羣臣禱于天地宗廟社稷二  
月辛巳開寶寺貢院火丁亥命禮部鎖試別所癸巳  
上疾甚遷御福寧殿三省樞密院入見請立皇太子  
及請皇太后權同聽政許之三月甲午朔立延安郡  
王傭為皇太子賜名煦皇太后權同處分軍國事乙

未赦天下遣官告于天地宗廟社稷諸陵丁酉皇太后命吏部尚書曾孝寬爲冊立皇太子禮儀使戊戌上崩于福寧殿年三十有八皇太子卽皇帝位尊皇太后爲太皇太后皇后爲皇太后德妃朱氏爲皇太妃太皇太后權同處分軍國事九月己亥上大行皇帝謚曰英文烈武聖孝皇帝廟號神宗十月乙酉葬于永裕陵

裕陵

贊曰帝天性孝友其入事兩宮必侍立終日雖寒暑不變嘗與嘉岐二王讀書東宮侍講王陶講論經史輒相率拜之由是中外翕然稱賢其卽位也小心謙抑敬畏輔相求直言察民隱恤孤獨養耆老振匱乏不治宮室不事遊幸厲精圖治將大有爲未幾王安石入相安石爲人悻悻自信知祖宗志吞幽薊靈武而數敗兵帝奮然將雪數世之耻未有所當遂以偏見曲學起而乘之青苗保甲均輸市易水利之法旣立而天下洶洶騷動慟哭流涕者接踵而至帝終不覺悟方斷然廢逐元老擯斥諫士行之不疑卒致祖宗之良法美意變壞幾盡自是邪佞日進人心日離禍亂日起惜哉

本紀卷第十六

開府儀同三司

宗人府丞美言

宗人府丞美言

宗人府丞美言

宗人府丞美言

宗人府丞美言

宗人府丞美言

宗人府丞美言

宗人府丞美言

本紀卷第十七

宋史十七

開府儀同三司在國錄軍國重事前中書右丞相監修國史

勅修

哲宗一

哲宗憲元繼道顯德定功欽文睿武齊聖昭孝皇帝

諱煦神宗第六子也母曰欽聖皇后朱氏熙寧九年

十二月七日巳丑生于宮中赤光照室初名傭授檢

校太尉天平軍節度使封均國公元豐五年遷開府

儀同三司彰武軍節度使進封延安郡王七年三月

神宗宴群臣于集英殿王侍立天表粹温進止中度

前紀唐寅  
茲紀巳丑  
未知孰是

嘉靖丙辰年

監生劉慶龍

宰相而下再拜賀八年二月神宗寢疾宰相王珪乞  
早建儲為宗廟社稷計又奏請皇太后權同聽政神  
宗首肯三月甲午朔皇太后垂簾于福寧殿諭珪等  
曰皇子性莊重從學穎悟自皇帝服藥手寫佛書為  
帝祈福因出以示珪等所書字極端謹珪等稱賀遂  
奉制立為皇太子初太子宫中常有赤光至是光益  
熾如火戊戌神宗崩太子即皇帝位己亥大赦天下  
常赦所不原者群臣進秩賜賚諸軍遣使告哀于遼  
白虹貫日庚子尊皇太后曰太皇太后皇后曰皇太  
后德妃朱氏曰皇太妃命宰臣王珪為山陵使甲寅

以群臣固請始同太皇太后聽政己未賜叔雍王顥  
曹王顥贊拜不名令中外避太皇太后父遵甫名詔  
邊事稍重者樞密院與三省同議以進庚申尚書左  
僕射郇國公王珪進封岐國公顥進封揚王顥為荆  
王並加太保弟寧國公佶為遂寧郡王儀國公似為  
大寧郡王成國公侯為咸寧郡王和國公似為普寧  
郡王高密郡王宗晟漢東郡王宗瑗華原郡王宗愈  
安康郡王宗隱建安郡王宗綽並為開府儀同三司  
太師潞國公文彥博為司徒濟陽郡王曹佺為太保  
特進王安石為司空餘進秩賜致仕服帶銀帛有差

辛酉詔顏子孟子配享孔子廟庭夏四月丙寅初御  
紫宸殿辛未蠲元豐六年以前逋賦甲戌加李乾德  
同中書門下平章事董氈檢校太尉詔曰先皇帝臨  
御十有九年建立政事以澤天下而有司奉行失當  
幾於煩擾或苟且文具不能布宣實惠其申諭中外  
恊心奉令以稱先帝惠安元元之意乙亥詔以太皇  
太后生日為坤成節丁丑召呂公著侍讀諭樞密中  
書通議事都堂詔遵先帝制遣官察舉諸路監司之  
法庚辰呂惠卿遣兵入西界破六砦斬首六百餘級  
辛巳遣使以先帝遺留物遺遼國及告即位甲申水

部員外郎王諤非職言事坐罰金丙戌以蕃官高福  
戰死錄其子孫丁亥復蠲舊年逋賦五月丙申詔百  
官言朝政闕失資政殿學士司馬光過闕入見丁酉  
群臣請以十二月七日為興龍節壬寅城廡蘭通遠  
軍賜李憲趙濟銀帛有差甲辰作受命寶丙午京師  
地震復置遼州庚戌王珪薨改命蔡確為山陵使丙  
辰賜禮部奏名進士諸科及第出身四百六十一人  
戊午以蔡確為尚書左僕射兼門下侍郎韓縝為尚  
書右僕射兼中書侍郎章惇知樞密院司馬光為門  
下侍郎六月庚午賜楚州孝子徐積絹米丁亥詔中

徐績

嘉祐初年庚午... 監生...



外臣庶許直言朝政闕失民間疾苦秋七月戊戌以  
資政殿大學士呂公著為尚書左丞詔府界三路保  
甲罷團教丙午遼人來吊祭丙辰白虹貫日吏部侍  
郎熊本奏歸化儂知會異同坐罰金罷沅州增脩堡  
砦八月乙丑詔按察官所至有才能顯著者以名聞  
已巳鎮江軍節度使韓絳進開府儀同三司癸酉遣  
使賀遼主生辰正旦乙亥以供奉王英戰死葭蘆錄  
其子九月戊戌以成宗英文烈武聖孝皇帝之謚告  
于天地宗廟社稷已亥上寶冊于福寧殿已酉遣使  
報謝于遼冬十月甲子夏國遣使進助山陵馬癸酉

詔倣唐六典置諫官丁丑令侍從各舉諫官二人詔  
監察御史兼言事殿中侍御史兼察事罷義倉已卯  
詔均寬民力有司或致廢格者監司御史糾劾之河  
決大名乙酉葬神宗皇帝于永裕陵丙戌罷方田以  
夏國主毋卒遣使吊祭十一月癸巳詔按問強盜欲  
舉自首者毋減丁酉祧翼祖祔神宗于太廟廟樂曰  
大明之舞辛丑減兩京河陽囚罪一等杖已下釋之  
民緣山陵後者蠲其賦已酉遼遣使賀即位十二月  
壬戌于闐進獅子詔却之開經筵講魯論讀三朝寶  
訓罷太學保任同罪法丙寅夏人以其毋遺留物馬

白駝來獻辛未左僕射蔡確右僕射韓縝並遷秩加  
食邑揚王顥荆王頥並為太傅壬申章惇司馬光等  
進秩有差甲戌罷後苑西作院乙亥詔執政侍臣講  
讀戊寅罷增置鑄錢監十有四乙酉遼遣蕭睦等來  
賀正只是歲日有五色雲者六高麗大食入貢

元祐元年春正月庚寅朔改元丙午錄在京囚減死  
罪以下一等杖罪者釋之丁未詔回賜高麗王鞍馬  
服帶器幣有加罷陝西河東元豐四年後凡緣軍興  
添置官局丙辰久旱幸相國寺祈雨立神宗原廟戊  
午甘露降二月辛酉以河決大名壞民田民艱食者

衆詔安撫使韓絳振之乙丑脩神宗實錄丁卯詔左  
右侍從各舉堪任監司者二人舉非其人有罰庚午  
禁邊民與夏人為市辛未董氈卒以其子阿里骨襲  
河西軍節度使邈川首領庚辰夏人入貢辛巳刑部  
侍郎蹇周輔坐變鹽法落職閏月庚寅蔡確罷以司  
馬光為尚書左僕射門下侍郎詔韓維呂大防孫永范  
純仁詳定役法壬辰以呂公著為門下侍郎丙午守  
尚書右丞李清臣為尚書左丞試吏部尚書呂大防  
為尚書右丞白虹貫日丁未群臣上太皇太后宮名  
曰崇慶殿曰崇慶壽康皇太后宮曰隆祐殿曰隆祐

文身不經卷第七 五  
慈徽庚戌賜于闐國王服帶噐幣辛亥章惇罷甲寅  
詔侍從御史國子司業各舉經明行脩可為學官者  
二人乙卯以吏部尚書范純仁同知樞密院事丙辰  
掩京城暴骸罷諸州常平管勾官三月辛未詔毋以  
堂差衝在選已注官置訴理所許熙寧以來得罪者  
自言命太學公試司業博士主之如春秋補試法癸  
酉置開封府界提點刑獄一員乙亥罷熙河蘭會路  
經制財用司己卯復廣濟河輦運辛巳詔民間瘞畜  
議寬恤者監司具聞以程頤為崇政殿說書乙酉許  
職事官帶職夏四月己丑韓縝罷辛卯詔諸路旱傷

蠲其租壬辰以旱慮囚癸巳王安石薨辛丑詔執政  
大臣各舉可充館閣者三人壬寅以呂公著為尚書  
右僕射兼中書侍郎文彥博平章軍國重事乙巳詔  
戶部裁冗費著為令李憲等以用兵失利為劉摯所  
劾貶秩奉祠辛亥揚王顥荆王頽並特授太尉詔遇  
科舉令升朝官各舉經明行脩之士一人俟登第日  
與升甲罷謁禁之制知誠州周士隆撫納溪洞民一  
千三百餘戶賜士隆銀帛癸丑定六曹郎官員數五  
月丁巳朔以資政殿大學士韓維為門下侍郎罷諸  
路重祿復熙寧前舊制庚申夏人來賀即位壬戌詔  
嘉靖丙辰年

侍從臺官監司各舉縣令一人戊辰命程頤同脩立  
國子監條制己巳幸楊王荆王第官其子九人癸酉  
復左右天廐坊壬午詔文彥博班宰相之上六月甲  
辰置春秋博士呂惠卿落職分司南京蘇州居住戊  
申以富弼配享神宗廟庭庚戌太白晝見甲寅詔正  
風俗脩紀綱勿理隱疵細故復置通利軍程頤上疏  
論輔養君德秋七月丁巳置檢法官辛酉設十科舉  
士法劉恕同脩資治通鑑未沾恩而卒詔官其子乙  
丑夏國主秉常卒庚午夏國遣使賀坤成節八月辛  
卯詔常平依舊法罷青苗錢壬辰封弟偲為祁國公

甲午占城國遣使入貢壬子日傍有五色雲磁州穀  
異壟同穗九月丙辰朔司馬光薨己未朝獻景靈宮  
辛酉大享明堂以神宗配赦天下丁卯試中書舍人  
蘇軾為翰林學士知制誥己卯張璪罷冬十月丙戌  
改衍聖公為奉聖公庚寅太白晝見壬辰夏人來告  
哀庚子遣使吊祭十一月戊午以尚書左丞呂大防  
為中書侍郎御史中丞劉摯為尚書右丞乙亥于闐  
國遣使入貢庚辰蠲鹽井官溪錢十二月庚寅詔將  
來服除依元豐三年故事群臣勿上尊號戊戌華州  
鄭縣小敷谷山崩戊申詔以冬溫無雪決繫囚是歲

河北楚海諸州水

二年春正月乙丑封秉常子乾順為夏國主戊辰詔  
舉人程試主司毋得於老莊列子書命題辛巳詔蘇  
轍劉攽編次神宗御製白虹貫日二月丁亥遣左司  
諫朱光庭使河北振民被災者詔施黔戎瀘等州保  
甲監司免歲闋丁酉加賜于闐國金帶錦袍器幣己  
亥命吏部選人改官歲以百人為額辛丑詔陝西河  
東行策應牽制法是月代州地震三月壬戌太皇太  
后手詔止就崇政殿受冊戊辰詔中外侍從歲舉郡  
各一人令御史臺察民俗奢僭者夏人遣使入謝癸

酉奉安神宗神御于景靈宮宣光殿庚辰詔內侍省  
供奉官以下百人為額夏四月丙戌交趾入貢丁亥  
鬼章子結吼獻寇洮東戊子慮囚己丑詔太師文彥  
博十日一議事都堂辛卯詔冬夏旱曠海內被災者  
廣避殿減膳責躬思過以圖消復丁酉以四方牒訴  
上尚書者或寬抑不得直令御史分察之己亥太皇  
太后以旱權罷受冊禮癸卯雨乙丑以徐州布衣陳  
師道為亳州司戶參軍丁未復制科戊申御殿復膳  
李清臣罷五月癸丑夏人圍南川砦丁卯以劉摯為  
尚書左丞兵部尚書王存為尚書右丞壬申于闐入

貢丁丑詔御史官闕中丞御史翰林學士兩省諫  
議大夫以上雜舉六月辛丑以安燾知樞密院事壬  
寅有星如瓜出文昌丙午邈川首領結藥來降授三  
班奉職秋七月辛亥詔戶部修會計錄韓絳以司空  
致仕夏人寇鎮戎軍詔府界三路教閱保甲復課利  
場務虧額科罰丙辰罷諸州數外歲貢戊午以遼蕭  
德崇等賀坤成節曲宴垂拱殿始用樂庚申進封李  
乾德為南平王辛酉改誠州為梁陽軍辛未韓維罷  
八月辛巳程頤罷經筵權同管勾西京國子監癸未以  
西蕃寇洮河民被害者給錢粟死者賜帛其家詔復

進納人改官舊法乙酉命呂大防為西京安奉神宗  
御容禮儀使庚寅西南蕃遣人入貢癸巳以夏國政  
亂主幼弼臣乙逋等擅權逆命詔諸路帥臣嚴兵備  
之庚午授西蕃首領心牟欽禮銀州團練使温溪心  
瓜州團練使辛丑涇原言夏人寇三川諸砦官軍敗  
之丁未岷州行營將种誼復洮州執蕃酋鬼章青宜  
結九月乙卯發太皇太后册寶于大慶殿丙辰發皇  
太后皇太妃册寶于文德殿己未夏人寇鎮戎軍丁  
卯禁私造金箔冬十月壬午奉安神宗御容于會聖  
宮及應天院癸未日有五色雲戊子恭謝景靈宮辛

卯減西京囚罪一等杖已下釋之己亥西南龍張蕃遣人入貢庚子論復洮州功种誼等遷秩賜銀絹有差十一月丙辰復置漣水軍庚申獻鬼章于崇政殿以罪當死聽招其子及部屬歸以自贖乙亥大雪甚民凍多死詔加振恤死無親屬者官瘞之罷內殿承制試換文資格丙子決囚十二月乙酉賜諸軍及貧民錢丙戌興龍節初上壽于紫宸殿己丑大寒罷集英殿宴壬辰兀征聲延部族老幼萬人渡河南遣使廩食之仍諭聲延勿失河北地乙未白虹貫日壬寅頒元祐勅令式是冬始閉汴口

三年春正月己酉朔不受朝庚戌復廣惠倉己未朝獻景靈宮庚申雪寒發京西穀五十餘萬石損其直以紓民辛酉詔廣南西路朱崖軍開示恩信許生黎悔過自新壬戌罷上元遊幸壬申阿里骨奉表詣闕謝罪令邊將無出兵仍罷招納甲戌決囚二月甲申罷修金明池橋殿乙酉德音減囚罪一等徒以下釋之工役權放一年流民饑貧量與應副丙戌詔河東苦寒量度存恤戌兵癸巳罷春宴乙未白虹貫日辛丑太白晝見乙巳廣東兵馬監童政坐擅殺無辜伏誅三月丙辰韓絳薨丁巳御集英殿策進士戊午策武

舉已巳賜禮部奏名進士諸科及第出身一千一百  
二十二人乙亥夏人寇德靜砦將官張誠等敗之夏  
四月戊寅令諸路郡邑具後法利害以聞辛巳以呂  
公著為司空同平章軍國事呂大防為尚書左僕射  
兼門下侍郎范純仁為尚書右僕射兼中書侍郎壬  
午以觀文殿學士孫固為門下侍郎劉摯為中書侍郎  
王存為尚書左丞御史中丞胡宗愈為尚書右丞戶  
部侍郎趙瞻簽書樞密院事癸巳詔定職事官歲舉  
升陟人數丁酉阿里骨來貢庚子詔天下郡城以地里  
置壯城兵額禁勿他役五月癸亥漢東邵王宗瑗薨

六月癸未詔司諫正言殿中監察御史倣故事以升  
朝官通判資序歷一年者為之辛丑夏人寇塞門砦  
甲辰五色雲見秋七月戊申荆王顥薨戊辰夜東北  
方明如晝俄成赤氣中有白氣經天辛未太白晝見  
癸酉忠州言臨江塗井鎮雨黑黍八月戊寅阿黑骨  
入貢已卯進封楊王顥為徐王辛巳復置荆門軍丙  
戌罷吏試斷刑法丁酉渠陽蠻入寇辛丑降繫囚罪  
一等杖以下釋之九月庚申禁宗室聯姻內臣家乙  
丑阿里骨復遷職加封邑詔觀察使以上給永業田  
丁卯御集英殿策賢良方正能直言極諫科十月丙



宋史本紀卷第十七  
十一  
戊詔罷新創諸堡砦廢渠陽軍戊戌復南北宣徽院  
十一月甲辰遣吏部侍郎范百祿等行河丁卯大食麻  
囉拔國入貢詔歲以十月給廵城兵衣裘十二月丁  
酉渝州獵人寇小溪壬寅白虹貫日閏月癸卯朔頒  
元祐式甲辰范鎮定鑄律度量鍾磬等以進令禮部  
太常參定戊申減宰執賜予庚申置六曹尚書權官  
丙寅詔吏部詳定六曹重複利害以聞是歲三佛齊  
于闐西南蕃入貢天下上戶部主戶二百一十三萬  
四千七百三十三丁二千八百五十三萬三千九百  
三十四客戶六百一十五萬四千六百五十二丁三

百六十二萬九千八十三斷大辟二千九百一十五  
人

四年春正月壬申朔不受朝群臣及遠使詣東上閣  
門內東門拜表賀丙子宴遼使于紫宸殿甲申以夏  
人通好詔邊將毋生事二月甲辰呂公著薨庚戌白  
虹貫日乙卯夏人來謝封冊三月己卯作渾天儀胡  
宗愈罷丁亥以不雨罷春宴己丑詔自今大禮毋上  
尊號辛卯晝有流星出東方癸巳錄囚乙未罷幸瓊  
林苑金明池夏四月乙巳呂大防等以久旱求罷不  
允丁未曹佺薨戊申罷大禮使及奏告執政加賜戊

午立試進士四場法壬戌弛在京牧地與民五月癸酉詔自今侍讀以三人為額中丞李常侍御史盛陶坐不論蔡確改官辛巳貶觀文殿學士蔡確為光祿卿丁亥復貶確為英州別駕安置新州丁酉于闐國來貢六月甲辰范純仁王存罷丙午以趙瞻同知樞密院事戶部尚書韓忠彥為尚書左丞翰林學士許將為尚書右丞丁未復國來貢癸丑邈黎國般次冷移四林栗迷等齎于闐國黑汗王及其國蕃王表章來貢秋七月丙子詔復外都水使者丁丑遼國使蕭寅等來賀坤成節曲宴垂拱殿庚辰安燾以母憂去

位八月壬寅勅郡守貳以四善三最課縣令吏部歲上監司考察知州狀辛酉太皇太后詔今後明堂大禮母令百官拜表稱賀九月戊寅致齋垂拱殿巳卯朝獻景靈宮辛巳大饗明堂赦天下百官加恩賜賚士庶高年九十以上者乙酉加賜韓縝范純仁器幣有差乙未檢舉先朝文武七條戒諭百官遵守冬十月辛丑西南程蕃入貢丁未龍蕃入貢戊申翰林學士蘇轍上神宗御集藏寶文閣癸丑御邇英殿講官進講三朝寶訓十一月庚午勅朝請大夫以下進士為左餘為右溪洞彭儒武等進溪洞布癸未以孫固

知樞密院事劉摯為門下侍郎吏部尚書傅堯俞為中書侍郎乙酉有星色赤黃尾跡燭地巳丑太皇太后却元日賀禮令百官拜表庚寅張惇買田不法降官辛卯改發運轉運提刑預妓樂宴會徒二年法十二月庚子遼使耶律等賀興龍節曲宴垂拱殿癸丑更定朝儀二舞曰威加四海化成天下甲寅減廊延等路戍兵歸營戊午以御史闕令中丞兩省各舉二人是歲夏國邈黎大食麻囉拔國入貢

五年春正月丁卯朔御大慶殿視朝丁丑朝獻景靈宮二月丁酉罷諸州軍通判奏舉改官巳亥夏人歸

永樂所掠吏士百四十九人庚子加溪洞人田忠進等九十二人檢校官有差辛丑以旱罷修黃河癸卯禱雨嶽瀆罷浚京城壕丁未減天下囚罪杖以下釋之庚戌文彥博以太師克護國軍山南西道節度等使致仕令所司備禮冊命壬子彥博乞免冊禮從之甲子宴餞文彥博于玉津園三月丙寅朔趙瞻薨丁卯詔賜故孫覺家緡錢令給喪事壬申以韓忠彥同知樞密院事翰林學士丞旨蘇頌為尚書左丞癸未罷春宴壬辰罷幸金明池瓊林苑夏四月癸卯詔鄭穆王巖叟等同舉監察御史二員甲辰呂大防等以

早求退不允丙午孫固薨癸丑詔講讀官御經筵退  
留一員奏對通英閣丁巳詔以旱避殿減膳罷五月  
朔日文德殿視朝辛酉以保寧軍節度使馮京為檢  
校司空五月壬申詔差役法有未備者令王巖叟等  
具利害以聞乙亥雨已卯御殿復膳六月辛丑錄囚  
癸亥晝有五色雲七月壬申涇原路經略司言諸人  
建制典買蕃部田土許以免罪自二頃五十畝以下  
責其出刺弓箭手及買馬備邊用各有差乙酉夏人  
來議分畫疆界九月丁丑詔復置集賢院學士冬十  
月癸巳罷提舉修河司丁酉詔定州韓琦祠載祀典

十二月辛卯朔許將罷安康郡王宗隱薨丙辰禁軍  
大閱賜以銀牒匹帛罷轉資是歲東北旱浙西水災  
賜宗室子授官者四十四人斷大磔囚千二百六十  
有一高麗于闐龍蕃三佛齊阿里骨入貢

六年春正月辛酉朔不受朝群臣及遼使詣東上閣  
門內東門拜表賀癸酉詔祠祭游幸毋用羔二月辛  
卯以劉摯為尚書右僕射兼中書侍郎龍圖閣待制  
王巖叟簽書樞密院事癸巳以蘇轍為尚書右丞宗  
室士覲追封魏國公庚子拂菻國來貢丁丑授阿里  
骨男溪邦彪錢為化外庭州團練使三月癸亥呂大

防上神宗實錄已巳御集英殿策進士庚午策武舉  
癸酉詔御史中丞舉殿中侍御史二人翰林學士至  
諫議大夫同舉監察御史二人丙子呂大防特授右  
正議大夫壬午賜禮部奏名進士諸科及第出身九  
百五十七人丁亥罷幸金明池瓊林苑夏四月乙未  
復置通禮科丙申詔恤刑辛丑詔大臣堂除差遣非  
行能卓異者不可輕授仍搜訪遺材以備擢任夏人  
寇熙河蘭岷鄜延路壬寅太白晝見壬子賜南平王  
李乾德袍帶金帛鞍馬五月己未朔日有食之罷文  
德殿視朝庚辰詔娶宗室女得官者毋過朝散大夫

皇城使丁亥後省上元祐勅令格六月壬辰錄囚甲  
辰置國史院修撰官乙卯詔以田思利為銀青光祿  
大夫充溪洞都巡檢秋七月癸亥復張方平宣徽南  
院使致仕乙丑復制置解監使己卯振兩浙水災八  
月己丑三省進納后六禮儀制辛卯詔御史臺臣僚  
親亡十年不葬許依條彈奏及令吏部檢察己亥改  
宗正屬籍曰宗蕃慶系錄令文武臣出入京城門書  
職位差遣姓名及所往己酉修神宗實訓癸丑詔鄜  
延路都監李儀等以違旨夜出兵入界與夏人戰死不  
贈官餘官降等乙卯夏人寇懷遠砦閏月壬戌嚴飭

陝西河東諸路邊備甲子太白晝見庚午詔御史中  
丞舉殿中侍御史二人翰林學士中書舍人給事中  
舉監察御史四人壬申太子太保致事張方平辭免  
宣徽使不允甲申刑部侍郎彭汝礪與執政爭獄事  
自乞貶遂詔改禮部侍郎九月丁亥夏人寇麟府二  
州壬辰詔州民為寇所掠廬舍焚蕩者給錢帛踐稼  
者振之失牛者官貸市之癸巳御集英殿策賢良方  
正能直言極諫科丁酉御試方正王普等遷官有差  
歲出內庫緡錢五十萬以備邊費甲辰幸上清儲祥  
宮壬子宮成減天下囚罪一等徒以下釋之癸丑以

執政官行謁禁法非便詔有利害陳述勿禁冬十月  
丁卯有流星晝出東北庚午朝獻景靈宮還幸國子  
監賜祭酒豐稷三品服監學官賜帛有差庚辰令諸  
宮院建小學貴妃苗氏薨癸未編修神宗御製官轉  
秩加賞詔京西提刑司歲給錢物二十萬緡以奉陵  
寢十一月乙酉朔制摯罷壬辰作元祐觀天曆尚書  
右丞蘇轍罷知絳州辛丑傅堯俞薨十二月戊辰開  
封府火壬申范純仁以前禦敵失策降官是歲兩浙  
水定州野蠶成繭高麗交趾三佛齊入貢  
七年春正月甲辰以遼使耶律迪卒輟朝一日乙巳

此人甚奇  
何止美官

張誠一以穿父墓取犀帶責授左武衛將軍提舉亳州明道宮二月丁卯詔陝西河東邊要進築守禦城  
崇三月己亥錄囚夏四月己未立皇后孟氏甲子命  
呂大防為皇后六禮使甲戌立考察縣令課績法五  
月戊戌御文德殿冊皇后庚子罷侍從官轉對丙午  
王巖叟罷知鄭州大食進火浣布六月辛酉以呂大  
防為右光祿大夫蘇頌為尚書右僕射兼中書侍郎  
韓忠彥知樞密院事蘇轍為門下侍郎翰林學士范  
百祿為中書侍郎翰林學士梁燾為尚書左丞御史  
中丞鄭雍為尚書右丞戶部尚書劉奉世簽書樞密

院事甲子置廣文館解額戊辰渾天儀像成甲戌日  
旁五色雲見七月癸巳詔修神宗史復翰林侍講學  
士巴西詔諸路安撫鈐轄司及西京南京各賜資治  
通鑑一部庚戌宗室總麻以上者禁折屠八月丙辰  
罷監酒稅務增剩給賞法己未詔西邊諸將嚴備毋  
輕出兵乙亥戒邊將毋倍克軍士前哨交趾將吏蘇  
佐等十七人自拔來歸九月戊戌詔冬至日南郊宜  
依故事設皇地祇禮畢別議方澤之儀以聞己酉永  
興軍蘭州鎮戎軍地震冬十月庚戌朔環州地震丁  
巳陝西有前代帝王陵廟處給民五家充守陵戶丁

卯夏入寇環州十一月辛巳太白晝見甲申詔大中六  
夫以上許占永業田丙戌于闐入貢庚寅帝齋太廟癸巳祀天地于園丘  
辛卯朔獻景靈宮呈辰饗太廟癸巳祀天地于園丘  
赦天下罪一區中外加恩罷南京榷酒民罹親喪者戶  
以差等與免倍辛丑賜徐王劍履上殿十二月辛亥  
阿里骨李乾德加食邑實封甲子罷飲福宴庚午祈  
雪是歲交州僊源縣生瑞穀高麗占城西南蕃龍氏  
羅氏入貢

八年春正月己卯朔不受朝甲申祭確卒丁亥御邇  
英閣召宰臣讀寶訓庚寅詔復范純仁大中大夫士

鍼經

辰辛未乙宮庚子詔總高麗以獻高帝鍼經于天下  
二月己酉詔西南蕃龍氏遷秩補官辛亥禮部尚書  
蘇軾言高麗使乞買歷代史及策府元龜等書宜却  
其請不許省臣許之軾又疏陳五害極論其不可有  
旨書籍曾經買者聽亡子詔刑部不得分禁繫入數  
瘦死數多者申尚書省癸丑詔大寧郡王以下出就  
外學三月甲申蘇頌罷辛卯范百祿罷庚子詔御試  
舉人復試賦詩論三題夏四月丁未朔夏人來謝罪  
願以蘭州易塞門若未許癸丑詔恤刑甲寅令范祖  
禹依先朝故事止兼侍講丁巳詔南郊合祭天地龍



禮部集官詳議五月癸未置蘄州羅田縣丁亥罷二  
廣鑄折二錢己丑錄因辛卯監察御史董敦逸黃慶  
基以論蘇軾蘇轍罷為湖北福建轉運判官己亥祁  
國公德為開府儀同三司六月戊午梁燾罷壬戌中  
書後漢省上元祐在京通用條貫秋七月丙子朔以觀  
文殿大學士范純行為尚書右僕射兼中書侍郎戊  
寅令陝西沿邊鑄錢銅錢悉還近地八月丁未久雨  
禱山川辛酉以太皇太后疾帝不視事壬戌遣使按  
視京東西河南北淮南水災癸亥減京師囚罪一等  
徒以下釋之丁卯禱于嶽瀆宮觀祠廟戊辰赦天下

庚午詔陝西復鑄小銅錢辛未禱于天地宗廟社稷  
乙亥禱于諸陵九月戊寅太后崩己卯詔以太  
皇太后園陵為山陵庚辰遣使告哀于遼甲申命呂  
大防為山陵使壬辰詔山陵脩奉後約諸道毋妄有  
進助冬十月戊申群臣七上表請聽政戊辰徐王顥  
乞解官給喪詔不允庚午復內侍劉瑗等六人十一  
月丙子始御乘拱殿乙未以雪寒振京城民饑壬寅  
賜勞脩奉山陵兵士十二月乙巳范純仁乞罷不允  
甲寅倣唐六典脩官制丁巳遼人遣使來于祭出錢  
粟十萬振流民己巳上太皇太后謚曰宣仁聖烈皇

后是歲河入德清軍決內黃口

本紀卷第十七

本紀卷第十八

宋史十八

開府儀同三司柱國魏國重軍前中書省右丞相監修國史領經筵事都總裁臣

勅修

哲宗二

紹聖元年春正月癸酉朔群臣詣西上閤門進名奉  
慰丙申夏人來貢辛丑遣中書舍人呂希純等行河罷  
河東大銅錢二月丁未以戶部尚書李清臣為中書  
侍郎兵部尚書鄧潤甫為尚書右丞巳酉葬宣仁聖  
烈皇后于永厚陵巳未祔神主于太廟癸亥減兩京  
河陽鄭州囚罪一等民緣山陵役者蠲其賦甲子詔

依章獻明肅皇后故事罷避高遵惠諱三月壬申朔日有食之乙亥呂大防罷庚辰詔大學合格上舍生推恩免省試附科場春榜乙酉御集英殿策進士丁亥策武舉戊子以徐王顥為太師徒封冀王癸巳詔振京東河北流民貸以穀麥種諭使還業蠲是年租稅丁酉賜禮部奏名進士諸科及第出身九百七十五人蘇轍罷夏四月乙巳朔阿里骨進獅子丙午以旱詔恤刑巳酉詔中外決獄庚戌詔有司具醫藥治京師民疾壬子蘇軾坐前掌制命語涉譏訕落職知英州癸丑改元白虹貫日甲寅以王安石配饗神宗廟廷蔡確追復右正議大夫戊午復新城兩廂庚申減四京囚罪一等杖以下釋之壬戌以資政殿學士章惇為尚書左僕射兼門下侍郎范純仁罷丙寅罷五路經律通禮科丁卯詔諸路復元豐免役法戊辰同修國史蔡卞請重修神宗實錄閏月壬申復提舉常平官癸酉罷十科舉士法甲申以觀文殿學士安燾為門下侍郎丙戌復義倉丁亥詔神宗隨龍人趙世長等遷秩賜賚有差戊子詔在京諸司所受傳宣中批並候朝廷覆奏以行乙未西南張蕃遣人入貢丙申命左僕射章惇提舉修神宗國史丁酉詔添差

徐州兵馬都監五月壬寅罷修官制局甲辰罷進士  
習試詩賦令專二經立宏詞科己酉修國史曾布請  
以王安石日錄載之神宗實錄太白晝見辛亥劉奉  
世罷癸丑詔中外學官非制科進士上舍生入官者  
並罷編類元祐群臣章疏及更改事條甲寅右正言  
張商英言先帝謂天地合祭非古語禮部太常詳議  
以聞乙丑鄧潤甫卒丁卯嗣濮王宗暉薨六月甲戌  
來之邵等疏蘇軾詆斥先朝詔謫惠州丙子罷置制  
解鹽使壬午封高密郡王宗晟為嗣濮王癸未以翰  
林學士承旨曾布同知樞密院事甲申除進士引用

王安石字說之禁秋七月丁巳以御史黃履周秩諫  
官張商英言奪司馬光呂公著贈謚王巖叟贈官貶  
呂大防為秘書監劉摯為光祿卿蘇轍為少府監並  
分司南京梁燾提舉舒州靈遷觀戊午詔大臣朋黨  
司馬光以下各輕重議罰布告天下餘悉不問議者  
亦勿復言八月丙戌召輔臣觀稼後苑日有五色雲  
壬辰應制科趙天啓以累上書狂妄黜九月癸卯遣  
御史劉拯按河北水災振饑民丙午御集英殿策賢  
良方正能直言極諫科庚戌罷制科罷廣惠倉癸丑  
令監司歲察守臣課績優者以聞甲寅知廣州唐義問

坐棄渠陽砦青稜舒州團練副使庚申太白晝見丁卯詔京東西河北振恤流民戊辰流星出紫微垣冬十月丙申三佛齊遣使入貢丁酉河北流十一月巳亥朔復八路差官法壬子以冬温無雪决繫囚蔡確特追復觀文殿大學士甲寅開封男子呂安斥乘輿當斬貸之丁巳詔河北振饑諸路恤流亡官吏有善状才能顯著者以聞十二月辛未申嚴銅錢出外界法庚辰命諸路祈雪丙戌滑州浮橋火巳丑漳河决溢浸洛磁等州令計置堙塞甲午范祖禹趙彥若黃庭堅坐史事責授散官永豐黔州安置是歲京師

疫洛水溢大原地震河北水發京都粟振之

二年春月甲辰詔國史院增補先帝御集丙午立宏

詞科巳未遷奉太平興國寺三朝御容于天章閣乙

丑殿前司奏獄空詔賜緡錢二月乙亥呂大防以監

修史事貶秩分司南京安州居住辛巳出内庫錢帛

二十萬助河北振饑甲午罷廣文館解額三月巳亥

宗晟薨巳未試宏詞黃符等五人各循一資夏四月

戊辰詔職事官罷帶職朝請大夫以下勿分左右易

集賢院學士為集賢殿修撰直集賢院為直秘閣集

賢校理為秘閣校理壬申封華容郡王宗愈為嗣濮

嘉靖丙辰年

宋史卷之六

王詔許將等七人不限資格各舉才行堪備任使者  
二人丁亥詔依元豐條置律學博士二員五月乙巳  
命蔡卞詳定國子監三學及外州州學制乙卯上皇  
大妃宮名曰聖瑞六月壬辰禁京城土人輿轎秋七  
月丙辰詔大理寺復置右治獄仍依元豐例添置官  
屬八月壬申命彰信軍節度使宗景為開府儀同三  
司封濟陰郡王甲申宗愈薨乙酉錄趙普後希莊為  
閣門祗候九月甲午以安定郡王宗綽為嗣濮王壬  
寅告遷神宗神御于景靈宮顯承殿癸卯詣景靈宮  
行奉安禮戊申加上神宗謚曰紹天法古運德建功

英文烈武欽仁聖孝皇帝己酉朝獻景靈宮庚戌朝  
饗太廟辛亥大饗明堂赦天下冬十月甲子鄭雍罷  
癸酉告遷宣仁聖烈皇后神御于景靈宮徽音殿甲  
戌詣官行奉安禮以吏部尚書許將為尚書左丞翰  
林學士蔡卞為尚書右丞辛巳進封莫王顯為楚王  
辛卯河南府地震十一月己未安壽罷知河南府丙  
申太白晝見戊戌范鏐自轉運使入對言有捕盜功  
乞賜章服帝曰捕盜常職也何足言功黜知壽州甲  
寅梁惟簡除名全州安置丙辰贈蔡確為太師賜諡  
忠懷十一月乙丑復置監察御史三人分領六察不

言事令翰林學士蔡京御史中丞黃履各舉御史二人壬午白虹貫月戊子詔如元豐例五月朝獻景靈宮是歲蘇州夏秋地震桂陽監慶雲見出宮女九十一人交趾三佛齊韋蕃阿里骨入貢

三年春正月庚子韓忠彥罷知真定府甲辰朝獻景靈宮遍詣諸殿如元豐禮庚戌引見蕃官包順包誠等賜資有差詔鞠獄非本章所指而蔓求他罪者論如律乙卯詔戶部尚書勿領右曹戊午詔罷合祭間因大禮之歲夏至日躬祭地祇於北郊二月癸亥出元豐庫緡錢四百萬于陝西河東糴邊儲辛未復元

豐恤孤幼令癸酉罷富弼配饗神宗廟庭癸未詔封濮王子未王者二人宗楚爲南陽郡王宗祐爲景城郡王並開府儀同三司宗漢爲東陽郡王乙酉宗綽死丙戌詔三歲一取旨遣郎官御史按察使司職事丁亥夏人寇義合砦二月壬辰以禁中屢火罷春宴及幸池苑不御垂拱殿三日癸巳夏人圍塞門砦丁酉尚書省火戊午劍南東川地震巳亥封宗楚爲嗣濮王辛亥封太寧郡王似爲申王遂寧郡王佶爲端王丁巳幸申王端王府夏四月辛酉罷宣徽使丙子詔自今景靈宮四孟朝獻分爲二日五月壬子太白晝

見丙辰錄因六月癸亥令真定立趙普廟乙酉立北郊齊宮於瑞聖園秋七月庚戌依元豐職事官以行守試三等定祿秩罷元祐所增聚議錢甲寅令熙河立王韶廟八月辛酉夏人寇寧順砦壬戌日上有五色暈下有五色氣已卯復置檢法官庚辰以范祖禹劉安世在元祐中構造誣謗祖禹責授昭州別駕賀州安置安世新州別駕英州安置九月己亥邈川百領阿里骨卒已酉滁沂二州地震壬子楚王顥薨乙卯廢皇后孟氏爲華陽教主王清妙靜仙師賜名冲真冬十月丁巳朔以楚王薨罷文德殿視朝壬戌夏人

寇鄜延陷金明砦戊辰詔被邊諸路相度城砦要害增嚴守備辛未西南方雷聲雨雹癸酉鍾傳言築汝遮詔以爲安西城十一月丁未章惇上神宗實錄庚戌宴修實錄官十二月辛酉宗景坐以立妾罔上罷開府儀同三司判大宗正司事癸酉置施州鑄錢廣積監甲戌蔡京上新修大學敕令式詳定重修敕令遺棄饑貧小兒三歲以下聽收養爲真子孫是歲于闐大食龜茲師王國西南蕃龍氏羅氏入貢宗室子授官者四十六人

四年春正月丙戌朔不受朝群臣及遼使詣東上閣



門拜表賀班內外學制庚寅以阿里骨子瞎征襲河西軍節度使邈川首領甲午涇原路鈐轄王文振敗夏人于沒煙峽庚戌李清臣罷二月己未以三省言追貶呂公著為建武軍節度副使司馬光為清遠軍節度副使王巖叟為雷州別駕奪趙瞻傳堯俞贈謚追韓維到任及孫固范百禄胡宗愈遺表恩詔江淮巡檢依舊法招置土兵癸亥于闐末貢黑汗王攻夏人三州遣其子以聞丙寅夏人寇綏德城庚午詔國信使毋得以非例之物遣人使仍著條禁癸酉詔申王佖端王佶歲賜錢各六千五百緡丙子進神宗婉

儀宋氏為賢妃己卯復元豐權茶法庚辰罷春秋科癸未以三省言追貶呂大防為舒州團練使劉摯為鼎州團練副使蘇轍為化州別駕梁燾為雷州別駕范純仁為安武軍節度副使安置于循新雷化永五州劉奉世為光祿少卿分司南京黜韓維以下三十人輕重有差甲申降文彥博為太子少保閏月丙戌朔張天說坐上書詆訕先朝處死壬寅以曾布知樞密院事許將為中書侍郎蔡卞為尚書左丞吏部尚書黃履為尚書右丞翰林學士林希同知樞密院事癸卯大雨雹甲辰蘇軾責授瓊州別駕移昌化軍安

置范祖禹移賓州安置劉安世移高州安置己酉御  
集英殿策進士庚戌策武舉三月壬戌夏人犯麟州  
神堂堡出兵討之及進築胡山砦癸亥賜禮部奏名  
進士諸科及第出身六百九人甲子詔武舉謝師古  
等以遠人賜帛李惟岳以高年賜帛丁卯詔瀘南安  
撫司南平軍母擅誘楊光滎獻納播州疆土庚午夏  
人大至葭廬城下知石州張構等擊走之甲戌幸金  
明池丙子尅胡山新砦成賜名平羌砦辛巳西上閣  
門使折克行破夏人于長波川斬首二千餘級獲牛  
馬倍之壬午命官編類司馬光等改廢法度論奏事

狀夏四月丁亥令諸獄置氣樓涼窓設漿飲薦席粗  
械五日一浣繫囚以時沐浴遇寒給薪炭甲午熙河  
築金城關丙申詔發解省試添策一道丁酉進編臣  
僚章疏一百四十三帙己亥呂大防卒于慶州庚子  
知保安軍李沂伐夏國破洪州壬寅環慶鈐轄張存  
入鹽州俘戮甚衆及還夏人追殺之復多亡失甲辰  
置克戎砦平夏城置靈平砦丁未以西邊板築有勞  
曲赦陝西河東路追貶王珪為萬安軍司戶參軍己  
酉復文德殿侍從轉對五月丁巳文彥博薨辛酉以  
皇太妃服藥及亢旱決四京囚壬戌詔陝西添置蕃

落馬軍十指揮丁卯廢衛州淇水第二馬監穎昌府  
單鎮馬監辛未韓縝薨丁丑貶韓維為崇信軍節度  
副使六月癸未朔日有食之丁亥太白犯太微垣戊  
子宗楚薨丙申詔翰林學士吏部尚書各舉監察御  
史二人丁酉環慶路安疆砦成詔防托蕃漢官賜帛  
有差甲辰熙河進築青石峽畢工賜名西平乙巳保  
寧軍觀察留後宗漢為開府儀同三司徙封安康郡  
王巳酉太原地震太白晝見秋七月壬子朔太白晝  
見八月乙酉封湖州觀察使世開為安定郡王丙戌  
卿延將王愍復宥州戊戌封宗祐為嗣濮王築威戎

城巳酉彗出西方九月壬子以星變避殿減膳罷秋  
宴詔公卿悉心修政以輔不逮求中外直言乙卯赦  
天下出元豐庫緡錢四百萬付陝西廣羅詔歸明人  
未給田者舍以官屋戊辰彗滅癸酉謁中太一宮為  
民祈福丙子御殿復膳命宗景為開府儀同三司巳  
卯封姚儀劉氏為賢妃冬十月戊戌宗景薨壬寅廢  
安國安陽淇水監及洛陽原武監十一月丁卯詔諫議  
大夫以上各舉監察御史一人癸酉貶劉奉世為隰  
州團練副使柳州安置丁丑詔放歸田里程順涪州  
編管十二月癸未劉摯卒甲申曲宴遼使于垂拱殿

獻寶人

乙酉侍御史董敦逸坐奏對不實貶秩知興國軍是歲兩浙旱饑詔行荒政移粟振貸出宮女二十四人宣城民妻一產四男子于闐西南蕃羅氏人貢播州夷楊光榮等內附戶部主戶一千三百六萬八千七百四十一丁三千三十四萬四千二百七十四客戶六百三十六萬六千八百二十九丁三百六萬七千三百三十二大辟三千一百九十二人

元符元年春正月庚戌朔不視朝丙寅咸陽民段義得玉印一紐甲戌幸瑞聖園觀北郊齋宮二月丙戌白虹貫日庚寅詔建五王外第壬辰復罷翰林侍讀

侍講學士丁酉宗祐薨戊申知蘭州王舜臣討夏人于塞外築興平城三月壬子令三省樞密吏三歲一試刑法甲寅開楚州通漣河丙辰米脂若成丁巳五王外第成賜名懿親宅戊午封宗漢為嗣濮王殺朱崖流入陳衍壬戌申王佖端王佶並為司空令太常寺與閤門修定刈麥儀乙丑詔翰林學士承旨蔡京等辯驗段義所獻王璽定議以聞戊辰吏部郎中方澤等坐私謁后族宴聚罰金補外庚午辛申王府辛未幸端王府甲戌進封咸寧郡王侯為莘王晉寧郡王似為簡王祁國公偃為永寧郡王丙子築熙河通

會關夏四月庚辰世宗薨甲申辛睿成宮及莘王簡  
王府丙戌章惇等進神宗志銘孫嘉卒于化州壬辰  
林希罷丙申建顯謨閣藏神宗御集庚子辛睿成宮  
壬寅學士院上寶璽靈光翔鶴樂章癸卯詔學官增  
習兩經丁未曾布上明修軍馬款例五月戊申朔御  
大慶殿受天啓傳國受命寶行朝會禮己酉班德音  
于天下減囚罪一等徒以下釋之癸丑受寶恭謝景  
靈宮戊午宴紫宸殿庚申詔獻寶人段義為右班殿  
直賜絹二百匹六月戊寅朔改元丙戌遣官分詣鄜  
延涇原河東熙河按驗所築城砦甲午祭京等上常

平免役勅令秋七月乙卯詔增置大府丞一員乙丑  
勅大禮五使自今並差執政官定為令丁卯令學官  
試三經庚午詔范祖禹移化州安置劉安世梅州安  
置王巖叟朱光庭諸子並勒停不叙壬申京師地震  
八月丙子朔熙河蘭岷路復為熙河蘭會路庚辰詔  
自今三省樞密院進擬在京文臣開封推判官武臣  
橫班使副及諸路監司帥守並取旨召對丁亥詔侍  
從中書舍人以上各舉所知二人權侍郎以上舉一  
人仍指言所堪職任九月丁未以霖雨罷秋宴庚戌  
秦觀除名移雷州編管癸亥賜王安石第于京師冬

十月乙未詔武官試換文資丁酉以河北京東河溢  
遣官振卹己亥夏入寇平夏城癸卯駙馬都尉張敦  
禮坐元祐初上疏舉司馬光奪留後授環衛官十一  
月壬戌朝獻景靈宮癸亥朝饗太廟甲子祀昊天  
帝于園立赦天下是歲澶州河溢振卹河北京東被  
水者真定府忻州野蠶成繭涇原路禽夏國統軍鬼  
名阿埋等高麗賸征西南蕃張氏羅氏程氏入貢西  
蕃首領李訛哆巴訛支呂承信等內附

二年春正月甲辰朔御大慶殿以雪罷朝群臣及遼  
使詣東上閣門拜表賀群臣又詣內東門賀如儀丁

卯出內金帛二百萬備陝西邊儲二月甲戌朔令監  
司舉本路學行優異者各二人韋蕃入貢己卯詔許  
高麗國王遣士賓貢辛巳增置神臂弓詔自今應被  
旨舉官所舉不當具舉主姓名以聞甲申夏人以國  
母卒遣使告哀且謝罪却其使不納戊子鄜延鈐轄  
劉安敗夏人于神堆甲午大食人貢乙未詔吏部守  
令課績後御史臺考察黜其不實者三月丙辰遼人  
遣簽書樞密院事蕭德崇來為夏人請緩師仍獻玉  
帶築環慶路定邊城丁巳秦鳳經略司言吳名韋率  
部族寧首歸順詔名韋補內殿承制首領李嚙補右

侍禁及賜錢帛有差庚申知府州折克行獲夏國鈐  
轄令王皆保乙丑祈雨己巳幸王侯為司空夏四月  
庚辰幸幸王府令廣西提點刑獄司兼領鹽事丙戌  
築鄜延河東路驛台永烏龍砦丁亥以旱減四京囚罪  
一等杖以下釋之立丁卯詔鞠獄徒以下須結案及審  
錄覆奏然後斷遣平如令者坐之癸巳封永嘉郡王  
德為睦王遣中書舍人郭知章報聘于遼丁酉築威  
羌城五月甲辰太白晝見庚戌築鄜延路金湯城癸  
亥奉遷真宗神御于萬壽觀延聖殿曲赦陝西河東  
路減囚罪一等流以下釋之建西安州及天都等砦

乙丑進章惇官五等曾布三等許將蔡卞黃履皆二

等辛未詔幸王侯母進封婕妤六月庚辰賜

蘭會州新崇名會州城甲午賜環慶路之字平日清

平關戊戌築定邊白豹城詔工閣門使張存等轉官

賜金帛有差秋七日乙巳盛暑中外決繫囚丁未放

在京工役庚戌河北河漲沒民田廬遣官振之甲子

知環州神朴獲夏國監軍訛勃囉丙寅洮口安撫使

王瞻復邈川城西蕃首領欽彪阿成以城降八月癸酉

章惇等進新修敕令式惇讀於帝前其間有元豐所

無而用元祐敕令修立者帝曰元祐亦有可取乎惇

等對曰取其善者甲戌太原地震戊寅皇太子生辛  
巳降德音于諸路減囚罪一等流以下釋之乙酉賜  
熙河路緡錢百萬撫納部族丁亥修復會州癸巳太  
白晝見晴征降甲午建葭蘆戍為晉寧軍丙申保寧  
軍節度呂惠卿持授檢校司空九月庚子朔夏人來  
謝罪癸卯命御史點檢三省樞密院並依元豐舊制  
甲辰辛儲祥宮乙巳辛醴泉觀丁未立賢妃劉氏為  
皇后己未青詩萬隴撥以城降壬戌兩罷秋宴甲子  
右正言鄒浩論給劉氏不當立特除名勒停新州羈管  
丙寅御文德殿用皇后閏月癸酉置律學博士員詔

文王易

詳議廟制以青唐為鄯州隴右節度魏川為湟州宗  
哥城為龍支城俱隸隴右戊寅以鄯州為寧若城丙戌  
果州團練使仲忽進古方詩誌曰魯公作文王家葬  
甲午安感犯太微垣左執法己未越王茂亮冬十月  
壬子詔河北大名二十二州軍首馬步軍指揮以廣  
威保捷為名甲寅日有食之既十一月丁亥詔嚴德  
城為嚴德軍壬辰詔河東黃河遠灘地聽民耕種免  
租稅三年乙未詔學士置教授者依太學三舍法考  
選生徒并滿是月河中尉氏縣民曹一產四男子  
三年春三月甲午帝有疾不視朝丁未春安太宗皇



永泰陵

帝御容于景靈宮大定殿戊寅大赦天下蠲民租已  
卯帝崩皇太后諭遣制之弟端王即位于柩前皇太  
后禮同廢分軍國事四月己未上謚曰欽文睿武昭  
孝皇帝廟號曰哲宗七月丁卯以謚號用宗奏告天  
地宗廟社稷八月壬寅葬于永泰陵癸亥祔太廟崇  
寧三年七月加謚曰憲元繼道世德揚功欽文睿武  
齊聖昭孝皇帝政和三年改謚憲元繼道顯德定功  
欽文睿武齊聖昭孝皇帝

賚曰哲宗以幼踐祚宣仁同政初年召用馬呂諸  
賢罷青苗復常平登俊良開言路天下人心翕然向

治而元祐之政庶幾仁宗柰何熙豐舊姦屏去未盡  
已而媒孽復用卒假紹述之言務反前政報復善良  
馴致黨籍禍興君子盡斥而宋政益敝矣吁可惜哉

本紀卷第十八

本紀卷第十九

宋史十九

開府儀同三司上柱國錄軍國事尚書右丞相監修國史領修撰事都總裁脫筆

勅修

徽宗一

徽宗體神合道駿烈遜功聖文仁德憲慈顯孝皇帝  
諱佶神宗第十一子也母曰欽慈皇后陳氏元豐五  
年十月丁巳生於宮中明年正月賜名十月授鎮寧  
軍節度使封寧國公哲宗即位封遂寧郡王紹聖三  
年以平江鎮江軍節度使封端王出就傅五年加司  
空改昭德彰信軍節度元符三年正月己卯哲宗崩

皇太后垂簾哭謂宰臣曰家國不幸大行皇帝無子天下事須早定章惇勵聲對曰在禮律當立母弟簡王皇太后曰神宗諸子申王長而有目疾次則端王當立惇又曰以年則申王長以禮律則同母之弟簡王當立皇太后曰皆神宗子莫難如此分別於次端王當立知樞密院曾布曰章惇未嘗與臣等商議如皇太后聖諭極當尚書左丞蔡卞中書門下侍郎許將相繼曰合依聖旨皇太后又曰先帝嘗言端王有福壽且仁孝不同諸王於是惇為之默然乃召端王入即皇帝位皇太后權同處分軍國事庚辰赦天下

常赦所不原者百官進秩一等賞諸軍遣宋淵告哀于遼辛巳尊元帝后為元符皇后癸未追尊母貴儀陳氏為皇太妃甲申命章惇為山陵使乙酉出先帝遺留物賜近臣丙戌以中王似為太傅進封陳王賜贊拜不名丁亥進仁宗淑妃周氏神主淑妃邢氏並為貴妃賢妃宋氏為德妃戊子以章惇為特進封申國公己丑進封莘王侯為衛王守太保簡王似為蔡王睦王僖為定王並守司徒罷增八廟遷卒二月己亥始聽政尊先帝妃朱氏為聖端皇太妃壬寅以南平王李乾德為檢校太師丁未立順國夫人王氏為皇

后庚戌向宗回宗良遷節度使太后弟姪未仕者俱授以官癸未初御紫宸殿庚申以吏部尚書韓忠彥為門下侍郎資政殿大學士黃履為尚書右丞辛酉名懿親宅潛邸曰龍德宮甲子毀承極殿丙寅遣吳安憲未孝孫以遺留物遺遼國主三月戊辰朔詔宰臣執政侍從官各舉可任臺諫者庚午遣韓洽曹譜告即位于遼辛未詔追封祖宗諸子光濟等三十三人為王女四十八人為公主壬申以西蕃王隴拶為河西軍節度使尋賜姓名曰趙懷德邈川首領瞎征為懷遠軍節度使己丑以日當食降德音于四京城

囚罪一等流以下釋之庚寅錄趙普後辛卯詔求直言癸巳以寧遠軍節度觀察留後世雄為崇信軍節度使封安定郡王乙未却永興民王懷所進玉器夏四月丁酉朔日有食之己亥令監司分部決獄甲辰以韓忠彥為尚書右僕射兼中書侍郎禮部尚書李清臣為門下侍郎翰林學士蔣之奇同知樞密院事乙巳錄曹佺後丁未以帝生日為天寧節己酉長子曹生辛亥大赦天下應元符二年己前係官逋負悉蠲之癸丑鹿敏求等以應詔上書遷秩乙卯請大行皇帝謚于南郊丁巳詔范純仁等復官宮觀蘇軾等

徒內郡居住癸亥罷編類臣僚章疏局乙丑賜禮部  
奏名進士及第出身五百十八人五月丁卯朔罷理  
官失出之罰丙子詔復廢后孟氏爲元祐皇后乙酉  
蔡卞罷己丑詔追復文彥博王珪司馬光呂公著呂  
大防劉摯等三十三人官辛卯還司馬光等致仕遺  
表恩癸巳河北河東陝西饑詔帥臣計度賑恤六月  
丙申朔遼主遣蕭進忠蕭安世等來弔祭秋七月丙  
寅朔奉皇太后詔罷同聽政丁卯告哲宗欽文睿武  
昭孝皇帝謚于天地宗廟社稷戊辰上寶冊于福寧  
殿癸酉皇太后還政減天下囚罪一等流以下釋之

癸未遣陸佃李嗣徽報謝于遼罷管勾陝西京川路  
坑冶及江西廣東湖北夔梓成都路管勾措置鹽事  
官辛卯封子亶爲韓國公八月戊戌詔諸路遇民有疾  
委官監醫往視疾給藥庚子作景靈西宮奉安神宗  
神御建哲宗神御殿於其西辛丑出內庫金帛二百  
萬糴陝西軍儲壬寅葬哲宗皇帝于永泰陵丙午遣  
董敦逸賀遼主生辰呂仲甫賀正旦戊申高麗王王  
熙遣使奉表來慰庚戌詔以仁宗神宗廟永世不祧  
戊午以蔡王似爲太保癸亥祔哲宗神主于太廟樂  
曰大成之舞九月甲子詔修哲宗實錄丙寅遼遣蕭

穆來賀即位丁卯減兩京河陽鄭州囚罪一等民緣  
山陵役者蠲其賦己巳幸龍德宮辛未章惇罷丙子  
以陳王佖爲太尉丁丑詔修神宗史己丑復均給職  
田十月乙未夏國入貢丙申蔡京出知永興軍貶章  
惇爲武昌軍節度副使丁酉以韓忠彥爲尚書左僕  
射兼門下侍郎壬寅以曾布爲尚書右僕射兼中書  
侍郎乙卯升端州爲興慶軍己未詔近曲學偏見妄  
意改作以害國事者辛酉報平準務十一月丁卯詔  
修六朝寶訓降德音于端州減囚罪一等徒以下釋  
之庚午詔改明年元戊寅以觀文殿學士安燾知樞

密院事庚辰黃履罷己丑置春秋博士辛卯令陝西  
兼行銅鉄錢以禮部尚書范純禮爲尚書左丞十二  
月甲午以皇太后不豫禱于宮觀祠廟嶽瀆戊戌出  
廩粟減價以濟民辛丑慮囚甲辰詔修國朝會要戊  
申降德音于諸路減囚罪一等流以下釋之戊午遼  
人來賀正旦是歲出宮女六十九人

建中靖國元年春正月壬戌朔有赤氣起東北亘西  
南中函白氣將散復有黑浸在房癸亥有星自西南  
入尾其光燭地癸酉范純仁薨甲戌皇太后崩遺詔  
追尊皇太后曰陳氏爲皇太后丁丑易大行皇太后園

陵為山陵命曾布為山陵使已卯令河陝募人入粟  
先試注官二月丙申雨雹已亥沐秦鳳路二兵甲辰  
始聽政乙丑出內庫及諸路常平錢各百萬備河北  
邊儲丁巳貶章惇為雷州司戶參軍二月甲子始御禁  
宸殿乙丑遣使蕭恭來告其主洪基殂遣謝文瓘上  
官均等牲子祭黃寔賀其子延禧立丁丑詔以河西  
軍節度使趙懷德知澶州壬午以日當食避殿減膳  
降天下囚罪一等流以下釋之夏四月辛卯朔日食  
不見甲午上大行皇太后謚曰欽聖憲肅乙未上追  
尊皇太后謚曰欽慈丁酉御殿復膳壬寅詔諸路疑

獄當奏而不奏者科罪不當奏而輒奏者勿坐著為  
令五月辛酉朔大雨雹詔三省減吏員節冗費丙寅  
葬欽聖憲肅皇后欽慈皇后于永裕陵庚辰慈頌薨  
丙戌祔欽聖憲肅皇后欽慈皇后神主于太廟戊子  
減兩京河陽鄭州囚罪一等氏緣山陵役者蠲其賦  
六月庚寅朔以韓國公曾為開府儀同三司封京兆  
郡王戊申封向宗回為永陽郡王向宗良為永嘉郡  
王甲寅封吳王顥子孝騫為廣陵郡王顥子孝參為  
信都郡王戊午范純禮罷己未詔班鬪殺情理輕重  
格秋七月辛巳內郡置添差宗室闕丙戌安燾罷丁

亥以蔣之奇知樞密院事吏部尚書陸佃為尚書右  
丞端明殿學士章惇同知樞密院事九月己巳詔諸  
路轉運提舉司及諸州軍有遺利可以講求及冗員  
浮費當裁損者詳議以聞丙戌子裡薨冬十月乙未  
李清臣罷丁酉天寧節群臣及遼使初上壽下垂拱  
殿十一月庚申以陸佃為尚書左水吏部尚書溫益  
為尚書右丞壬戌以西蕃賒羅撒為西平軍節度使  
邈川首領辛未出御製南郊親祀樂章戊寅朝獻景  
靈宮己卯饗太廟庚辰祀天地于園丘赦天下改第  
信軍為興仁軍昭德軍為隆德軍改明年元十二年

壬辰賜陳王秘詔書不名癸卯進神宗昭儀武氏為  
賢妃丙午奉安神宗神御于景靈宮大明殿丁未  
詣宮行禮己酉略德音于西京減囚罪一等徒以下  
釋之是歲遼人來獻遺留物河東地震京畿蝗江淮  
兩浙湖南福建旱

崇寧元年春正月丁丑太原等十一郡地震詔死者  
家賜錢有差二月丙戌朔以聖瑞皇太妃疾慮囚甲  
午子宣改名烜以蔡確配饗哲宗廟建戊戌詔士有  
懷抱道德久沉下僚及學行兼備可勵風俗者待制  
以上各舉所知二人奉議郎趙論謀反伏誅庚子封



子煥為魏國公辛丑聖瑞皇太妃薨追尊為皇太后  
庚戌追封孔鯉為泗水侯孔伋為沂水侯三月丁巳  
奉安哲宗神御于景靈西宮寶慶殿戊午詣宮行禮  
壬戌以定王偲為太保壬申幸定王第夏四月己亥  
上皇太后謚曰欽成五月丁巳禁惑入斗庚申韓忠  
彥罷己巳賸征卒庚午降復太子太保司馬光為正  
議大夫太保文彥博為太子太保餘各以差奪官辛  
未詔待制以上舉能吏各二人乙亥黜後苑內侍請以  
箔金飭宮殿者丙子詔元祐諸臣各已削秩自今無  
所復問言者亦勿輒言戊寅堊欽成皇后于永祿陵

己卯陸佃罷庚辰以許將為門下侍郎溫益為中書  
侍郎翰林學士承旨蔡京為尚書左丞吏部尚書趙  
挺之為尚書右丞六月己丑祔成皇后神主于太  
廟壬辰減西京河陽鄭州囚罪一等民緣山陵役者  
蠲其賦癸卯詔六曹尚書有事奏陳許獨員上殿己  
酉太白晝見壬子改渝州為恭州癸丑詔倣唐大典  
修神宗所定官制封伯夷為清惠侯叔齊為仁惠侯  
閏月甲寅朔更名哲宗神御殿曰重光辛酉慮囚壬  
戌曾布罷甲子詔諸路州縣官有治績最著者許監  
司帥臣各舉一人壬午追貶李清臣為武安軍節度

副使癸未詔監司帥臣於本路小使臣以上及親民  
官內有智謀勇果可備將帥者各舉一人秋七月甲  
申朔建長生宮以祠熒惑丙戌詔省臺寺監及監司  
郡守並以三年成任戊子以蔡京為尚書右僕射兼  
中書侍郎己丑焚元祐法甲午詔於都省置講議司  
詔杭州明州置市舶司庚子章惇罷甲辰以兩水壞  
民廬舍詔開封府振恤壓溺者辛亥罷春秋博士八  
月乙卯子烜改名烜煥改名措乙丑罷權侍郎官辛  
未置安濟坊養民之貧病者仍令諸郡縣並置甲戌  
詔天下興學貢士建外學于國南丙子詔司馬光等

二十一人子弟毋得官京師己卯以趙挺之為尚書  
左丞翰林學士張商英為尚書右丞九月戊子京師  
置居養院以處鰥寡孤獨仍以戶絕財產給養乙未  
詔中書籍元符三年臣僚章疏姓名為正上正中正  
下二等邪上邪中邪下三等丁酉治臣僚議復元祐  
皇后及謀廢元符皇后者罪降韓忠彥曾布官追貶  
李清臣為雷州司戶叅軍黃履為祁州團練副使竄  
曾肇以下十七人已亥籍元祐及元符末宰相文彥  
博等侍從蘇軾等餘官秦觀等內臣張士良等武臣  
王獻可等凡百有二十人御書刻石端禮門庚子以

元符末上書人鍾世美以下四十一人爲正等悉加旌擢范柔中以下五百餘人爲邪等降責有差時世美已卒詔贈官仍官其子一人壬寅貶曾布爲武泰軍節度使甲辰詔元符三年建中靖國元年責降臣僚已經牽復者其元責告命並繳納尚書省冬十月癸亥蔣之奇罷戊辰詔責降宮觀人不得同一州居住甲戌以御史錢通石豫左膚及輔臣蔡京許將溫益趙挺之張商英等言罷元祐皇后之號復居瑤華宮丙子劉奉世等二十七人坐元符末黨與變法並罷祠祿戊寅以資政殿學士蔡卞知樞密院事十一

月乙酉邵州言知溪洞徽州楊光銜內附戊子以婉儀鄭氏爲賢妃辛卯置河北安濟坊癸巳置西南兩京宗正司及敦宗院戊戌置顯謨閣學士待制官戊申子楷爲開府儀同三司封高密郡王己酉立卿監郎官三歲黜陟法十二月癸丑論棄湟州罪貶韓忠彥爲崇信軍節度副使曾布爲賀州別駕安燾爲寧國軍節度副使范純禮分司南京庚申鑄當五錢辛酉贈哲宗子鄧王茂爲皇太子謚獻愍丁丑詔諸邪說詖行非先聖賢之書及元祐學術政事並勿施用是歲京畿京東河北淮南蝗江浙熙河漳泉潭衡郴

州興化軍旱辰沅州徭入寇出宮女七十六人

二年春正月辛巳朔乙酉竄任伯雨陳瓘龔夬鄒浩于嶺南馬涓等九人分貶諸州知荆南舒亶平辰流州徭賊復誠徽州改誠州爲靖州徽州爲蒔竹縣壬辰溫益卒乙巳以復荆湖疆土曲赦兩路丙午以涇寒令監司分部決獄丁未以蔡京爲尚書左僕射兼門下侍郎二月辛亥安化蠻入寇廣西經略使程節敗之壬子遣官相度湖南北徭地取其材植入供在京營造甲寅進元符皇后爲太后宮名崇恩辛酉置殿中監癸亥奉安哲宗御容于西京會聖宮及應天

院丙子置諸路茶場三月壬午進仁宗充儀張氏爲賢妃乙酉減西京囚罪一等詔黨人子弟毋得擅到闕下其應緣趨附黨人罷任在外指射差遣及得罪停替臣僚亦如之丁亥御集英殿策進士癸卯賜禮部奏名進士及第出身五百三十八人其嘗上書在正等者升甲邪等者黜之夏四月甲寅詔侍從官各舉所知二人乙卯于闐入貢丁卯詔毀呂公著司馬光呂大防范純仁劉摯范百祿梁燾王巖叟景靈西京繪像己巳以初謁景靈宮赦天下乙亥詔毀刊行唐鑑并三蘇秦黃等文集戊寅以趙挺之爲中書侍

卽張商英為尚書左丞戶部尚書吳居厚為尚書右丞兵部尚書安惇同知樞密院事奪王珪贈謚追毀程頤出身文字其所著書令監司覺察五月辛巳以賢妃鄭氏為淑妃癸巳以陳王佖為太師丙戌貶曾布為廉州司戶參軍己亥封子楫為楚國公丙午冊元符皇后劉氏為太后六月壬子冊王氏為皇后庚申詔元符末上書進士類多詆訕令州郡遣入新學依大學自訟齋法候及一年能革心自新者許將來應舉其不變者當屏之遠方壬戌慮囚是月中太一宮火復湟州秋七月己卯學士院火辛巳以復湟州

進蔡京官三等蔡卞以下二等壬午白虹貫日甲申降德音于熙河蘭會路減囚罪一等流以下釋之庚寅曾肇責授濮州團練副使辛卯詔上書進士見充三舍生者罷歸丁酉詔自今戚里宗屬勿復為執政官著為令乙巳詔責降人子弟毋得任在京及府界差遣八月丁未朔再論棄湟州罪貶韓忠彥為磁州團練副使安燾為祁州團練副使范純禮為靜江軍節度副使削蔣之奇秩三等戊申張商英罷辛酉詔張商英入元祐黨籍九月辛巳詔宗室不得與元祐姦黨子孫為婚姻庚寅封子樞為吳國公詔上書邪

宋史本紀卷第九十一  
十一  
等人知縣以上資序並與外祠選人不得改官及為  
縣令壬辰置醫學癸巳令天下郡皆建崇寧寺辛丑  
改吏部選人自承直郎至將仕郎七階令天下監司  
長吏廳各立元祐姦黨碑甲辰詔郡縣謹祀社稷冬  
十一月庚辰以元祐學術政事聚徒傳授者委監司  
舉察必罰無赦十二月癸亥祀宣祖皇帝昭憲皇后  
丙寅詔六曹長貳歲考即官治狀分三等以聞是歲  
諸路蝗纂府蠻楊晟銅融州物晟天邵州黃聰內附  
三年春正月己卯安化蠻降辛巳詔上書邪等人毋  
得至京師戊子鑄當十大錢壬辰增縣學弟子員甲

午賜蔡京子攸進士出身癸卯太白晝見甲辰鑄九  
鼎二月丙午以淑妃鄭氏為貴妃以刑定元豐役法  
不當黜錢適以下九人丁未置漏澤園己酉詔王珪  
章惇別為一籍如元祐黨詔自今御後殿許起居郎  
舍人侍立壬子以楚國公楫為開府儀同三司封南  
陽郡王庚申令天下坑冶金銀復盡輸內藏辛未兩  
霄三月辛巳置文繡院丁亥作園土以居強盜貸歿  
者甲午躋欽成皇后神主於欽慈皇后之上辛丑大  
內災夏四月乙巳以火災降德音于四京減囚罪一  
等流以下原之乙卯復鄯州建為隴右都護府辛酉

徙封楫爲樂安郡王復廓州乙丑罷講議司己巳曲  
赦陝西壬申楫薨五月戊寅罷開封權知府置牧尹  
少尹改定六曹以吏戶儀兵刑工爲序增其負數倣  
唐六典易胥吏之稱己卯以復鄯廓蔡京爲守司空  
封嘉國公庚辰許將趙挺之吳居厚安惇蔡卞各轉  
三官甲申改鄯州爲西寧州仍爲隴右節度辛丑詔  
黜守臣進金助修宮庭者六月壬寅朔圖熙寧元豐  
功臣於顯謨閣癸酉以王安石配饗孔子廟丙午增  
諸州學未立者壬子置書畫筭學占城入貢戊午詔  
重定元祐元符黨人及上書邪等者合爲一籍通三

百九人刻石朝堂餘並出籍自今毋得復彈奏辛酉  
復置太醫局癸亥慮囚乙丑詔內外官毋得越職論  
事僥倖奔競違者御史臺彈奏七月癸酉以婉儀王  
氏爲德妃庚辰詔自今大禮不受尊號羣臣毋上表  
辛卯行方田法八月庚子詔諸路知州通判增入主  
管學事四字壬寅大雨壞民廬舍令收瘞死者甲辰  
蔡京上神宗史丙午許將罷九月乙亥以趙挺之爲  
門下侍郎吳居厚爲中書侍郎翰林學士承旨張康  
國爲尚書左丞刑部尚書鄧洵武爲尚書右丞壬辰  
詔諸路州學別置齋舍以養材武之士冬十月辛丑

朔大雨雹丁未賢妃張氏薨丙辰命官編類六朝勲  
 臣戊午夏人入涇原圍平夏城寇鎮戎軍庚申熙河  
 蘭會路經略安撫使王厚言河西軍節度使趙懷德  
 等出降己巳立九廟復翼祖宣祖庚午貴妃邢氏薨  
 十一月甲戌幸太學官論定之士十六人遂幸辟雍  
 賜國子司業吳綱蔣靜四品服學官推恩有差丙戌  
 封子祀為冀國公丁亥詔取士並繇學校罷發解及  
 省試法科場如故事癸巳更上神宗謚曰體元顯道  
 帝德王功英文烈武欽仁聖孝皇帝加上哲宗謚曰  
 憲元繼道顯德定功欽文睿武齊聖昭孝皇帝甲午

朝獻景靈宮乙未饗太廟丙申祀昊天上帝于園丘  
 赦天下與仁隆德軍為府遠使信昭德舊節十二  
 月乙巳并通遠軍為置州戊午賜陳太師入朝不趨  
 是歲諸路蝗出男女六十一人瘞於海陽戍免等  
 內附

本紀卷第九

宋史本紀卷第九



本紀卷第二十

宋史二十

開府儀同三司桂國錄軍國重事節書右丞相兼國史預選事都總裁晚等奉勅修

徽宗二

四年春正月庚午朔改熙河蘭會路為熙河蘭湟路  
丙戌築溪哥城壬辰詔察諸路監司貪虐者論其罪  
丙申詔京畿路改置轉運使提點刑獄官蔡卞罷立  
武學法丁酉秦鳳蕃落獻邦潘疊三州以內侍童貫  
為熙河蘭湟秦鳳路經略安撫制置使二月乙巳築  
御謀城己酉置親衛勳衛翊衛郎中郎等官以勳戚

近臣之兄弟子孫有官者試充甲寅以張康國知樞密院事兵部尚書劉逵同知樞密院事吏部尚書何執中為尚書左丞乙卯班方田法庚申詔西邊用兵能招納羌人者與斬級同賞壬戌升趙州為慶源軍甲子雨雹乙丑改三衛郎為侍郎閏月壬申復元豐銓試斷按法令州縣倣尚書六曹分六案甲申置陝西河東河北京西監鑄當二夾錫鐵錢己丑御端門受趙懷德降授感德軍節度使封安化郡王壬辰曲赦熙河蘭湟路三月壬寅置清海馬監甲辰以趙挺之為尚書右僕射兼中書侍郎丙午詔建古王砮為

懷遠軍庚戌令呂惠卿致仕戊午復銀州乙丑詔州縣屬鄉聚徒教授者非經書子史毋習丁卯牂牁夜即首領以地降是日夏人攻塞門砮夏四月辛未遼遣蕭良來為夏人求還侵地及退兵戊寅夏人攻臨宗砮辛巳詔諸路走馬承受毋得預軍政及邊事己丑夏人寇順寧砮鄜延第二副將劉延慶擊破之復攻湟州北蕃市城知州辛叔獻等擊却之五月戊申除黨人父兄子弟之禁壬子遣林摠報聘于遼賜張繼先號虛靖先生癸丑罷轉運司檢察鈞考法辛酉命官分部決獄六月丙子復解池鹽占城入貢丁丑

慮囚辛巳罷陝西河東力役甲申曲赦熙河陝西河  
東京西路戊子趙挺之罷秋七月丙申朔罷三京國  
子監官各置司業一員辛丑置熒惑壇置四輔郡以類  
昌府為南輔襄邑縣為東輔鄭州為西輔澶州為北  
輔甲寅詔奪元祐輔臣墳寺丁巳還上書流人戶部  
尚書曾孝廣坐錢帛皆闕出知杭州八月戊辰以德  
妃王氏為淑妃庚午以王江古州歸順置提舉溪洞  
官二員改懷遠軍為平州丙子以東輔為拱州甲甲  
奠九鼎于九成宮乙酉詣宮酌獻辛卯賜新樂名大  
晟置府建官壬辰遣劉正夫使遼九月己亥赦天下

乙巳詔元祐人貶謫者以次徙近地惟不得至畿輔  
詔京畿三路保甲並於農隙時教閱乙卯賜上舍生  
三十五人及第丙辰詔自今非宰臣母得除特進冬  
十月自七月雨至是月不止甲申以左右司所編紹  
聖元符以來申明斷例班天下刑名例班刑部大理  
司丁亥升武岡縣為軍戊子詔上書進士未獲者限  
百日自陳免罪壬辰日中有黑子十一月戊戌安定  
郡王世雍薨丙辰置諸路提舉學事官己未章惇卒  
十二月癸酉升拱州為保慶軍甲申分平州置允州  
格州是歲蘇湖秀三州水賜乏食者粟泰州禾生稽

稽音昌禾不  
因播種而自生

五年春正月戊戌彗出西方其長竟天庚子復置江湖淮浙常平都倉甲辰以吳居厚為門下侍郎劉逵為中書侍郎乙巳以星變避殿損膳詔求直言闕失毀元祐黨人碑復謫者仕籍自今言者勿復彈糾丁未太白晝見赦天下除黨人一切之禁權罷方田戊申詔侍從官奏封事已酉罷諸州歲貢供奉物庚戌詔崇寧以來左降者各以存歿稍復其官盡還諸徒者辛亥御殿復膳壬子罷園土法丁巳罷書畫算醫四學壬戌復書畫算學二月甲子朔詔監司條奏民間疾苦丙寅蔡京罷為開府儀同三司中太一宮使以觀

文舉大學士趙挺之為特進尚書右僕射兼中書侍郎庚午詔翰林學士兩省官及館閣自今並除進士出身人壬申省內外冗官罷醫官兼官觀者蒲甘國入貢丁丑以前後所降御筆手詔模印成冊班之中外州縣不遵奉者監司按劾監司推行不盡者諸司互察之三月丙申詔星變乙酉罷求直言辛丑改威德軍為石堡壘封眉州防禦使世福為安定郡王癸卯御集英殿策進士丁未罷諸州武學乙卯廢銀州為銀州城丙辰蔡王似薨己未賜禮部奏名進士及第出身六百七十一人夏四月丁丑傳免兩浙水災州郡夏

魏五月丁未班紀元曆辛亥對子相為魯國公乙卯  
罷碑果書後元豐懷法六月癸亥立諸路監司互察  
法在唐不舉者罪之仍令御史臺糾劾格州為從  
州甲子詔求隱逸之士令監司審覈保奏其緣私者  
御史察之丁卯詔輔臣條吳東南守備策壬申慮囚  
秋七月庚寅朔日當食不食壬寅詔改明年元九月辛  
丑濟南府勅未與老軍同士卒冬十月己卯升澶州為  
開德府庚辰降勅書于開德府減罪囚一等徒以下  
釋之十一月辛卯陳王佖薨乙巳詔立武士貢法辛  
亥併京畿提刑入刑部司十二月戊午朔日當食不

聖群臣稱賀己未劉遵罷壬戌詔臣僚休日請對特  
御使殿已巳詔監司按事有懷姦挾情不盡實者流  
竄不叙是歲廣西黎洞章晏開等內附

大觀元年春正月戊子朔赦天下甲午以蔡京為尚  
書左僕射兼門下侍郎戊戌幸興德禪院復廢官庚  
子置儀禮局於尚書省辛酉降于帝殿丙祥臣稱賀  
壬寅吳居厚罷戊申進封衛王侯為魏王定王佖為  
鄧王壬子以何執中為中書侍郎鄧洵武為尚書左  
丞戶部尚書梁子美為尚書右丞乙卯封仲損為南  
康郡王仲御為汝南郡王二月壬戌以向宗回為開

府儀同三司徙封安康郡王甲子以黎洞納土曲赦  
廣西乙亥復醫學已卯復行方田丙戌以平昌郡君  
韋氏為才人三月丁酉趙挺之罷以何執中為門下  
侍郎鄧洵武為中書侍郎梁子美為尚書左丞吏部  
尚書朱諤為右丞甲辰立八行取士科癸丑趙挺之  
卒夏四月乙丑以淑妃王氏為貴妃五月己丑封于  
祿為揚國公朝散郎吳儲承議郎吳侔坐與妖人張  
懷素謀反伏誅貶呂惠卿為郴州團練副使庚寅鄧  
洵武罷甲午詔非新樂于天下癸卯詔自今凡總一路  
及監司之任勿以元祐學術及異意人充選以安化

高宗

蠻犯邊益兵赴廣西討之乙巳子構生六月己未以  
梁子美為中書侍郎丙戌詔景靈宮建億祖殿室中  
子以黎人也為庭學二州癸酉賜上舍生二十九人及  
第乙亥朱諤卒丁丑應內甲申以才人韋氏為婕妤  
秋七月乙酉朔伊洛澆民丁詔括天下漏丁壬寅班  
祭服于州郡乙巳賈妣武氏薨八月乙卯曾布卒丁  
巳封子構為蜀國公庚申以戶部尚書徐處仁為尚  
書右丞吏部尚書林摠同知樞密院事己巳降德音  
于淮海吳楚二十六州減囚罪一等流以下釋之九  
月庚寅建顯烈觀於陳橋己酉加上億祖謚曰立道

肇基精德起功懿文憲武睿和至孝皇帝朝獻景靈宮庚戌饗太廟辛亥大饗明堂赦天下升永興軍為大都督府章純坐冒法竄海島李景直等四人以上書觀望罪並編管嶺南冬十月己未詔去有亦武絕倫者歲貢華文士上舍上等法辛酉蘇州地震乙丑貶張商英為安化軍節度副使己巳大雨雹閏月丙戌以林摠為尚書左丞資政殿學士鄭居官同知樞密院事乙未詔守令必戶口為殿最斗桂州為大都督府鎮州為靖海軍節度壬申禁用翡翠乙巳升太原府鄆州並為大都督府十一月壬子朔日有食之蔡

京等以不及所當食分率羣臣稱賀乙丑置符寶郎已巳升瀛州為河間府瀛海軍節度戊寅南丹州刺史莫公佷降徐處仁以母憂去位十二月庚寅以蔡京為太尉進何執中以下官二等癸巳以江寧荆南楊杭越洪福潭廣桂並為帥府置黔南路丁酉置開封府府學己亥以婉容喬氏為賢妃開溟河是歲秦鳳旱京東水河溢遣官振濟貸被水戶租廬州雨豆汀懷二州慶雲見乾寧軍同州黃河清于闐夏國入貢涪州夷駱世華駱文貴內附

二年春正月壬子朔受八寶于大慶殿赦天下文武

進位一等蔡京表賀符瑞乙卯以婉儀劉氏爲德妃  
己未蔡京進太師加童貫節度使仍宣撫庚申進封  
魏王俟爲燕王鄧王偲爲越王並爲太尉京兆郡王  
桓爲定王高密郡王楷爲嘉王並爲司空吳國公樞  
爲建安郡王冀國公杞爲文安郡王楚國公榘爲安  
康郡王楊國公棫爲濟陽郡王蜀國公構爲廣平郡  
王並爲開府儀同三司甲子以神宗德妃宋氏劉氏  
爲淑妃賢妃喬氏爲德妃庚午徙封仲損爲齊安郡  
王仲御爲華陽郡王孝騫爲晉康郡王孝參爲豫章  
部王並開府儀同三司封仲增爲信安郡王仲忽爲

普安郡王仲癸爲咸安郡王仲僕爲同安郡王仲糜  
爲淮安郡王戊寅徙封向宗回爲漢東郡王向宗良  
爲開府儀同三司仲損薨河東北盜起二月甲申置  
諸路曹掾官甲午詔建徽猷閣藏哲宗御集置學士  
直學士待制官己亥以安德軍節度使錢景臻爲開  
府儀同三司庚戌以婕妤郭氏爲修容三月庚申班  
金錄靈寶道場儀範于天下甲子封子材爲魏國公  
乙亥封子模爲鎮國公戊寅賜上舍生十三人及第  
升乾寧軍爲清州詔監司歲舉所部郡守二人縣令  
四人赴三省審察夏四月甲辰復涇州五月庚戌朔



日有食之幸文惠囚以復洮州功賜蔡京玉帶加童  
貫檢校司空仍宣撫甲寅復諸路歲貢供奉物壬戌  
漢哥王子臧征樓哥降復積石軍戊辰詔官蔡京子  
孫一人進執政官一等六月乙酉以涪夷地爲珍州  
甲午以平夏城爲懷德軍乙未以殿中六尚筭學太  
官局翰林儀鸞司皆隸太僕秋七月庚戌罷建僖祖  
殿室乙卯以婉容王氏爲賢妃八月辛巳邢州河水  
溢壞民廬舍復被水者家丙申中書侍郎梁子美罷  
知鄆州己亥置保州敦宗院九月辛亥以林攄爲中  
書侍郎吏部尚書余深爲尚書左丞壬戌貶向宗回

爲太子少保致仕壬申封子植爲吳國公癸酉皇后  
王氏崩削向宗回官爵丙子曲赦熙河蘭湟秦鳳永  
興軍路冬十一月丁未朔太白晝見乙丑上大行皇  
后謚曰靖和十二月壬寅陪塋靖和皇后于永裕陵  
是歲同州黃河清出宮女七十有七人于闐夏國入  
貢涪夷任應舉楊文貴湖南徭楊再光內附

三年春正月乙卯祔靖和皇后神主于別廟己未減  
兩京河陽鄭州囚罪一等民緣園陵役者蠲其賦丁  
卯以涪夷地爲承州甲戌升湟州爲饗德軍節度二  
月丙子朔擢州楊文貴納土以其地置遵義軍丁丑

韓忠彥致仕三月丙午立海商越界法庚戌御集英殿策進士辛酉詔四川郡守並選內地人任之壬戌併黔南入廣西路乙丑賜禮部奏名進士及第出身六百八十五人壬申張康國卒夏四月戊寅林攄罷戊子以淑妃劉氏為貴妃癸巳以鄭居中知樞密院事吏部尚書管師仁同知樞密院事癸卯以余深為中書侍郎兵部尚書薛昂為尚書左丞工部尚書劉正夫為尚書右丞五月乙巳朔孟翊獻所畫卦象謂宋將中微宜更年號改官名變庶事以厭之帝不樂詔竄遠方丙辰令辟雍宴用雅樂丁巳慮囚戊辰大雨

孟翊畫卦

遷幸未以德妃喬氏為貴妃六月甲戌朔詔元管師仁罷丁丑蔡京罷辛丑以何執中為特進尚書左僕射兼門下侍郎以瀘五州為純滋二州庚寅冀州河水溢秋七月丁未詔以諸籍人除元祐姦黨及得罪宗廟外餘並錄用丙辰詔罷都提舉茶事司在京令戶部在外令轉運司主之八月乙酉封子朴為雍國公己丑嗣濮王宗漢薨甲午以仲瑋為開府儀同三司封嗣濮王丙申升徽州為清遠軍節度己亥韓忠彥薨九月癸丑封子棣為徐國公己未賜天下州縣藏書賜名捨古冬十月癸丑戒六尚局供奉物十

一月丁未詔葬學以黃帝為先師風后等八人配饗  
巫咸等七十人從祀己巳蔡京進封楚國公致仕仍  
襲其者宗室錄朝朔望十二月己亥罷東南鑄夾錫  
錢是歲江淮荆浙福建旱春鳳階成饑發粟振之蠲  
其賦陝州同州黃河清閭婆占城夏國入貢瀘州夷  
王慕弱內附

四年春正月癸卯罷改鑄當十錢辛酉詔士庶拜僧  
者論以大不恭丁卯夏國入貢二月庚午朔禁然頂  
煉臂剝血斷指庚辰罷京西錢監甲申詔自今以賞  
進秩者毋過中奉大夫己丑以余深為門下侍郎資

政殿學士張商英為中書侍郎戶部尚書侯蒙同知  
樞密院事壬辰罷河東河北京東鑄夾錫鐵錢三月  
庚子募饑民補禁卒詔醫學學生併入太醫局算入太  
史局書入翰林書藝局畫入翰林畫圖局學官等並  
罷甲寅勅所在振恤流民癸亥詔罪廢人稍加甄叙  
能安分守者不俟滿歲各與叙進以責來効丙寅賜  
上舍生十五人及第戊辰詔上書邪下等人可依無  
過人例今後改官升任並免檢舉夏四月己卯班樂  
尺于天下癸未蔡京上哲宗實錄丙申立感生帝壇  
丁酉詔脩哲宗史五月壬寅停僧牒三年丁未彗出

奎婁甲寅立詞學兼茂科丙辰詔以慧見避殿減膳  
令侍從官直言指陳闕失戊午赦天下壬戌改廣西  
黔南路爲廣南西路癸亥治廣西妄言拓地罪追貶  
帥臣王祖道爲昭信軍節度副使甲子貶蔡京爲太  
子少保丙寅余深罷六月庚午御殿復膳乙亥以張  
商英爲尚書右僕射兼中書侍郎壬辰復向宗回爲  
開府儀同三司漢東郡王乙未慮囚丙申薛昂罷秋  
七月辛丑復罷方田戊申封子樛爲冀國公八月乙  
亥以劉正夫爲中書侍郎侯蒙爲尚書左丞翰林學  
士承旨鄧洵仁爲尚書右丞戊寅省內外冗官庚辰

花石綱

以資政殿學士吳居厚爲門下侍郎丁亥行內外學  
官選試法閏月辛丑詔諸路事有不便於民者監司  
條奏之癸卯改陵井監爲仙井監辛酉詔戒朋黨以  
張閣知杭州兼領花石綱九月丙寅朔日有食之冬  
十月丁酉立貴妃鄭氏爲皇后鄭居中罷戊戌太白  
晝見以吳居厚知樞密院事十一月乙丑朔朝景靈  
宮丙寅饗太廟丁卯祀昊天上帝于圓丘赦天下改  
明年元丙戌罷拱州爲襄邑縣十二月庚戌改益靖  
和皇后爲惠恭是歲夔州江水溢海水清出宮女四  
百八十六人南丹州首領莫公晟內附

政和元年春正月己巳以賢妃王氏爲德妃壬申襲  
京師淫祠一千三十八區戊寅封子拱爲定國公丙  
戌廢白龔二州壬辰詔百官屬名節二月壬寅冊皇  
后乙巳詔陝西河東復鑄夾錫錢丙午以太子少師  
鄭紳爲開府儀同三司三月己巳詔監司督州縣長  
吏勸民增植桑柘課其多寡爲賞罰癸酉以吏部尚  
書王襄同知樞密院事夏四月乙卯罷陝西河東鑄  
夾錫錢丙辰慮囚立守令勸農黜陟法丁巳以淮南  
旱降囚罪一等徒以下釋之五月癸亥詔四川羨餘  
錢物歸左藏庫戊辰改當十錢爲當三己卯東南有

紅鹽

星晝隕丁亥解池生紅鹽六月甲寅復蔡京爲太子  
少師秋七月壬申以疾愈赦天下癸未廢平從二州  
爲砦八月乙未復蔡京爲太子太師丁巳張商英罷  
戊午詔監司部內官吏一歲中有犯罪至三人以上  
雖不及三人而或有曾薦舉者罪及監司九月戊寅  
王襄罷丁亥封子斌爲廣國公是月鄭允中童貫使  
遼以李良嗣來良嗣獻取燕之策詔賜姓趙冬十月  
辛卯以用事之臣多險躁朋比下詔申儆庚戌封昭  
化軍節度使宗粹爲信安郡王辛亥貶張商英爲崇  
信軍節度副使十一月壬戌以上書邪等及曾經入

籍人並不許試學官丙子封子榛為福國公十二月  
巳酉詔臺諫以直道覈是非毋憚大吏毋比近習辛  
亥廢鎮州升瓊州為靖海軍是歲虔州芝草生蔡州  
瑞麥連野河南府嘉禾生野蠶成繭出宮女八十人  
交趾夏國入貢

本紀卷第二十一

本紀卷第二十一

宋史二十一

開儀司司程國錄國事節書右丞相監修國史領經筵事都總裁臣脫脫等奉  
勅

徽宗三

二年春正月甲子制上書邪等人並不除監司二月  
戊子朔蔡京復太師致仕賜第京師庚子以婉容崔  
氏為賢妃三月戊午朔定國公拱薨巳巳御集英殿  
策進士巳卯賜禮部奏名進士及第出身七百十三  
人夏四月巳丑詔縣令以十二事勸農於境內躬行  
阡陌程督勤惰辛卯復行方田日中有黑子甲午宴

蔡京等于太清樓乙巳以定國軍節度使仲忽爲開  
府儀同三司庚戌以何執中爲司空壬子賜張商英  
自便五月癸亥慮囚丁卯封子椿爲慶國公己巳蔡  
京落致仕三日一至都堂議事六月己丑以資政殿  
學士余深爲門下侍郎乙卯白虹貫日秋七月壬申  
訪天下遺書丙子置禮制局九月壬午改太尉以冠  
武階癸未正三公三孤官改侍中爲左輔中書令爲  
右弼左右僕射爲太宰少宰罷尚書令冬十月乙巳  
得玉圭於民間十一月己未置知客省引進四方館  
東西上閣門事戊寅日南至受元圭于大慶殿赦天

下辛巳蔡京進封魯國公以何執中爲少傅太宰兼  
門下侍郎執政皆進秩十二月甲申行給地牧馬法  
乙酉以鄭居中爲特進丙戌以武信軍節度使童貫  
爲太尉乙巳定命婦名爲九等丙午燕輔臣于延福  
宮辛亥封子樞爲衛國公是歲成都府蘇州火出宮  
女三百八十三人高麗入貢成都路夷人董舜咨董  
彥博內附置棋亭二州

三年春正月己未以定王桓嘉王楷並爲太保庚申  
以廣平郡王構爲檢校太保甲子詔以天賜元圭遣  
官冊告永裕永泰陵丙寅以燕王俣爲太傅癸酉追

封王安石為舒王子雱為臨川伯配饗文宣王廟丁  
 丑吳居厚罷以觀文殿學士鄭居中知樞密院事巳  
 卯以越王偁為太傅封子榘為韓國公二月甲申以  
 德妃王氏為淑妃庚寅罷文臣勲官辛卯崇恩太后  
 暴崩甲午以遼女真相持詔河北沿邊防丁酉詔百  
 官奉祠祿者並以三年為任乙巳增定六朝勲臣一  
 百一十六人三月壬子朔日有食之戊辰進神宗淑妃  
 宋氏為貴妃升永安縣為永安軍癸酉賜上舍生十  
 九人及第夏四月戊子作保和殿庚寅以復溱播等  
 州降德音于梓夔路癸巳鄧洵仁罷乙巳以福寧殿

帝姬

東建玉清和陽宮丙午升定州為中山府巳酉以資  
 政殿學士薛昂為尚書右丞庚戌班五禮新儀閏月  
 丙辰改公主為帝姬戊午復置醫學立酒上崇恩太  
 后謚曰昭懷庚子慶國公椿薨五月乙酉慮囚丙申  
 升蘇州為平江府庚子大盈倉火壬寅以張洎進  
 執政官一等丙午葬昭懷皇后于永泰陵丁未詔尚  
 書內省分六司以掌外省六曹所上之事置內宰副  
 宰內史治中等官及都事以下吏員巳酉班新樂  
 六月癸亥祔昭懷皇后神主于太廟戊辰降兩京河  
 陽鄭州囚罪一等民緣園陵役者蠲其賦秋七月癸



未升趙城縣為慶祚軍甲申還王珪孫固贈道復  
 韓忠言而安壽李清巨黃履等官職庚子首死劉  
 氏晏士寅授置白州八月甲戌以燕樂處進執政官  
 二等乃以何執中為少師丁丑升潤州為鎮江府  
 戊寅封四鎮山為王九月庚寅詔大理寺開封府不  
 得奏獄空其給恩支賜並罷戊戌追冊貞妃劉氏為  
 皇后諡曰明達冬十月乙丑闕新樂器于崇政殿出  
 古器以示百官戊辰詔冬祀大禮及朝景靈宮並以  
 道士百人執威儀前導冬十一月壬午朝獻景靈宮  
 壬午饗太廟加上神宗諡曰體元顯道法百立憲帝

德王功英文烈武欽仁聖孝皇帝改上哲宗諡曰憲  
 元繼道世德揚功欽文睿武齊聖昭孝皇帝癸未祀  
 昊天上帝于園丘大赦天下升端州為興慶府乙酉  
 以天神降詔告在位作天真降臨示現記己丑以賢  
 妃崔氏為德妃壬辰築祥州己亥詔有官人許舉八  
 行十二月癸丑詔天下訪求道教仙經乙卯詔天下  
 貢醫士辛酉太白晝見是歲江東旱溫封滋三州火  
 出宮女二百七十有九人

四年春正月戊寅朔置道階凡二十六等辛丑追封  
 濮王子宗誼為祁王宗詠為萊王宗師為溫王宗輔

為楚王宗博為蕭王宗沔為霍王宗蓋為建王宗勝  
為袁王二月丁巳賜上舍生十七人及第癸亥改清  
井監為長寧軍祭酉長子桓冠三月丙子朔以淑妃  
王氏為貴妃夏四月庚戌幸尚書省以手詔訓誡蔡  
京何執中各官遷秩吏賜帛有差祭丑闕大學辟雍  
諸生雅樂甲子改戎州為叙州五月丙戌始祭地于  
方澤以太祖配降德音于天下子機薨六月戊午慮  
囚壬申以廣西溪洞地置隆安二州秋七月丁丑置  
保壽粹和館以養宮人有疾者戊寅焚苑東門所儲  
毒藥可以殺人者仍禁勿得復貢甲午祔明達皇后

神主于別廟八月乙巳改端明殿學士為延康殿學  
士樞密直學士為述古殿直學士癸亥定武臣橫班  
以五十員為額九月己卯以安撫靜軍節度使王憲為  
開府儀同三司己亥詔諸路兵應役京師者並以十  
月朔遣歸冬十月乙巳復置興州十一月丁丑封子  
挺為相國公十二月己酉以禁中神御殿成減天下  
囚罪一等癸丑定朝儀奉直大夫以八十員為額己  
未詔廣南市舶司歲貢真珠犀角象齒是歲相州野  
蠶成繭出宮女六十人

五年春正月庚辰瀘南晏州夷反尋詔梓州路轉運

使趙邁等督兵討平之己丑令諸州縣置醫學立貢  
額甲午改龍州為政州二月乙巳立定王柁為皇太  
子甲寅冊皇太子赦天下庚午以童貫領六路邊事  
三月辛未朔太白晝見己卯御集英殿策進士甲申  
追論至和嘉祐定策功封韓琦為魏郡王復文彦博  
官丁亥詔以立皇太子見責降文武臣僚並與牽復  
甄赦凡千五百人壬辰升舒州為德慶軍癸巳賜禮  
部奏名進士出身六百七十人夏四月甲辰作葆真  
宮丁未詣景靈宮還幸秘書省進館職官一等庚戌  
改集賢殿為右文殿癸亥置宣和殿學士詔東宮講

讀史五月壬辰慮囚六月癸丑以脩三山河  
橋降德音于河北京東京西路秋七月戊辰朔日有  
食之乙亥升汝州為陸海軍丁丑詔建明堂于寢殿  
之南甲申昭慶軍節度使蔡卞為開府儀同三司丁  
亥封子樾為瀛國公八月己酉以秘書省地為明堂  
辛亥升通利軍為滑州平川軍節度嗣濮王仲增薨  
九月己卯封仲御為嗣濮王丙戌封子樸為惠國公  
冬十月癸卯以嵩山道人王仔昔為冲隱處士戊午  
夏國入貢十一月癸酉錄昭憲皇后杜氏之裔庚寅  
萬巖遣子弟入學十二月己亥升遂州為遂寧府庚

申以平晏夷曲赦四川癸亥置緣邊安撫司于瀘州  
是歲平江府常湖秀州水出宮女五十人

六年春正月戊子以瀘南獻捷轉宰執一官以童貫

宣撫陝西河北閏月壬寅升穎州為順昌府丁未置

道學三月丁亥詔增廣天下學舍庚寅詔廣京城三

月癸丑賜上舍生十一人及第夏四月乙丑會道士

于上清寶籙宮辛未以何執中為太傅致仕朝朔望

丁丑詔天寧諸節及壬戌日按以下罪聽贖丙戌卻

監司守臣進獻庚寅詔癸亥三日一朝正公相位總

治三省事五月丁酉廢錫錢庚子以鄭居中為少保

太宰兼門下侍郎劉正夫為特進少宰兼中書侍郎

壬寅以保大軍節度使鄧洵武知樞密院事六月

丙寅班中書官制癸午慮囚甲戌詔堂吏淨官至

奉直大夫止癸未皇太子純如朱氏秋七月壬辰朔

以震武城為震武軍甲午以德妃崔氏為貴妃辛亥

以河陽三城節度使三薦為開府儀同三司諸盜晏

州下漏沉州黃安後定邊軍李玘等伏誅詔函首

于甲庫壬子曲赦湖地己未解池生紅蓋辛酉改走

馬承受公事為庶訪使者八月壬戌朔戒北邊帥臣

毋生事壬午詔天下監司郡守搜訪嚴谷之士雖恢

詭譎怪自博者悉以名聞丁亥辛祭京第己丑升晉  
州為平陽壽州為壽春齊州為濟南府九月辛卯朔  
詣玉清和陽宮上太上開天執符御曆含真體道吳  
天王皇上帝徽號寶閣丙申赦天下令洞天福地脩  
建宮觀塑造聖像以西內成山赦京西己未以童貫  
為開府儀同三司冬十月乙丑太白晝見十一月丁  
酉朝獻景靈宮戊戌繕太廟己亥祀昊天上帝于園  
丘赦天下庚子以禮部尚書白昉中為尚書右丞辛  
丑魏公村薨戊申以侯蒙為中書侍郎薛昂為尚書  
左丞己未徙封衛國公擢為鄆國公增橫班為十三

階十一月己巳以婉儀劉氏為賢妃戊寅以熙河進  
築功成進執政一官乙酉奠九鼎于園像徽調閱劉  
正夫為開府儀同三司致仕戊子以宗粹為開府儀  
同三司是歲糞州三山黃河清出宮女六百八高麗  
占城大食真嶮大理夏國入貢茂州夷王永壽內附  
七年春正月丁酉于闐入貢庚子以殿前都指揮使  
高保為太尉二月癸亥以大理國主段和譽為雲南  
節度使大理國王甲子會道士二千餘人于上清宮  
籙官詔通真先生林靈素論以帝君降臨事丁卯御  
集英殿策高麗進士辛未改天寧萬壽觀為神霄玉

清萬壽宮乙亥幸上清寶籙宮命林靈素講道經三  
月庚寅賜高麗祭器高麗進士權適等四人賜上舍  
及第乙未以童貫權領樞密院丙申升鼎州為常德  
軍夏四月庚申帝諷道籙院上章開已為教主道君  
皇帝止於教門章疏內用辛酉升温州為應道軍五  
月戊子朔升慶州為慶陽軍渭州為平涼軍己丑如  
玉清和陽宮上承天効法厚德光大后土皇地祇徽  
號寶冊辛卯命祭儀提舉秘書省并左右街道籙院  
乙未詔權龍宮室修造辛丑祭地于方澤降德音于  
諸路以監司州縣共為姦賊令廉訪使者察奏仍許

民徑赴尚書省陳訴癸卯改玉清和陽宮為玉清神  
霄宮六月戊午朔以明堂成進封蔡京為陳魯國公  
戊辰以嘉王楷為太傅改節度觀察留後為承宣使  
己巳蔡京辭兩國不拜詔官其親屬二人壬午詔禁  
巫覡丙戌貴妃宋氏薨秋七月壬辰熙河環慶涇原  
地震庚子詔八寶增定命寶八月癸亥詔明堂并祠  
五帝鄭居中以母憂去位九月戊子詔湖北民力未  
舒胡耳西道可罷進築辛卯大饗明堂赦天下乙未  
劉正夫卒丁酉西蕃王子益麻党征降見于紫宸殿  
壬寅進宰執官一等甲辰以薛昂為特進癸丑貴妃

王氏薨冬十月乙卯朔初御明堂班朔布政戊寅侯  
蒙罷十一月庚寅命蔡京五日一赴都堂治事辛卯  
鄭居中起復以余深為特進少宰兼中書侍郎白時  
中為中書侍郎壬辰復置醴州丙申何執中卒升石  
泉縣為軍十二月戊申朔有星如月丁巳以薛昂為  
門下侍郎戊辰詔天神降于坤寧殿刻石以紀之庚  
午以童貫領樞密院命戶部侍郎孟揆作萬歲山是  
歲三山河水清出宮女六十八人

重和元年春正月甲申朔受定命寶于大慶殿戊  
子封孫謀為崇國公己丑赦天下應元符末上書邪  
中等人依無過人例乙巳封姪有奕為和義郡王庚  
戌以翰林學士承旨王黼為同書左丞二月戊辰增  
諸路酒價庚子遣武義大夫馬政由海道使女真約  
夾攻遼甲戌升六安縣為六安軍丁丑詔監司輒以  
禁錢買物為苞苴直饋獻論以大不恭三月丙戌詔監  
司郡守自今湏滿三歲乃得代仍母得通理癸巳令  
嘉王楷赴廷對丙申以茂州蕃族平曲赦四川丁酉  
知建昌陳弁等改建神霄宮不度及科決道士詔並  
勸停戊戌御集英殿策進士戊申賜禮部奏名進士  
及第出身七百八十三人有司以嘉王楷第一帝不

貞元節

欲措先多士。遂以王昂為榜首。夏四月癸丑朔築靖夏城制戎城錄呂餘慶後癸亥減徒刑已卯詔每歲以季秋親祀明堂如孟月朝獻禮以太上混元上德皇帝二月十五日生辰為貞元節五月壬午朔日有食之乙酉詔諸路選漕臣一員提舉本路神霄宮子亥以林靈素為通真達靈元妙先生張虛白為通元冲妙先生壬辰班御製聖濟經以青華帝君八月九日生辰為元成節庚戌手敕兩浙漕司以權添酒錢盡給御前工作六月乙卯以賢妃劉氏為淑妃己巳以淮西盜平曲赦庚子慮囚甲戌以西邊獻禮曲

元成節

赦陝西河東路秋七月壬午以西師有功加蔡京恩官其一子鄭居中為少傅余深為少保鄧洵武為特進進執政官一等己酉遣廉訪使者六人振濟東南諸路水災八月甲寅以童貫為太保辛酉詔班御註道德經壬申詔執政非入謝及丐去母得獨留奏事癸酉封子椅為嘉國公乙亥升兗州為襲慶府九月辛巳大饗明堂壬午詔罷拘白地禁權貨增方田稅添酒價取醋息河北加折耗米東南水災強糴等事丙戌詔太學辟雍各置內經道德經莊子列子博士二員己丑以歲當戌月當壬為元命降德音于天下



庚寅薛昂罷以白時中為門下侍郎王黼為中書侍郎翰林學士承旨馮熙載為尚書左丞刑部尚書范致虛為尚書右丞壬辰禁州郡遇糴及邊將殺降以倖功賞者矣己禁群臣朋黨丁酉用蔡京言集古今道敎事為紀志賜名道受辛丑鄭居中罷乞持餘服詔從之詔察縣令治行諸路治四司能改正州縣事者較為殿最詔視中大夫林靈圭系視中奉大夫張虛白並特授本品真官閏月庚申初江淮荆浙閩廣監司督責州縣還集流民丁卯進封一楷為鄆王丙子詔周柴氏後已封崇義公復立恭立一後以為宣義節監周陵廟世世為國三恪冬十月己卯朔太白晝見己亥改興慶軍為肇慶府甲辰置道官二十六等道職八等十一月己酉朔改元大赦天下辛亥日中有黑子丙辰以婉容王氏為賢妃辛酉補上書人安堯臣官己巳升梓州為潼川府十二月戊寅朔復京西錢監己丑置裕民局是歲江淮荆浙梓州一出宮女百七十八人黃巖民妻一產四男子子闌高麗入貢

本紀卷第二十二

宋史二十二

開府儀同三司上柱國魏軍國重事兼中書右丞相監修國史領經筵事都總裁臣昉等奉勅修

徽宗四

宣和元年春正月戊申朔日下有五色雲壬子進建安郡王樞為肅王又安郡王杞為景王並為太保乙卯詔佛改號大覺金僊餘為僊人大士僧為德士易服飾稱姓氏寺為宮院為觀改女冠為女道尼為女德丁巳金人使李善慶來遣趙有開報聘至登州而還戊午以余深為太宰兼門下侍郎王黼為特進少

宰兼中書侍郎乙丑改涇州為樂州癸酉封子棟為  
溫國公姪有恭為永寧郡王乙亥躬耕籍田罷祿民  
局二月庚辰改元易宣和殿為保和殿戊戌以鄧洵  
武為少保三月庚戌蔡京等進安州所得商六鼎已  
未以馮煦載為中書侍郎范致虛為尚書左丞翰林  
學士張邦昌為尚書右丞詔天下知宮觀道士與監  
司郡縣官以客禮相見童貫遣知熙州劉法出師攻  
統安城夏人伏兵擊之法敗殿震武軍受圍甲子知  
登州宗澤生建神霄宮不度除名編管辛未賜上舍  
生五十四人及第甲戌皇后親蠶夏四月丙子朔日

有食之庚寅童貫以鄜延環慶兵大破夏人平其三  
城己亥曲赦陝西河東路辛丑進輔臣官一等五月  
丙午朔有物如龍形見京師民家丁未詔德士並許  
入道學依道士法丙辰敗夏人于震武壬申班御製  
九星二十八宿朝元冠服圖甲戌慮囚是月大水犯  
都城西北有赤氣亘天六月壬午詔西邊武臣為經  
略使者改用文臣甲申詔封莊周為微妙元通真君  
列禦寇為致虛觀妙真君仍行冊命配享混元皇帝  
己亥夏國遣使納款詔六路罷兵秋七月甲寅以童  
貫為太傅八月戊寅詔諸路未方田處並令方量均

定租課丁酉以神霄宮成降德音于天下范致虛以  
毋憂去位九月甲辰朔燕蔡京於保和新殿辛酉大  
饗明堂癸亥幸道德院觀金芝遂幸蔡京第丁卯以  
淮康軍節度使蔡攸為開府儀同三司冬十月甲戌  
以紹述熙豐政事書布告天下十一月癸丑朝獻景  
靈宮甲寅饗太廟乙卯祀昊天上帝于園丘赦天下  
甲子詔東南諸路水災令監司郡守悉心振救戊辰  
以淮甸旱飢民失業遣監察御史察訪張邦昌為尚  
書左丞翰林學士王安中為尚書右丞時朱勔以花  
石綱媚上東南騷動太學生鄧肅進詩諷諫詔放歸

甲子十二月甲戌詔京東東路盜賊竊發令東西路  
提刑督捕之辛卯大雨雹丙申帝數微行正字曹輔  
上書極論之縮管郴州是歲京西飢淮東大旱遣官  
振濟嶺州黃河清升邢州為信德陳州為淮寧襄州  
為襄陽慶州為慶陽安州為德安鄆州為東平趙州  
為慶元府瀘州為瀘川睦州為建德岳州為岳陽寧  
州為興寧宣州為慶遠光州為光山均州為武寧軍  
二年春正月癸亥追封蔡確為汝南郡王甲子罷道  
學二月乙亥遣趙良嗣使金國唐恪罷庚辰以寧遠  
軍節度使梁子美為開府儀同三司戊子令所在贍

使金

給淮南流民諭還之甲午詔別脩誓宗史三月壬寅  
賜上舍生二十一人及第乙卯改熙河蘭湟路為熙河蘭  
廓路夏四月丙子詔江西廣東兩界群盜嘯聚添置武  
臣提刑路分都監各一員五月庚子朔以淑妃劉氏為  
貴妃己酉日中有黑子丁巳祭地于方澤降德音于諸  
路布衣朱夢詵上言論宦寺權太重編管池州戊辰詔  
宗室有文行才術者令太宗正司以聞六月癸酉詔  
開封府振濟飢民丁未太白晝見戊寅蔡京致仕仍  
朝朔望辛巳詔自今衝改元豐法制論以大不恭丙  
戌詔三省樞密院額外吏職並從裁汰及有妄言惑

衆稽違詔令者重論之詔諸司總轄提點之類非元  
豐法並罷丁亥復寺院額甲午罷禮制局并修書五  
十八所秋七月壬子罷文臣起復己未罷醫藥學丙  
寅封子穗為英國公八月庚辰詔減定醫官額乙未  
詔監司所舉守令非其人或廢法不舉令廉訪使者  
封之九月壬寅金人遣勃董等來乙巳復德士為僧  
辛亥大饗明堂丙辰遣馬政使金國癸亥余深加少  
傅以童貫第冬十月戊辰朔日有食之以河東節度  
使梁師成爲太尉建德軍清溪妖賊方臘反命譚稹  
討之十一月己亥余深罷仍少傅授鎮西軍節度使

以疑幸字  
之誤  
方臘

知福州庚戌以王黼爲少保太宰兼門下侍郎己未  
兩浙都監蔡遵顏坦擊方臘歿之十二月丁亥改譚  
積爲兩浙制置使以童貫爲江淮荆浙宣撫使討方  
臘己丑以少傅鄭居中權領樞密院庚辰詔訪兩浙  
民疾苦是月方臘陷建德又陷歙州東南將郭師中  
戰歿陷杭州知州趙震遁廉訪使者趙約詬賊死是  
歲淮南旱夏國真臘入貢

三年春正月壬寅鄧洵武卒戊午以安康郡王栩爲  
太保進封濟王鎮國公模爲開府儀同三司進封樂  
安郡王己未詔淮南江東福建各權添置武臣提刑

宋江

一員辛酉罷蘇杭州造作局及御前綱運乙丑罷西  
北兵更戍罷木石彩色等場務是月方臘陷婺州又  
陷衢州守臣彭汝方死之二月庚午趙震坐棄杭州  
貶吉陽軍罷方田甲戌降詔招撫方臘乙酉罷天下  
三舍及宗學辟雍諸路提舉學事官癸巳赦天下是  
月方臘陷處州淮南盜宋江等犯淮陽軍遣將討捕  
又犯京東江北八楚海州界命知州張叔夜招降之  
三月丁未御集英殿策進士庚申賜禮部奏名進士  
及第出身六百三十人夏四月丙寅貴妃劉氏薨甲  
戌清溪令陳光以賊發縣內棄城伏誅庚寅忠州防

御使辛興宗擒方臘于清溪詔二浙江東被賊州縣  
給復三年癸巳汝州牛生麒麟五月戊戌以鄭居中  
領樞密院巳亥詔杭越江寧守臣並帶安撫使甲辰  
追冊貴妃劉氏為皇后謚曰明節改睦州建德軍為  
嚴州遂安軍歙州為徽州丙午金人再遣曷魯等來  
戊申以興寧軍節度使劉宗元為開府儀同三司癸  
亥詔三省覺察臺諫罔上背公者取旨譴責陳過庭  
張汝霖以乞罷御前使喚及歲進花果為王黼所劾  
並竄貶閏月丙寅減諸州曹掾官辛未立醫官額申  
戌復應奉司命主黼及內侍梁師成領之戊寅慮囚

六月河決恩州清河埽秋七月丁卯振溫處等八州  
丁亥廢純滋等十二州戊子童貫等俘方臘以獻是  
月洛陽京畿訛言有黑青如人或如犬夜出掠小兒  
食之二歲乃息八月甲辰曲赦兩浙江東福建淮南  
路乙巳以童貫為太師譚稹加節度丁未祔明節皇  
后神主于別廟丙辰方臘伏誅九月丙寅以王黼為  
少傅鄭居中為少師庚午進執政官一等辛未大饗  
明堂冬十月甲寅詔自今賊吏獄具論決勿貸童貫  
復領陝西兩河宣撫十一月丁丑馮熙載罷以張邦  
昌為中書侍郎王安中為尚書左丞翰林學士承旨  
嘉靖丙辰年

李邦彥為尚書右丞辛巳封子桐為儀國公壬午張  
商英卒十二月辛卯朔日中有黑子壬子進封廣平  
郡王構為康王樂安郡王模為祁王並為太保是歲  
諸路蝗

四年春正月丁卯以蔡攸為少保梁師成為開府儀  
同三司癸酉金人破遼中京遼主北走二月丙申以  
旱禱于廣聖宮即日雨癸卯雨雹丙午以吳國公植  
為開府儀同三司進封信都郡王三月辛酉幸祕書  
省遂幸太學賜祕書少監翁彥深王時雍國子祭酒  
韋壽隆司業權邦彥章服館職學官諸生恩錫有差

丙子遼人立燕王淳為帝金人來約夾攻命童貫為  
河北河東路宣撫使屯兵于邊以應之且招諭幽燕  
夏四月丙午詔置補完校正文籍局錄三館書置宣  
和殿及太清樓祕閣又令郡縣訪遺書五月壬戌以  
高俅為開府儀同三司丁卯封子柄為昌國公甲戌  
嗣濮王仲御薨乙亥以蔡攸為河北河東宣撫副使  
庚辰以常德軍節度使譚稹為太尉童貫至雄州令  
都統制种師道等分道進兵癸未遼人擊敗前軍統  
制楊可世于蘭溝旬乙酉封開府儀同三司江夏郡  
王仲爰為嗣濮王丙戌慮囚楊可世與遼將蕭幹戰



于白溝敗績丁亥辛興宗敗于范村六月己丑种師道退保雄州遼人追擊至城下帝聞兵敗懼甚遂詔班師壬寅以王黼爲少師是月遼燕王淳薨蕭幹等立其妻蕭氏秋七月己未廢貴妃崔氏爲庶人壬午王黼以耶律淳死復命童貫蔡攸治兵以河陽三城節度使劉延慶爲都統制甲申种師道責授右衛將軍致仕和誥散官安置九月戊午朝散郎宋昭上書諫北伐王黼大惡之詔除名勒停廣南編管己未金人遣徒孤且烏歇等來議師期辛酉大饗明堂己巳高麗國王王侯薨遣路允迪弔祭甲戌遣趙良嗣報

聘于金國己卯遼將郭藥師等以涿易二州來降冬十月庚寅改燕京爲燕山府涿易八州並賜名癸巳劉延慶與郭藥師等統兵出雄州戊戌曲赦所復州縣己亥耶律淳妻蕭氏上表稱臣納款甲辰師次涿州己酉郭藥師與高世宣楊可世等襲燕蕭幹以兵入援戰于城中藥師等屢敗皆棄馬縋城而出死傷過半癸丑以蔡攸爲少傅判燕山府甲寅劉延慶自盧溝河燒營夜遁衆軍遂潰蕭幹追至涿水上乃還十二月丙辰朔行新墾戊辰朝獻景靈宮己巳饗太廟庚午祀昊天上帝于園丘赦天下東南官吏昨緣

寇盜貶責者並次第移放上書邪上人特與磨勘  
戊寅金人遣李靖等來許山前六州以彰德軍節度  
使鄭詳為太尉十二月丁亥郭藥師敗蕭幹于永清  
縣戊子遣趙良嗣報聘于金國庚寅以郭藥師為武  
泰軍節度使辛卯金人入燕蕭氏出奔壬辰使來獻  
捷乙未詔監司未經陞對毋得之任丙申貶劉延慶  
為率府率安置筠州壬寅進封植為莘王

五年春正月戊午金人遣李靖來議所許六州代租  
錢已未遣趙良嗣報聘求西京等州辛酉以王安中  
為慶遠軍節度使河北河東燕山府路宣撫使知燕

山府甲申錄富弼後二月乙酉朔以李邦彥為尚書  
左丞翰林學士趙野為尚書右丞丙戌金人以議未  
合斷橋梁焚次舍丁酉進封雍國公朴為華原郡王  
徐國公棟為高平郡王並為開府儀同三司三月乙  
卯金人再遣寧木割等來已未遣盧益報聘皆如其  
約夏四月癸巳金人遣楊璞以誓書及燕京涿易檀  
順景薊州來歸庚子童貫蔡攸入燕時燕之職官富  
民金帛子女先為金人盡掠而去乙巳童貫表奏撫  
定燕城庚戌曲赦河北河東燕雲路是日班師五月  
己未以收復燕雲賜王黼玉帶庚申以王黼為太傅

張覺

鄭居中爲太保進率執官二等辛酉王黼總治三省  
事癸亥童貫落節鉞進封徐豫國公蔡攸爲少師乙  
丑詔正位三公立本班帶節鉞若領他職者仍舊班  
著爲令癸酉祭地于方澤是月金人許辨武蔚三州  
金主阿骨打殂弟吳乞買立六月乙酉郭藥師加檢  
校少傅丙戌遼人張覺以平州來附己丑仲爰薨乙  
未詔今後內外宗室並不稱姓丁酉以安國軍節度  
使仲理爲開府儀同三司進封嗣濮王己亥慮囚戊  
申鄭居中卒辛亥以蔡攸領樞密院秋七月戊午以  
梁師成爲少保己未童貫致仕起復譚稹爲河北河

東燕山府路宣撫使庚午太傅楚國公王黼等上  
號曰繼天興道敷文成武睿明皇帝不允禁元祐學  
術八月辛巳朔日當食不見辛丑命王安中作復燕  
雲碑壬寅太白晝見是月蕭幹破景州薊州寇掠燕  
山郭藥師敗之幹尋爲其下所殺傳首京師九月辛  
酉大饗明堂冬十月乙酉兩木水壬寅罷諸路提舉  
常平之不職者十一月乙卯以鄭紳爲太師丙寅幸  
王黼第觀之諸路漕臣坐上供錢物不足貶秩者二  
十二人丁卯王安中譚稹並加檢校少傅郭藥師爲  
太尉華原郡王朴薨壬申王黼子弟親屬推恩有差

是月金人取平州張覺走燕山金人索之甚急命王安中縊殺函其首送之十二月乙巳金人遣高居慶等來賀正旦戊申以高平郡王棣爲太保進封徐王是歲秦鳳旱河北京東淮南饑遣官振濟

六年春正月乙卯爲金主輟朝戊午置書藝所癸亥藏蕭幹首于太社戊寅遣連南夫弔祭金國二月丁亥以冀國公栲爲開府儀同三司進封河間郡王韶州防禦使令盪爲婺州觀察使封安定郡王己亥躬耕籍田丙午詔自今非歷臺閣寺監監司郡守開封府曹官者不得爲郎官卿監著爲令李邦彥以父憂

去位三月己酉朔以錢景臻爲少師金人來勾糧不與閏月辛巳皇后親蠶庚子御集英殿策進士夏四月癸丑賜禮部奏名進士及第出身八百五人丁巳李邦彥起復五月壬寅慮囚癸卯金人遣使來告嗣位六月壬子詔以收復燕雲以來京東兩河之民困於調度令京西淮浙江湖四川閩廣並納免夫錢期以兩月納足違者從軍法秋七月戊子遣許亢宗賀金國嗣位丁酉詔應係御筆新羅不許詣尚書省陳訴改正壬寅詔宗室后妃戚里宰執之家槩敷免夫錢甲辰置璣衛所八月乙卯譚稹落太尉罷宣撫使

童貫落致仕領樞密院代之丁巳以溢機堡爲安羌城壬戌以復燕雲赦天下九月乙亥以白時中爲特進太宰兼門下侍郎李邦彥爲少宰兼中書侍郎蔡攸落節鉞辛巳大饗明堂丁亥以趙野爲尚書左丞翰林學士承旨宇文粹中爲尚書右丞開封尹蔡懋同知樞密院庚寅以金芝產于良嶽萬壽峰改名壽岳庚子金人遣富讓弼等以遺留物來獻冬十月庚午詔有收藏習用蘇黃之文者並令焚毀犯者以大不恭論癸酉詔內外官並以三年爲任治績著聞者再任永爲式十一月丙子王黼致仕太白晝見乙酉

罷應奉司丙戌令尚書省置講議局壬辰詔監司擇縣令有治績者保奏召赴都堂審察錄用年過三十二二月甲辰朔蔡京領講議司詔百官進不元豐法制丁未詔內外侍從以上各舉所知二人癸亥蔡京落致仕領三省事是歲河北山東盜起命內侍梁方平討之京師河東陝西地大震兩河京東西浙西水環慶邠寧涇原流徙令所在振恤夏國高麗于闐羅殿入貢

七年春正月癸酉朔詔赦兩河京西流民爲盜者仍給復一年癸巳詔罷諸路提舉常平官屬有罪當黜

者以名聞仍令三省脩已廢之法二月甲辰復置鑄錢監詔御史察賊吏巳酉雨木冰庚戌詔京師運米五十萬斛至燕山令工部侍郎孟揆親往措置巳巳進封廣國公棻爲南康郡王福國公榛爲平陽郡王並開府儀同三司壬申京東轉運副使李孝昌言招安羣盜張萬仙等五萬餘人詔補官犒賜有差三月癸酉朔雨雹甲申知海州錢伯言奏招降山東寇賈進等十萬人詔補官有差丙戌以惠國公棻爲開府儀同三司進封建安郡王夏四月丙辰降德音于京東河北路庚申蔡京復致仕復州縣免行錢戊辰詔

行元豐官制復尚書令之名虛而勿授三公但爲階官毋領三省事五月壬子封子樅爲潤國公丁亥詔諸路帥臣舉將校有才略者監司舉守令有政績者歲各三人六月辛丑朔詔宗室復著姓丙午封童貫爲廣陽郡王戊申詔臣僚輒與內侍來往者論罪辛亥慮囚巳未以蔡攸爲太保癸亥詔吏職雜流出身人毋得陳請改換乙丑罷減六尚歲貢物秋七月庚午朔詔士庶毋以天王君聖爲名字及以壬戌日輔臣焚香甲戌以河間郡王樗爲太保進封沂王是月河東義勝軍叛熙河河東路地震九月辛巳大饗明

堂壬辰金人以擒遼主遣李孝和等來告慶是月河東言粘罕至雲中詔童貫復宣撫有狐升御榻而坐冬十月辛亥賜曾布謚曰文肅戊午罷京畿和糴十一月庚午詔無出身待制以上年及三十通歷任滿十歲乃許任子乙亥遣使回慶金國申申朝獻景靈宮乙酉饗太廟丙戌祀昊天上帝于園丘赦天下庚寅以保靜軍節度使种師道爲河東河北路制置使十二月乙巳童貫自太原遁歸京師己酉中山奏金人幹离不粘罕分兩道入攻郭藥師以燕山叛北邊諸郡皆陷又陷忻代等州圍太原府太常少卿傅察

奉使不屈死之丙辰罷浙江諸路花石綱延福宮西城租課及內外製造局金兵犯中山府詹度禦之戊午皇太子桓爲開封牧罷修蕃衍北宅令諸王子分居十位己未下詔罪已令中外直言極諫郡邑率師勤王募草澤異才有能出奇計及使疆外者罷道官罷大晟府行幸局西城及諸局所管緡錢盡付有司以保和殿大學士宇文虛中爲河北東路宣諭使庚申詔內禪皇太子卽皇帝位尊帝爲教主道君太上皇帝居于龍德宮尊皇后爲太上皇后靖康元年正月己巳詣亳州太清宮行恭謝禮遂幸鎮江府四月

已亥還京師明年二月丁卯金人脅帝北行紹興五年四月甲子崩于五國城年五十有四七年九月甲子凶問至江南遙上尊諡曰聖文仁德顯孝皇帝廟號徽宗十二年八月乙酉梓宮還臨安十月丙寅權攢于永祐陵十二月丁卯祔太廟第十一室十二年正月己亥加上尊號曰體神合道駿烈遜功聖文仁德憲慈顯孝皇帝

贊曰宋中葉之禍車蔡首惡趙良嗣厲階然哲宗之崩徽宗未立序謂其輕佻不可以君天下遼天祚之亡張覺舉平州來歸良嗣以爲納之失信於金必啓

外侮使二人之計行宋不立徽宗不納張覺金雖強何釁以伐宋哉以是知事變之來雖小人亦能知之而君子有所不能制也跡徽宗失國之由非若晉惠之愚孫皓之暴亦非有曹馬之篡奪特恃其私智小慧用心一偏踈斥正士狎近姦諛於是蔡京以猥薄巧佞之資濟其驕奢淫佚之志溺信虛無崇飾遊觀困竭民力君臣逸豫相爲誕謾怠棄國政日行無稽及童貫用事又佳兵勤遠稔禍速亂他日國破身辱遂與石晉重貴同科豈得諉諸數哉昔西周新造之邦召公猶告武王以不作無益害有益不貴異物賤



用物况宣政之爲宋承熙豐紹聖核喪之餘而徽宗  
又躬蹈二事之弊乎自古人君玩物而喪志縱欲而  
敗度鮮不亡者徽宗甚焉故特著以爲戒

本紀卷第二十三

宋史二十三

開府儀同三司上柱國錄軍國重事前中書右丞相監修國史領議事都總裁真脫奉

勅修

欽宗

欽宗恭文順德仁孝皇帝諱桓徽宗皇帝長子母曰  
恭顯皇后王氏元符三年四月巳酉生于坤寧殿初  
名亶封韓國公明年六月進封京兆郡王崇寧三年  
二月甲午更名焯十一月丁亥又改今名大觀二年  
正月進封定王政和元年三月講學于資善堂二年  
正月加太保四年二月癸酉冠于文德殿五年二月

乙巳立爲皇太子大赦天下丁巳謁太廟詔乘金輅  
設鹵簿如至道天禧故事及宮僚參謁並稱臣皆辭  
之六年六月癸未納妃朱氏宣和七年十二月戊午  
除開封牧庚申徽宗詔皇太子嗣位自稱曰道君皇  
帝趣太子入禁中被以御服泣涕固辭因得疾又固  
辭不許辛酉即皇帝位御垂拱殿見羣臣是日日有  
五色暈挾赤黃珥重日相蕩摩久之乃引道君皇帝  
出居龍德宮皇帝出居禎景園以少宰李邦彥爲龍  
德宮使太保領樞密院事蔡攸門下侍郎吳敏副之  
是時金人已分道犯境壬戌赦大逆反叛以下罪進

陳東

百官秩一等賞諸軍立妃朱氏爲皇后以太子居事  
耿南仲簽書樞密院事蔡攸詔太傅燕王越王入朝  
不趨贊拜不名詔非三省樞密院所得旨有司勿行  
甲子幹維不唯信德府粘罕圖太原詔京東淮西浙  
募兵入衛太學生陳東等上書數蔡京重貫王黼梁  
師成李彥休劾罪謂之六賊請誅之又丙寅上道君皇  
帝尊號曰教主道君太上皇帝皇后曰道君太上皇  
后詔改元

靖康元年春正月丁卯朔受群臣朝賀是詣龍德宮  
賀道君皇帝詔中外臣妾實封言得失金人攻相州

戊辰破濟州威武軍節度使梁方平帥潰河北河東  
路制置副使何灌退保滑州己二遷奔遂金人濟河  
詔親征道君皇帝東巡以領樞密院事蔡攸為行宮  
使尚書左丞宇文粹中副之詔自今除授點步及恩  
敘等事並參酌祖宗舊制能內外官司每所一百五  
奏止留後苑以奉龍德宮以門下侍郎吳敏知樞密  
院事吏部尚書李執同知樞密院事取太傅致仕王  
黼為崇信軍節度副使安置永州賜翊衛大夫安德  
軍承宣使李孝死並籍其家放寧遠軍節度使朱勔  
歸田畧帝欲親征以李綱為留守以李執為副給事

中王寓諫親征能之庚午道君皇帝如亳州百官多  
替道宰相欲奉帝出襄鄧李綱諫止之以綱為尚書  
右丞李綱以李綱為親征行營使侍衛親軍馬軍都  
指揮使曹瑛副之太宰兼門下侍郎白時中罷李邦  
彥為太宰兼門下侍郎守中書侍郎張邦昌為少宰  
兼中書侍郎尚書左丞趙野為門下侍郎翰林學士  
承旨王孝迪為中書侍郎同知樞密院事蔡懋為尚  
書左丞壬申金人渡河遣使督諸道兵入援癸酉詔  
西自樞密院官制一遵元豐故事金人犯京師命尚  
書駕部員外郎鄭望之親衛大夫康州防禦使高世

則使其軍詔從官舉文武臣僚堪充將帥有膽勇者  
是夜金人攻宣澤門李綱禦之斬獲百餘人至旦始  
退甲戌金人遣吳孝民來議和命李統使金軍金人  
又使蕭三寶奴耶律忠張愿恭來以吏部尚書唐恪  
同知樞密院事乙亥金人攻過津景陽等門李綱督  
戰自卯至酉斬首數千級何灌戰死李統與蕭三寶  
奴耶律忠王洵來索金帛數十萬且求割太原中山  
河間三鎮并宰相親王為質丙子退師丙子避正殿咸  
常膳括借金銀籍倡優家財庚辰命張邦昌副康王  
攜使金軍詔稱金國加大字辛巳道君皇帝辛鎮江

以兵部尚書路允迪簽書樞密院事金人陷陽武知  
縣事蔣興祖死之壬午大風走石光日乃止封于謨  
為大寧郡王甲申省廉訪使者官罷鈔旁定貼錢及  
諸州先行錢以諸路贍軍戶絕田產歸常平司統制  
官馬忠以京西募兵至擊金人于順天門外敗之乙  
酉路允迪使統軍軍于河東平陽府將劉嗣初以城  
叛丁亥靖難軍節度使河北河東路制置使种師道  
督涇原秦鳳兵入援以師道同知樞密院事為京畿  
河北河東宣撫使統四方勒王兵及前後軍庚寅盜  
殺王黼于雍兵癸巳大霧四塞乙未賊少保淮南節

度使梁師成爲彰化軍節度副使行及八角鎮賜死  
二月丁酉朔命都總制姚平仲將兵夜襲金人軍不  
克而奔戊戌罷李綱以謝金人廢親征行營司金人  
復承議和庚子命駙馬都尉曹晟使金軍辛丑又命  
資政殿大學士宇文虛中知東上閤門事王球使之  
許割三鎮地太學諸生陳永等及都民數萬人伏闕  
上書請復用李綱及神師道且言李邦彥等疾綱恐  
其成功能綱正陞金人之計會邦彥入朝衆數其罪  
而罵吳敏傳宣衆不返遂搥空聞鼓山呼動地殿帥  
王宗漢恐生變奏上勉從之遣耿南仲號於衆曰已

得旨宣綱矣內侍朱拱之宣綱後期殺綱而磔之并  
殺內侍數十人乃復綱布及充京城防禦使子真以  
封范仲淹魏國公贈司馬光太師張禹英太師除元  
祐黨籍學術之禁詔誅士民殺內侍爲首者禁伏闕  
上書廢苑囿宮觀可以與民者金人使王洎來突亦  
命肅王樞使命軍以觀文殿學士大名尹餘慶二爲  
中書侍郎宇文虛中爲書樞密院事兼總樞節乙巳字  
文虛中王球復使金軍康王至自金軍金人遣韓光  
裔來告辭遂退師京師解嚴丙午康王歸爲太傅兼  
江寧寧軍節度使省明堂班朔布政官丁未日有雨

不史二十三日... 卷之三十三... 五... 十一...

學四百八十八  
得戊申赦天下詔諭士民自今庶事並遵用祖宗舊  
制凡蠹國害民之事一切罷罷已酉爲宰執兼神霄  
玉清萬壽宮使及殿中監符寶郎詔用祖宗舊事擇  
武臣得軍心者爲同知簽書樞密院選將有威重者  
爲三衙以金人請和詔官民皆嘗附金而後歸本朝  
考各還其鄉國庚戌李邦彥罷以張邦昌爲太宰兼  
門下侍郎吳玳爲少宰兼中書侍郎李綱知樞密院  
事耿南仲爲尚書左丞李稅爲尚書右丞辛亥詔監  
察御史言事如祖宗法宇文粹中罷知江寧府癸丑  
种師道罷爲中太一宮使贈右正言陳瑾爲右諫議

大夫甲寅敗太師致仕蔡京爲秘書監分司南京太  
師廣陽郡王童貫爲左衛上將軍太保領樞密院事  
蔡攸爲大中大夫提舉亳州明道宮先是粘罕遣人  
來求賂大臣以勤王兵大集拘其使人且結約余親  
以圖之至是粘罕怒及攻太原不克分兵趣京師過  
南北關摧威勝軍李檀以城降乙卯陷德府知府  
張確通判趙作錄司殺張彥適死之內辰有一流星  
一出張宿入濁沒一出北河入幹已未詔遣都承旨  
使有功應除正任者自今除正任親吏辛酉西京方平  
坐棄河津伏誅王孝迪罷命給事中王雲爲衛親軍

守四子八人  
馬軍都指揮使曹瑁使金國鎮洮夏節度使中太乙  
宮使种師道為河南河東路宣諭使保靜軍節度使  
前副都指揮使姚古為制置使乙丑御殿復膳丙寅  
下哀痛之詔于陝西河東是月金人犯澤州之高平  
知州高世由往犒之乃去三月丁卯朔遣徽猷閣待  
制宋煥奉表道君皇帝行宮詔侍從言事詔非三省  
樞密院所奉旨諸司不許奉行罷川路歲所遣使募  
人掩軍民遺骸遣使分就四郊致祭戊辰李枕罷為  
鴻慶宮使己巳張邦昌罷為中太一宮使徐處仁為太  
宰兼門下侍郎唐恪為中書侍郎翰林學士何臬為

尚書右丞御史中丞許翰同知樞密院事庚午宇文  
虛中罷知青州癸酉詣景靈東宮行恭謝禮命趙野  
為道君皇帝行宮奉迎使甲戌恭謝景靈西宮及建  
隆觀乙亥詣陽德觀凝祥池中太一宮佑神觀相國  
寺丙子改擲景園為寧德宮錄司馬光後己卯燕王  
侯越王偲為太師壬午詔金人叛盟深入其元主和  
議李邦彥奉使許地李枕李鄴鄭望之悉行罷黜又  
詔种師道姚古种師中往援三鎮保塞陵寢所在誓  
當固守癸未遣李綱迎道君皇帝于南京以徐處仁  
為禮儀使殿中侍御史李擢左司諫李會罷乙酉迎

道君皇帝于宜春苑太后入居寧德宮丙戌知中山府詹度爲資政殿大學士知太原府張孝純知河間府陳邁並爲資政殿學士知澤州高世由直龍圖閣賞城守之勞也丁亥朝于寧德宮詔扈從行宮官吏候還京日優加賞典除有罪之人迫於公議已行遣外餘令臺諫勿復用前事糾言庚寅肅王樞爲太傅姚古復隆德府辛卯復威勝軍壬辰太保景王杞濟王栩爲太傅有流星出紫微垣甲午康王構爲集慶建雄軍節度使尚書戶部侍郎錢蓋爲陝西制置使命陳東初品官賜同進士出身辭不拜籍朱勔家乙

未詔金歸朝官民未發遣者止之丙申貶蔡京爲崇信軍節度副使是春夏人取天德雲內武州及河東八館夏四月戊戌夏人陷鎮武城攝知城事朱昭死之己亥迎太上皇帝入都門壬寅朝于龍德宮癸卯立子諶爲皇太子耿南仲爲門下侍郎乙巳置春秋博士戊申置詳議司于尚書省討論祖宗法己酉乾龍節群臣上壽于紫宸殿庚戌趙野罷壬子金人使賈寔冉企弓來癸丑封太師沂國公鄭紳爲樂平郡王貶童貫爲昭化軍節度副使安置郴州減宰執俸給三之一及支賜之半詔開經筵令吏部稽考庶官



凡由楊戩李彥之公田王黼朱勔之應奉童貫西北  
之師孟昌齡河防之役夔蜀湖南之開疆關陝河東  
之改幣及近習所引獻頌可采特赴殿試之流所得  
爵賞悉奪之甲寅种師道加太尉同知樞密院事河  
北河東路宣撫使乙卯詔自今假日特坐百司毋得  
休務以平涼軍節度使范訥爲右金吾衛上將軍丙  
辰詔有告姦人妄言金人復至以恐動居民者賞之  
戊午進封南康郡王棫爲和王平陽郡王榛爲信王  
己未復以詩賦取士禁用莊老及王安石字說壬戌  
詔親擢臺諫官宰執勿得薦舉著爲令追政和以來

道官處士先生封贈奏補等敕書甲子今在京監察  
御史在外監司郡守及路分鈐轄已上舉曾經邊任  
或有武勇可以統衆出戰者人二員東兵正將占沆  
與金人戰于交城縣死之乙丑詔三衙並諸路帥司  
各舉諳練邊事智勇過人并豪俊奇傑衆所推服堪  
充統制將領者各五人貶蔡攸節度副使安置朱勔  
于循州五月丙寅朔朝于龍德宮令提舉官日具太  
上皇帝起居平安以聞丁卯詔天下有能以財穀佐  
軍者有司以名聞推恩有差以少傳鎮西軍節度金  
深爲特進觀文殿太學士戊辰罷王安石配饗孔子

廟庭庚午少傅安武軍節度使錢景臻鎮安軍節度使開府儀同三司劉宗元並爲左金吾衛上將軍保信軍節度使劉敷武成軍節度使劉敏獨德軍節度使張林岳陽軍節度使王舜臣應道軍節度使朱孝孫瀘川軍節度使錢忱並爲右金吾衛上將軍是日寒辛未申銅禁詔無出身待制已上年及三十而通歷任實及十年者乃得任子監察御史余應求坐言事迎合大臣罷知衛州甲戌曲赦河北路乙亥申銷金禁丁丑詔以儉約先天下澄冗汰貪爲民隱害授監司郡縣奉行所未及者凡十有六事姚古將兵至

威勝聞粘罕將至衆驚潰河東大振河北河東路制置副使种師中與金人戰于榆次死之己卯借外任官職田一年開府儀同三司高休卒辛巳損太宮日進膳追削高休官申申罷詳議司己丑以河東經略安撫使張孝純爲檢校少保武當軍節度使壬辰詔天下舉習武藝兵書者乙未詔姚古援太原六月丙申朔以道君皇帝還朝御紫宸殿受羣臣朝賀詔諫官極論國失戊戌令中外舉文武官才堪將帥者時太原圍急羣臣欲割三鎮地李綱沮之乃以李綱代种師道爲宣撫使援太原辛丑以資政殿學士劉韜

爲宣撫副使陝西制置司都統制解潛爲制置副使  
太白犯歲星壬寅封鄆國公榘爲安康郡王韓國公  
捷爲廣平郡王并開府儀同三司詔今日政令惟遵  
奉上皇詔書修復祖宗故事羣臣庶士亦當講孔子  
之正道察安石舊說之不當者羽翼朕志以濟中興  
癸卯以侍衛親軍馬軍副都指揮使鎮西軍承宣使  
王稟爲建武軍節度使錄堅守太原之功也甲辰路  
允迪罷爲禮泉觀使乙巳左司諫陳公輔以言事責  
監合州酒務壬子天狗墜地有聲如雷癸丑慮囚丙  
辰太白熒惑歲鎮四星合於張辛酉罷都水將作監

承授內侍官熙河都統制焦安節坐不法李綱斬之  
壬戌姚古坐擁兵逗遛貶爲節度副使安置廣州羣  
出紫微垣秋七月乙巳朔除元符上書邪等之禁宋  
昭政和中上書諫攻遼貶連州庚午詔赴都堂乙亥  
安置蔡京于儋州改雷州置貫吉陽軍己卯免借河  
北河東陝西路職田乙酉詔蔡京子孫二十三人已  
分竄遠地遇赦不許量移是日京死于潭州丁亥令  
侍從官共議改修宣仁聖烈皇后謗史辛卯遣監察  
御史張激誅童貫廣西轉運副使李昇之誅趙良嗣  
並竄其子孫于海南壬辰侍御史李光遠坐言事貶

監當是月解潛與金人戰于南關敗績劉鈺自遼州引兵與金人戰敗績八月甲午朔錄陳瓘後丙申復命神師追以宣撫使巡邊召李綱還庚子詔以姜星避殿減膳令從臣具民間疾苦以聞河東察訪使張灝與金人戰于文水敗績辛丑詔求民之疾苦者十七事悉除之丁未韓離不復攻廣信軍保州不克遂犯真定戊申都統張思正等夜襲金人于文水縣敗之己酉復戰師潰死者數萬人思正奔汾州都統制折可求師潰于夏山威勝隆德汾晉澤絳民皆渡河南奔州縣皆空金人乘勝攻太原錄張庭堅後

乙卯遣徽猷閣待制王雲閣門宣贊舍人馬識遠使于金國秘書著作佐郎劉岑太常博士李若水分使其軍議和戊午許翰罷知亳州己未太宰徐處仁罷知東平少宰吳敏罷知揚州以唐恪為少宰兼中書侍郎何臬為中書侍郎禮部尚書陳過庭為尚書右丞開封尹聶昌同知樞密院事御史中丞李回簽書樞密院事庚申遣王雲使金軍許以三鎮賦稅是月福州軍亂殺其知州事柳庭俊九月丙寅金人陷太原執安撫使張孝純副都總管丁稟通判方笈皆死之辛未貶吳敏為崇信軍節度副使安置涪州移蔡

攸于萬安軍尋與弟脩及朱勔皆賜死乙亥詔編脩  
敕令所取靖康以前蔡京所乞御筆手詔參祖宗法  
及今所行者刪修成書丁丑禮部尚書王寓為尚書  
左丞戊寅有赤氣隨日出李綱罷知揚州壬午烏童  
貫首于都市癸未賜布衣尹焞為和靖處士甲申日  
有兩珥背氣丙戌建三京及鄧州為都總管府分總  
四道兵庚寅以知大名府趙野為北道都總管知河  
南府王襄為西道都總管知鄧州張叔夜為南道都  
總管知應天府胡直孺為東道都總管又罷李綱提  
舉洞霄宮辛卯遣給事中黃鏐由海道使金國議和

是月夏人陷西安州冬十月癸巳朔御殿復膳貶李  
綱為保靜軍節度副使安置建昌軍丁酉金人陷真  
定都鈐轄劉翀死之有流星如杯戊戌金人使楊天  
吉王汭來庚子日有青赤黃戴氣金人陷汾州知州  
張克戩兵馬都監賈亶死之又攻平定軍辛丑下哀  
痛詔命河北河東諸路帥臣傳檄所部得便宜行事  
壬寅天寧節率群臣詣龍德宮上壽甲辰詔用蔡京  
王黼童貫所薦人丙午集從官十尚書省議割三鎮  
召种師道還丁未以禮部尚書馮澥知樞密院事已  
酉閱砲飛山營庚戌以范訥為寧武軍節度使河北

河東路宣撫使遼故將小鞠鞬攻陷麟州建寧砦知  
砦楊震死之壬子詔太常禮官集議金主尊號命尚  
書左丞王寓副康王使幹離不軍寓辭乙卯雨水冰  
丙辰金人陷平陽府又陷威勝隆德澤州丁巳高麗  
入貢令明州遞表以進遣其使還戊午貶王寓爲單  
州團練副使命馮澥代行庚申日有兩珥及背氣侍  
御史胡舜陟請援中山不省辛酉种師道薨十一月  
丙寅夏人陷懷德軍知軍事劉銓通判杜翊世死之  
籍譚稹家戊辰康王未至金軍而還馮澥罷巳巳集  
百官議三鎮棄守庚午詔河北河東京畿清野令流

民得占官舍寺觀以居辛未有流星如杯壬申禁京  
師民以浮言相動者癸酉右諫議大夫范宗尹以首  
議棄地罷金人至河外宣撫副使折彥質領師十二  
萬拒之甲戌師潰金人濟河知河陽燕瑛西京留守  
王襄棄城遁乙亥命刑部尚書王雲副康王使幹離  
不軍許割三鎮奉衣冕車輅尊其主爲皇叔且上尊  
號丙子金人度河折彥質兵盡潰提刑許高兵潰于  
洛口金人來言欲盡得河北地京師戒嚴遣資政殿  
學士馮澥及李若水使粘罕軍丁丑何輿罷以尚書  
左丞陳過庭爲尚書侍郎兵部尚書孫傳爲尚書右

丞命成忠郎郭京領選六甲正兵所簽書樞密院事  
李回以萬騎防河衆潰而歸是日塞京城門戊寅進  
龍德宮婉容韋氏為賢妃康王構為安國安武軍節  
度使罷清野辛巳以知懷州霍安國為徽猷閣待制  
通判林淵直徽猷閣賞守禦之功也壬午幹離不使  
楊天吉王洎勃董撤離梅來命耿南仲使幹離不軍  
聶昌使粘罕軍許畫河為界康王至磁州州人殺王  
雲止王勿行王復還相州甲申以尚書右丞孫傳同  
知樞密院事御史中丞曹輔簽書樞密院事以京兆  
府路安撫使范致虛為陝西五路宣撫使令督勤王

兵入援乙酉幹離不軍至城下遣遺書間行出關召  
兵又約康王及河北守將來援多為邏兵所獲丁亥  
大風發屋折木李回罷戊子金人攻通津門范瓊出  
兵焚其砦己丑南道總管張叔夜將兵勤王至玉津  
園以叔夜為延康殿學士幹離不遣劉晏來庚寅幸  
東壁勞軍詔三省長官名悉依元豐舊制領開封府  
何臬為門下侍郎閏月壬辰朔金人攻善利門統制  
姚仲友禦之奇兵作亂殺使臣王宗濬斬數十人乃  
定唐恪出都人欲擊之因求去罷為中太一官使以  
門下侍郎何臬為尚書左僕射兼中書侍郎劉貽坐

棄軍降五官子祠癸巳京師苦寒用日者言借土牛  
迎春朱伯友坐棄鄭州降三官罷西道總管王襄棄  
西京去知澤州高世由以城降于金燕瑛欲棄河陽  
爲亂兵所殺河東諸郡或降或破殆盡都民殺東壁  
統制官辛亢宗罷民乘城代以保甲黏罕軍至城下  
甲午時雨雪交作帝被甲登城以御膳賜士卒易火  
飯以進人皆感激流涕金人攻通津門數百人縋城  
禦之焚其砲架五鵝車二驛名李綱爲資政殿大學  
士領開封府金人陷懷州霍安國林淵及其鈐轄張  
彭年都監趙士訢張謚皆死之乙未金人入青城攻

朝陽門馮澥與金人蕭慶楊真誥來丙申帝幸宣化  
門以障泥乘馬行泥淖中民皆感泣張叔夜數戰有  
功帝如安上門名見拜資政殿學士金人執胡直孺  
又陷栢州丁酉赤氣亘天以馮澥爲尚書左丞戊戌  
殿前副都指揮使王宗濞與金人戰于城下統制官  
高師旦死之庚子以資政殿學士張叔夜簽書樞密  
院事金人攻宣化門姚仲友禦之辛丑金人攻南壁  
殺傷相當壬寅詔河北守臣盡起軍民兵倍道入援  
癸卯金人攻南壁張叔夜范瓊分兵襲之遙見金兵  
奔還自相蹈籍溺隍死者以千數甲辰大雨雪金人



陷亳州遣間使召諸道兵勤王乙巳大寒士卒噤戰不能執兵有僵仆者帝在禁中徒跣祈晴待勤王兵不至城中兵可用者惟衛士三萬然亦十失五六金人攻城急丙午雨木冰丁未始避正殿巳酉遣馮澥曹輔與宗室仲溫仕誦使金軍請和命康王爲天下兵馬大元帥速領兵入衛辛亥金人來議和要親王出盟壬子金人攻通津宣化門范瓊以千人出戰渡河冰裂沒者五百餘人自是士氣益挫甲寅大風自北起俄大雨雪連日夜不止乙卯金人復使劉晏來趣親王宰相出盟丙辰妖人郭京用六甲法盡令守

禦人下城大啓宣化門出攻金人兵大敗京託言下城作法引餘兵遁去金兵登城衆皆披靡金人焚南薰諸門姚仲友死于亂兵宦者黃經國赴火死統制官何慶言陳克禮中書舍人高振力戰與其家人皆被害秦元領保甲斬關遁京城陷衛士入都亭驛執劉晏殺之丁巳奉道君皇帝寧德皇后入居延福宮命何臬及濟王栩使金軍戊午何臬入言金人邀上皇出郊帝曰上皇驚憂而疾必欲之出朕當親往自乙卯雪不止是日霖夜有白氣出太微彗星見庚申日赤如火無光辛酉帝如青城十二月壬戌朔帝在

青城蕭慶入居尚書省是日康王開大元帥府于相  
州癸亥帝至自青城甲子大索金帛丙寅遣陳過庭  
劉韜使兩河割地辛未定京師米價勸糶以振民癸  
酉斬行門指揮使蔣宣李福乙亥康王如北京丙子  
尚書省火庚辰雨雹癸未大雪寒縱民伐紫筠館花  
木爲薪庚寅康王如東平

二年春正月辛卯朔命濟王栩景王杞出賀金軍金  
人亦遣使入賀壬辰金人趣召康王還遣聶昌耿南  
仲陳過庭出割兩河地民堅守不奉詔凡累月止得  
石州甲午詔兩河民開門出降乙未有大星出建星

徐揆

西南流入于濁没丁酉雨木冰己亥陰曠風迅發夜  
西北陰雲中有如火光庚子金人索金銀急何奩李  
若水勸帝親至軍中從之以太子監國而行乙己籍  
梁師成家丙午劉韜自經于金軍大學生徐揆上書  
乞守門請帝還闕金人取至軍中揆抗論爲所殺至  
夜金人劫神衛營丁未大霧四塞金人下含輝門剽  
掠焚五岳觀二月辛酉朔帝在青城自如金軍都人  
出迎駕丙寅金人塹南薰門路人心大恐己而金人  
令推立異姓孫傳方號慟乞立趙氏不允丁卯金人  
要上皇如青城以內侍鄧述所具諸王孫名盡取入

軍中辛未金人逼上皇召皇后皇太子入青城庚辰  
康王如濟州癸未觀文殿大學士唐恪仰藥自殺乙  
酉金人以括金未足殺戶部尚書梅執禮侍郎陳知  
質刑部侍郎程振給事中安扶三月辛卯朔帝在青  
城丁酉金人立張邦昌爲楚帝庚子金人來取宗室  
開封尹徐秉哲令民結保毋藏匿丁巳金人脅上皇  
北行夏四月庚申朔大風吹石折木金人以帝及皇  
后皇太子北歸凡法駕鹵簿皇后以下車輅鹵簿冠  
服禮器法物大樂教坊樂器祭器八寶九鼎圭璧渾  
天儀銅人刻漏古器景靈宮供器太清樓秘閣三館

書天下州府圖及官吏內人內侍技藝工匠娼優府  
庫畜積爲之一空辛酉北風大起苦寒五月庚寅朔  
康王即位于南京進上尊號曰孝慈淵聖皇帝紹興  
三十一年五月辛卯帝崩問至七月己丑上尊謚曰  
恭文順德仁孝皇帝廟號欽宗三十二年閏二月戊  
寅祔于太廟

贊曰帝在東宮不見失德及其踐阼聲技音樂一無  
所好靖康初疎能正王黼朱勔等罪而竄殛之故金  
人聞帝內禪將有卷甲北旆之意矣惜其亂勢已成  
不可救藥君臣相視又不能同力協謀以濟斯難端

儒然講和之不暇卒致父子淪胥社稷蕪第帝至於  
是蓋亦異儒而不知義者歟享國日淺而受禍至深  
考其所自真可悼也夫真可悼也夫

本紀卷第二十三



